



Ex Bibliotheca
majori Coll. Rom.
Societ. Jesu

Ms. C. 50 v.

LES
IVGEMENS
ASTRONOMIQUES
DES SONGES,

PAR ARTEMIDORVS

Autheur ancien & renommé.

*Augmenté par Auguste Niphe sur les
Augures.*

Et vn traicté fait sur les Diuinations,
par ANTHOINE DV MOVLIN,



Imprimé à ROVEN,

Et se vend A PARIS.

Chez IEAN PROME', prés les
Augustins au Cheual de Bronze.

M. D. C. LXIV.






A LA NATION
FRANCOISE,

Charles Fontaine.

S A L U T.

*Ces iours passez tu as veu de mes vers,
Que tu reçois avec tant bonne grace :
Que mes Labeurs prendront le cours de
vers
Ton œil bening, & tant humaine face,
S'il te plaît donc, ton cœur ce bien me
face,
Dont le bon vœu ie veux plus qu'autre
chose,
C'est qu'à present te quier cette Preface
Comme mes vers tu reçois ma prose.*

HANTE LE FRANCOIS.



LE TRADVCTEUR

*A quelque personnage
d'Autorité.*



Evous auois dernièrement
promis, de rechercher mon
translat du Duel, (autre-
ment combat particulier)
que i'escriuy estant avec vous à Tu-
rin, afin de le faire Imprimer avec
l'Epistre Liminaire adressant à vous :
mais apres auoir diligemment tour-
né & reuéré mes Liures & Copies, ie
ne l'ay oncques sceu trouuer, dont
i'ay esté bien fasché : comme ce n'est
le premier de mes Labeurs que i'ay
perdus, entre tant d'allées de venuës,
tant de maladies & d'affaires. Or ce
nonobstant, deslors ie pensay de vous
faire present d'un mien autre Trans-

A ij



EPISTRE.

lat que ferois tout de nouueau, afin que par ce cognoissiez la perseuerence de mon vouloir enuers vous. Et ay entre d'autres Liures choisi celuy d'Artemidore, ancien & bien renommé entre tous ceux qui ont iamais traité de la matiere & effect des Songes : lequel à esté traduit de nostre temps, vn sçauant Medecin & Philosophe, & mis de Grec en Latin. Dudit œuvre Latin, i'en ay traduit en nostre Langue le premier Liure, comme par maniere d'Epitome : car ce que i'ay veu qui ne conuenoit à nostre temps & qui n'estoit necessaire, ie l'ay laissé. Ainsi qui sont plusieurs superstitions des Payens, qui seroient ridicules à present. Lequel premier liure ainsi par moy traduit ; ie vous offre presentement : estimant que ce transfert & petit labour, ne me conuient point mal : car les songes aussi & leur interpretation, semblent conuenir particulièrement & par vne prerogatiue, aux Poetes à cause qu'a leur Apollon (dont nostre Auteur se vante & assure auoir inspiration, commande,

EPISTRE.

ment & contrainte, de commencer cet œuvre) est attribué & dédié non seulement l'art Poétique, mais aussi la science & interpretation des Songes, & l'intelligence & prescience de choses futures. Ainsi il ne vient point trop mal à propos apres mon liure d'Epigrammes que ie vous ay présenté dernièrement. Dauantage mon aduis & raison estoit telle, que ce Translat, aussi ne viendrait point trop mal apres mon Translat de la chiromance qu'avez veu, lequel vous eusse dressé n'estoit que ie doutois, parce qu'aucunes gens ne font pas cas de ces Pronostiques. Mais puis apres cognoissant par vostre propos, qu'eussiez Lien pris que ie vous l'eusse adressé ie n'ay fait difficulté de vous adresser l'œuvre presente; & aucunement reconnoistre ma faute: Car l'Autheur Latin n'auoit pas fait difficulté d'adresser son œuvre au Marquis de Mantouë. Et aussi d'interpreter du tout les Pronostiques autrement Sciences diuinatrices, ce seroit condamner & reprouuer vne bonne partie de la

EPISTRE.

Philosophie. Je laisse les raisons qui ont esté deduite & debattuës par Tybere, par Dyrandre, & par maistre André Coruy, & autres. Il est tout certain qu'Aristote entre les Philosophes les plus renommez, à traicté de la Physionomie, à parlé de la Chiromance, a'escriit des songes, & a composé de l'Astrologie, qui sont toutes sciences aucunement diuinatoires, c'est a dire iudicatiues ou denonciatiues. Ausquelles certes ie ne voudrois adiouster telle foy, comme à chose certaines & infailibles, mais pource que les choses spirituelles (ou plustost Dieu mesme) meuuent & gouernent les inferieurs, de sorte que communement & par raison naturelle, & par l'experience d'une infinité de temps, de telle cause vient & en produict tel & tel effect.

L'on ne peut faillir de foy exercer à connoistre & entendre les choses secretes en la nature autant que Dieu & Nature nous le permettent. Et est vray semblable, ou plustost veritable ce qui tiennent les Philosophes

EPISTRE.

Que Dieu & Nature n'ont rien fait,
 & ne font rien sans cause. Et croy que
 souuent Dieu nous aduertit des choses
 qui nous touchent à nostre hon-
 neur, salut, & santé, par signes vi-
 sions, songes & autres moyens qu'il
 luy plaist, auxquels si nous pensions
 bien, nous & nos affaires s'en porte-
 roient trop mieux. Comme aduint
 aduertissement par Songe, auant la
 destruction de Troyes, & auant la
 mort de Cesar. Et qu'y a il plus hon-
 neste, plus saint & aprochant de la
 Diuinité, qu'autant que l'Esprit hu-
 main peut supporter, cognoistre & en-
 tendre vne partie des choses à venir
 sans offencer Dieu, ains par le moyen
 des causes & significations precedentes
 qui nous sont par luy enuoyées. Ce
 qui est propre seulement à l'homme,
 qui a vsage de raison, par laquelle il
 peut diserner & iuger des choses à
 venir, ainsi comme dit Ciceron. Aussi
 de ce temps heureux du Roy François
 Roy de toutes graces & perfections
 bien né, sous lequel sont nées dere-
 chef & entrees au monde les bonnes

EPISTRE

Lettres, nous auons l'art Phyzionomie, Chiromance, Astrologie, mieux & plus correctement Imprimez, que depuis deux cens ans & par son autorité & commandement nous voyons toutes sçiences se resfouir, acroître & renouveler.

Mais ie retourne à mon propos, Artemidore, Daldiana ainsi comme à cause de la petite Ville ou Bourgade dont estoit sa mere qui est situé en Lydie region d'Asie, à present Turquie: Laquelle villettes nommée Dalde, il a voulu ainsi honorer & renommer au tiltre de ce Liure en l'honneur, reconnoissance & reuerence de sa mere: car de luy il estoit Ephesien, c'est à dire natif de la ville d'Ephese pres le pays de Grece, où saint Paul adressoit vne sienne Epistre. Et aussi Artemidore Ephesien, mais en cestuy il a voulu mettre Daldien, pour la raison que dessus. A esté fort sçauans de son temps & entre autres sçiences principalement fort studieux des sçôges, de sorte, ce qu'ils est

EPISTRE.

trouué es asséblées de Grèce, d'Asie & d'Italie, & aux Isles grandes & fameuses seulement & expressement pour scauoir, pour enquerir & disputer de l'interprétation & effects des songes. Enquoy il est si excellent, qu'il a par tout esté le bien venu, i'açoit que le Vaticinateurs eussent quelques-fois esté chassés, ce nonobstant il a esté ouy & receu, & en a parlé & disputé, & plainement & publiquement a conuersé avec eux en honneur & fort longues années hors de son pays. Et n'estoit point adonné en grande auarice & ambitions de ce monde entreprenans si grands voyages avec si grands frais, seulement pour acquerir honneur & renomioit à verru, c'est d'aporter ce profit à la posterité, que de rechercher les choses secrètes en la nature des songes, & de nous esclaircir & rediger par escrit.

Certes il iettoit son œil beaucoup a voulu visiter plusieurs pays, & aussi s'est trouué es Villes, vniuersitez

EPISTRE.

plus que sur la vie & sur son temps, ayant ce bon & vray iugement, qu'il ny a honneur ne vie longue, que celle qui est acquise par Lettres & science. Et auioird'huy s'il s'en trouuoit quelqu'un qui voulut ainsi consumer ses biens & vser son corps en voyages loingtains, seulement pour aquerir sçauoir sans profit, l'on s'en mockeroit comme d'un far, seulement on a esgard, s'il y a moyen d'aucun profit pour se faire riche & ses enfans. Aussi apres la mort de telles gens qui n'ont esgard qu'au vil metal & à la terre, leur honneur, acquisitions & thresors, c'est vn honneur des trois iours. Mais nostre Arthemidore vit encores en honneur, apres plus de trois fois trois cens ans qu'il est defunct, & l'on en parle encores & parlera-on deluy par tout l'vniuersel monde. Il escriuit de cette matieres des Songes apres plusieurs, comme estoient, Apollone, Alexandre, Mynde, Aristandre, Pannase, Antiphon, Nicostate, Ephefile, Anthemon Milesien, & Phebe Antiochien, & plusieurs autres: En-

EPISTRE,

quoy il les à tous passez, si bien qu'il nous est quasi tout seul demeuré. Des songes qui appartiennent à vne Republique, communauté ou Police, il est d'aduis qu'ils s'apparoissent point à vn homme particulier & de bas estat seulement, mais bien aux Roys, Princes, Gouverneurs, Chefs ou Capitaines, & en ce il parle avec Homere, Ou bien ils s'aparoissent à plusieurs de bas estat, qui les recitent publiquement auant que sortir son effet. Aussi pareillement il est d'aduis & conseille de ne prendre esgard au songe, dont on ne se souuiet entierement. Mais auant de s'ingerer d'interpreter, veut que l'on aye parfaite souuenance du commencement, du milieu & de la fin du songe & de toutes les circonstances, afin d'en estre plus seur & de mieux discuter la matiere. L'on sçait par faute de ce, comment il est pris au Colonel Amicar. Aussi il veut que l'on regarde aux qualitez des personnes, selon lesquelles les songes sortent diuers effets ainsi comme vous verrez au liure. En quoy errent grandement ceux

EPISTRE.

qui ont voulu traicter briefuement , & rediger cet art en reigles generalles, comme i'en ay bien cogneu quelqu'un de ce temps contre lesquels nostre Autheur a escrit , & les picque quelquesfois aigrement soy armant tousiours de raison conioinctes avec l'experience. Et certes à propos d'experience, i'ay souuenance d'auoir songe estant lors avec vous de là les monts , & depuis aussi à Ferrare & à Venise certains songes concernans mes affaires, dont i'ay cogneu estant de retour en France , l'effet aduenu conforme à l'interpretation de nostre Artemidore & encor aussi depuis par plusieurs fois. Ce qui ma grandement incité de le traduire & augmenté l'affection de le vous offrir : car ie fay doute quelquefois qu'il vous plaira y aduiser , ne trouuez semblablement l'experience conforme à l'exposition du liure : à laquelle experience nostre Artemidore se range tousiours , & de laquelle experience il s'ose bien vanter par dessus tous les autres qui ont escrit parauant luy. Du temps

EPISTRE.

& heure des songes qui emportent effet se voyent, ie serois bien d'adu-
uis avec Ouide, que c'est sur le
point du iour, ou depuis la mi-
nuict, tous les sens & vertus corpo-
relles sont occupez à la digestion
du soupper, qui dure aux vns plus
aux autres moins, selon la force &
debilité, chaleur ou froideur de
l'estomach, & ce temps pendant
l'esprit ne peut vacquer à faire grands
choses, attendu l'empeschement &
trauail de la digestion faicte, que les
sens sont en bon repos, l'esprit qui
tousiours veille, plus facilement tra-
uaille, feint, forme & represente
choses merueilleuses au salut & hon-
neur de son hoste Luy monstre en vn
miroir certaines formes, figures espe-
ces de visions, & de maux & biens pa-
ssez ou à venir.

Hero songeoit sur le point du iour
que vn Dauphin agité des ondes de
la mer, fut ietté mort dessus l'arc-
ne, Ce qui signifioit la mort de Le-
andre lequel fut miserablement
suffoqué des ondes de la mer, & ietté

EPISTRE.

ainsi la mesme nuit au riuage. Toutesfois nostre Artemidore est d'aduis que l'homme sobre & tranquille, puisse voir les songes qui sortiront effect, non seulement à la minuit, mais deuant la minuit, & aussi de iour. De la cause des songes, Aristote doutoit si elle est enuoyee de Dieu en nostre esprit, ou si elle y estoit naturellement. Et ce n'est point sans raison qu'il en doutoit. Car les songes qui emportent effect, qui pareillement s'ont veu estre par gens peu chargez d'affections en leur esprit & aussi de viandes en leur corps, certes c'est vne chose à merueilles haute & secrette & beaucoup plus diuine que l'on ne penseroit pas.

Et ce n'est point sans cause que le Philosophe Platon apelloit l'homme le miracle, ou bien les merueilles de Dieu. C'est que le Poëte Virgille dit que les esprits ont vigueur spirituelle & celeste origine, laquelle ils exercent & mettent en effect, d'autant que les corps qui sont subiects à plusieurs maux & qui sont comme vne

EPISTRE

prison des esprits ne les retardent &
 empeschement point. Ce qu'il a prins
 & tiré de Platon lequel aussi veut que
 nous reuerions nostre esprit com-
 me vne chose sacrée: enfuyant Pitha-
 gore. Et au quatriesme & cinquies-
 me Liure de ses Loix, demonstre,
 tient & afferme que l'estat & police
 d'une Ville, la forme d'une Reubupli-
 que & la constitution des Loix,
 ne sont autrement aprouuez que par
 Oracles. Aussi les responce & re-
 uelations de Dieu sont, soit par son-
 ges, visions ou autres moyens. Et dit
 aussi que nos esprits, s'ils n'estoient
 point tant distraicts, & que de toute
 leur force ils eussent leur action & in-
 tention à de certaines choses ainsi
 que le feu de toute sa force & inten-
 tion brusle, ils feroient des choses plus
 merueilleuses & plus miraculeuses
 que ne font les Elemens & le Ciel.
 Et de cette opinion sont aussi Auicen-
 ne & Aglazelle, en cet endroi& Pla-
 toniques. Et encores que Caton aye
 escrit,

Somnia ne cures.

EPISTRE.

Me fait contre nous: car il declare puis apres de quels songes il entendoit, en adioustant.

Nam mens humana quod optat.

*Dum Vigilat sperans, personi in cernit
idipsum.*

Par laquelle addition s'expose donnant clairement à entendre, qu'il defendoit prendre aduis aux songes qui se font par affection & appetit charnel: comme vn vsurier qui songeoit apres l'or & l'argent; vn paillard apres sa paillardise, & autres semblables, choses qu'on scauroit souhaiter. Ce que prouue fort nostre Auteur Artemidore, en disant, que les songes qui emportent quelque effect, & qui sont de Dieu, sont bien autres que l'effect & que l'experiēce d'iceux.

Et au contraire que les songes qui sont conformes aux affections & pensées, sont autant (parlant à propos) que rien, n'y faut prendre aucun aduis, Et certe ie croy bien qu'un paillard ordinaire vn vsurier, vn embicieux, & vn yurongne, ne verra pas communement songe qui concerne
l'hon-

EPISTRE.

l'honneur, le salut & profit de soy
 n'y des siens, n'y de la republ^e que
 mais l'homme de bien, vertueux, pur
 & net (auant qu'il est permis à la
 fragilité humaine) i'estime que celuy
 là quelquefois, verra & interpretera ses
 songes & visions, au salut, honneur
 & profit de soy, des siens, & de la re-
 publique, d'autant que son esprit est
 moins retenu, lié & souillé avec l'ac-
 cointance du corps. En la sainte Es-
 criture nous en auons experience au
 vieil & nouveau Testament, de Ioseph
 fils de Iacob, & de Ioseph espoux de
 la Vierge Marie.

Saint Pierre au second chapitre des
 Apostres, recite la Prophesie de Ioel,
 parlaquelle il demōstre que ce n'estoit
 point chose nouuelle si Dieu enuoyoit
 des visions & songes. Il a d'autres pas-
 sages, mais ie les laisse aux Theolo-
 giens. Quant aux Histoires huma-
 nes, on y a beaucoup vëu d'illues &
 experiences des songes, comme de la
 mere de Virgile qui songea quand el-
 le estoit enceinte de luy, quelle
 voyoit croistre yne brāche de Laurier.

EPISTRE.

Et elle enfanta vn Poëte à qui on attribua la couronne de Laurier. Aussi la mere de Paris qui songea qu'elle enfanta vn Flambeau ardent qui brusloit tout le pays ce qui aduint : Car Paris dont elle estoit enceinte, fut cause de la ruine, arsure & destruction de Troye, ainsi qu'auoit predict & interpreté sa sœur Cassandre, à laquelle tout ce nonobstant l'on n'adiousta point de foy, dont mal en print non seulement au Roy & Royne, pere & mere dudit Paris, mais aussi à tout le Royaume, dont la grande destruction miserable est encores au iourd'uy en bruiet. De Socrates qui songea voir en son giron vn petit Cigne, à qui les plumes croissent, & qui incontinent les aisles estenduës & volant en haut chanta vn chant doux & harmonieux : Et le lendemain Platon luy fut amené pour estre son disciple lequel par son éloquence a chanté doucement,

Du Roy Astiage, qui songea quand sa fille estoit enceinte. qu'il voyoit proceder de la nature d'icelle vne

E P I S T R E.

Vigne, croissant si fort que ses rameaux couvrirent toutes les regions de son domaine. Ce qui aduint, car elle engendra Cyrus le grand Roy de Perse, qui fut maistre & Seigneur de tous ses Pays. Iepourrois encor alleguer Philippes de Macedone pere du Grand Allexandre, dont Aristandre Philosophe interpreta le songe, selon laquelle interpretation aduint. De Ciceron, d'Hannibal, de Capurnie & plusieurs autres qui ont eu des songes & des visions nocturnes, dont les effects sont aduenus: comme en sont foy maintes & diuerses Histoires, mais pour cause de briefuee ie m'en deporteray. le me tais aussi du songe de Scipion en Ciceron, & du Philosophe Socrate en Platon: car ie voy que cette Epistre est paruenue à bonne & iuste longueur; & beaucoup plus que ie ne pensois, mais le fil de l'oraison m'a mené si loing. Seulement ie diray, qu'il me semble que ce seroit trop grand mespris & parlé en homme brutal, de vouloir dire que toutes visions & songes de toutes personnes

EPISTRE.

nes sont choses vaines & de nul effect. Ce qui a desia aucunement esté prouué faux cy-dessus, tant par liures & Histoires diuines que humaines, & croy que ce seroit arguer contre Dieu & la nature, & contre la prouidence & faire iniure à l'esprit de l'homme qui est (à vray dire) le miroir des choses diuines, en le faisant tousiours & du tout inutile, vagabond, vain & oyssif, quand le corps repose qui est adoncques qu'il semble mieux regner en sa force & vertu, & en sa noblesse spirituelle apprehensible & intellectuëlle. Si me rengeray avec Socrates, qui dit que l'homme de bien, soit viſ soit mort est entre les mains de Dieu : le-quel prend toutes ses affaires en main & en soin & soucy les dispose à son vouloir, & l'en aduertit par plusieurs voyes secrettes & occultes, ainsi qu'il luy plaist. Et diray encôre ce mot que les Songes sont d'une chose d'autant plus diuine que la Physionomie, Chiromance, Podomancie & Astrologie, qui sont faicts par l'es-


EPISTRE.

prit seul. Les Medecins aussi font cas des Songes : car par iceux iugent & cognosent quelquefois la qualité des humeur qui dominant la source & la cause briefue & longueur des malades.

Je ne doute point que quelques gens, de prime face quand ils liront en ce liure, l'estimeront chose vaine & curieuse : car moy-mesme quelquesfois i'en disois bien autant, & auparavant que i'eusse veu le liure i'en pensois autant, & peu de temps & longues saisons, i'ay conferé les choses avec l'experience, tant en moy qu'en autry, ie ne puis que ie ne porte reuerence & admiration & à l'œuure & a l'ouurier. En cet endroit feray la fin de ce Proesme long & fascheux, priant (Monseigneur) que puissiez tant songer & soigner au bien deffence honneur & augmentation du Royaume que vostre bien & honneur aille tousiours en croissant comme il fait : de sorte que quelque iour ie le voye

EPISTRE.
encores redoublé, par la liberté de
nostre tres-noble & puissant Roy de
France tousiours florissant.

FIN DV PROESME.





E P I T O M E

DV PREMIER LIVRE

D'ARTEMIDORE.

*Des songes speculatifs, & allegoriques ou
significatifs.*



Ly a des songes qui sont
speculatifs, & correspon-
dent a leur vision. Com-
me quelqu'un a songé,
que le Nauire ou il estoit
perissoit, & au resueil il arriua estre
vray, & se sauua avec peu de gens,
Les autres sont allegoriques, qui par
vne chose signifient vne autre, l'ame
nous aduisant naturellement qu'il ya
ie ne sçay quoy de secret caché des-
sous; dont ie donneray vne diffini-
tion de songe en general, contre la-

quelle on ne puisse rien alleguer ny contredire sinon gens cõtentieux Songer est mouuement ou fixation de l'Amé en diuerses formes & significative de biens ou maux à venir. Des songes, ceux qui ne s'estendent point en autrui, estant seulement en eux & enuers ceux qui les voyent & non enuers autrui ny par autrui : ils aduiendront à ceux qui les voyent, comme parler, chanter, dancier, combattre & nager : Mais ceux qui sont autour du corps, en des choses externes, comme liets, coffres, habits, & meubles, combien qu'ils soient propres & particuliers, si est-ce que souuent aduint aux prochains selon la necessité & propriété de l'vsage. Et en cette sorte la teste signifie le pere : la dextre la mere, le fils & le frere, la main senestre, la femme, la femme, l'amie, la fille & la sœur Or est-il que des songes communs, & qui s'entendent à autrui, tous ceux qui se font par nous & en nous, ou enuers nous seulement ils doiuent estre repütez appartenir à vous particulièrement. Et au contrai-

re

re, tous ceux qui ne se font à nous, ou enuers nous, ny par nous aduiendront à auttuy; toutesfois si ce sont nos amis, & que les songes soient significatifs de bien, la ioye nous en redonnera & au contraire, la tristesse mais si ce sont nos ennemis, il faut estimer & iuger aussi au contraire.

De Naistre.

Si quelqu'un songe qu'il sort du vêtre d'une femme, comme pour naistre au monde, il faut iuger en telle sorte. Ce songe est bon à celuy qui est pauvre: car il aura moyens ou amis qui les nourriront, sinon qu'il soit artisan & de mestier, qui requiere ouurer de mains, car le songe luy predict qu'il sera sans ouurer, comme les enfans qui ont les mains enuelpées. A celuy qui est riche, ce songe signifie qu'il n'aura pas domination en la maison, ains que d'autres domineront sur luy contre sa volonté: car les enfans sont gouvernez par autrui. A celuy qui a sa femme n'en en ceincte c'est signification qu'il perdra sa femme, car les enfans ne sont pas mariez & hantant

femmes. Mais à celuy que a femme enceinte c'est qu'il aura vn fils qui luy fera du tout semblable : Et en cette sorte il luy semblera : qu'il soit nay deux diuerſes fois. Aux champions & combattans, ce ſonge eſt mauuais ; car les enfans ne cheminent ne courent & ne peuuent aſſaillir aucun. A celuy qui eſt en loingtaine region, c'eſt qu'il retournera chez luy, afin qu'il retourne à ſon commencement. A celuy qui eſt malade c'eſt attendu que les Morts ſont enuoloppez de linges & drappeaux comme les enfans, & eſtendus en terre.

D'eſtre gros d'enfant.

Si quelqu'un eſtant pauvre, ſonge qu'il ſoit gros d'enfant, il deuiendra riche & amassera argent à grand tra : S'il eſt riche, il ſera en peine & ſoucy : Qui a femme, il la perdra, n'ayant plus beſoin qu'elle luy face d'enfans. Qui n'en a point en aura vné bien douce : Aux autres ſignifie maladie. Mais eſtre gros puis enfanter, c'eſt pis : car il veut dire que le malade mourra bien-toſt : Mais à celuy qui eſt pau-

ûre & endebté, fert en peine & misere
c'est fin & descharge de tous ces maux
presens: aussi ce songe reuele secrets.
Ce songe est contraire aux riches vsu-
riers, negociateurs, & à tous qui sont
en autorité: car ce qu'ils auroient au-
parauant, ils le perdront: Mais aux
marchands & nautonniers, ou à ceux
qui ont Nauires ce songe est bon. A
plusieurs est aduenü apres ce songe
perte de parens.

D'auoir enfans.

Songer de voir ou auoir enfans pro-
pres & non d'autrui, est mauuais à
l'homme & à la femme: car c'est sou-
cy & tristesse des choses necessaires,
sans lesquelles on ne peut nourrir les
enfans: Mais les masles apportent bõ-
ne issuë. Les femelles apportent vne
fin pire que le commencement: car el-
les sont mariée avec douaire. J'ay co-
gneu vn homme qui songea qu'il luy
estoit née vne fille, & il emprunta de
l'argent à vsure. Et au contraire i'ay
cogneu vn autre qui songea qu'il en-
terroit sa fille trespassee, il luy aduint

qu'il fut contraint payer la debte d'ot
il estoit obligé ainsi donc la fille a con-
uenance avec la debte : mais veoir des
enfans d'autrui cela est bon quand ils
sont beaux & de bonne grace : car ce
signifie approcher bon temps.

*Des enfans enuoloppéz de drappeaux &
linges, & du lait.*

Si quelqu'un se voit enuoloppé de
drappeaux à la façon des petits enfans
& succer la mamelle d'une femme qu'il
cognoisse c'est longue maladie, s'il n'a
sa femme enceinte : car adonc il luy
naistra un fils qui luy ressemblera, Et
si la femme fait ce songe, il luy nai-
stra une fille : mais si aucun estant en
prison fait ce songe, le diable luy suf-
cite encore quelques charges, à ce
qu'il soit deliuré, Et n'est pas hors de
raison le semblable en la maladie, mais
se voir par songe auoir du lait en ses
mamelles, à la ieune femme c'est qu'elle
conceura & viendra son fruit à per-
fection, à la vieille estant pauvre si-
gnifie richesse, estant riche, despen-
ce & largesse, à la fille, ce sont ses
nopces qui aprochent, car sans estre

Artemidore des Songes,

7

accouplée avec l'homme ne pourroit auoir liēt : mais si elle est bien petite pucelette loing du temps d'espouser ; celuy signifie mort : toutes choses auenantes outre la qualité de l'aage sont mauuaises, peu exceptées. A l'homme pauvre, c'est abondance d'argent & de possessions, si qu'il puisse nourrir les autres. D'auantage i'ay cogneu par experience que ce songe predict à celuy quin'est point marié. Mariage à celuy quin'a point d'enfans, en aura, mais au champion & artisan & à tous ceux qui de leur estat trauaillent & mouuent le corps signifie maladie : car les corps feminez ont du laiēt, mesmement i'ay cogneu que quelqu'un ayant femme & enfans, à qui est aduenue ce songe, perdit sa femme par mort, & puis apres luy mesme nourrit ses enfans, faisant enuers eux office de pere & de mere ensemble.

De la teste.

Songer auoir grande teste, est bon à l'homme riche qui n'a point encores grand estat ny dignité. Aussi a celuy

qui recueille l'argent pour le viure : car en premier ce songe predict principauté ou dignité , en laquelle faudra qu'il porte couronne , sceptre ou diademe. Au second grandes richesses & possessions , au champion , victoire : Au changeur & vsurier , amas de grandes sommes d'argent. Mais au riche qui est ia en dignité , & au réthoricien & Iuges du peuple ce songe apporte charges & contumelies de par le peuple : Et à celuy qui est malade c'est douleur de teste : A l'homme de guerre trauaux & peines au serf lōgue seruitude : Et à celuy qui a esleu vie tranquile , c'est peine & fascherie. Mais auoir la teste plus petite que la proportion naturelle , signifie chose contraire selon la raison de la signification de chacune teste cy-dessus écrite , emportent difference pour la differente qualité des personnes.

Des cheueux longs.

Auoir les cheueux grands & beaux & y prendre gloire , est bon principalement à la femme , & aussi à l'homme sage , au Sacrificateur , au Vitici-

nateur, au Roy & Prince : car à ceux qui ont de coustume de laisser croistre leurs cheveux, ce songe est bon, attendu que leur profession leur permet d'entretenir leur perruque. Il est bon aussi aux autres, mais non pas tant : car il leur signifie seulement richesse, laborieuse non ioyeuse, car il faut du temps & de la peine à produire longs cheveux.

Des cheveux mal en ordre.

Les cheveux longs mais sans ordre, si que ils semblent mieux estre comme poils de barbe rude & aspre que perruque : signifient à toutes personnes fascheries & tristesses. Et i'ay veu quelque fois vn notable personnage constitué en autorité, & heureux aussi en ses autres affaires, qui par songe s'estoit veu en la ville aller deuant ceux dont il estoit Gouverneur, & pensoit auoir ses cheveux tous secs, rudes & mal en ordre. Je luy ay remōstré & experimenté que ce songe luy signifioit tristesse. Et peu de temps apres il resté desmis de son office & autorité. Ce qui luy fut dommage & miserable.

De poil de Porc & de Cheual.

Songer auoir poil de Porc, sont grands perils violens, & tels que sont ceux auxquels la beste est suiect à sçauoir le Porc. Auoir poil de Cheual c'est seruitude & misere.

Auoir laine au lieu de cheueux.

Auoir de la laine au lieu de cheueux predict longues maladies & fantasies, & la gratille, si que souuent ayant de la laine en la teste, il pensera quasi qu'elle luy soit naturelle. Si les cheueux semblent estre muez en quelque autre matiere, il faudra semblablement faire coniecture, c'est à dire selon la nature de la transmutation aussi. Se voir estre sans poil à l'entour de la face, c'est honte prochaine, & empeschement d'affaires presentes. Mais voir la partie de derriere la teste forte, c'est pauureté & infortune en la vieillesse. Si aucun à la dextre partie de la teste chauue & nue, il perdra tous ses parens massés, & s'il n'en a point il aura dommage. Si au contraire, la fenestre partie de la teste est sans poil c'est perte de cousines & alliées: car

la teste signifie les parens : la part dextre , les masles, la fenestre les femelles & ainsi par tout le corps. Auoir tout le derriere de la teste nuë , est bon à celuy qui est conuenu en Iustice , qui à crainte , & qui est reserré & detenu par force : car il pourra fuir & éuiter , attendu qu'on ne le sçaura comment prendre par derriere en fuyant.

Se voir tondre ou raser.

Se voir raser tout le chef , est bon au badins qui ont de coustume de faire rire , & à ceux qui communement font rasez : a tous autres il est mauuais : car il signifie autant que nudité & chauueté, sinon qu'il aporte plus grands maux & plus prochains. Aux nauigans c'est euident naufrage : aux malades grand peril non pas mort toutesfois , car ceux qui sont sortis de naufrage & de grand maladie se rasent, mais non pas les morts. Estre tondu par le Barbier , est bon à tous , generalement : car certes nul en quelque cas dangereux ne se tond , mais ceux qui aiment l'honnesteté & braueté ou qui sont sans tristesse & indigence. I'ay dit

par les mains du Barbier : car si quel-
qu'un se tond soy mesme , signifie tri-
stesse subite, ou infortune plaine de
grands maux. Au surplus 'est qu'ils
s'acquitera aux autres c'est dommage
par ceux qui le grattent.

Du Fronc.

Le fronc sain & charnu est bon à tous
& signifie libetté de parler , force &
constance, mais songer auoir le fronc
d'airain, de fer ou de pierre : aux ga-
beliers, tauerniers, & à tous qui vi-
uent avec imprudence sans honte &
vergongne est bon , & à ceux seule-
ment , aux autres engendre haine.

Des Oreilles.

Aux plusieurs oreilles , est bon à ce-
luy qui veut auoir qu'elqu'un obeissât
comme femme enfans, seruiteur. Au
riche, signifie grand renom en bien : Si
les oreilles sont belles & bien formées
ou mal, si les oreilles sont laides &
difformes. Ce songe est mauuais au
serf, mesme à celuy qui a procès, soit
demandeur ou deffendeur : mais il est
bon à vn artisan & ouurier qui travail-
le des mains : car il en aura plusieurs

qui le demanderont pour besongner. Perdre les aureilles c'est le contraire de chacune chose susdite. Curer ses oreilles, c'est bonne nouvelle qui nous viendra de quelque part. Et au contraire les oreilles battues & frappées, predisent mauuaises nouvelles.

Des formis entrant aux oreilles.

Songer que les Formis entrent dans les oreilles est bon seulement aux Sophistes, Philosophes & Precepteurs: car les Formis sont semblables aux enfans qui vont ouyr les Sophistes. Aux autres, ce songe signifie la mort: car elles sont filles de la terre & entrent dedans la terre. J'en ay cogneu aucun qui songea que ces deux oreilles estoient sortis des espics de bled & que le bled en tomboit dedans ses mains, & il s'ouyt appeller heritier d'un sien frere mort, à cause de oreilles, qui sont d'Asne; est bon seulement aux philosophes; car un Asne ne meut pas bien tost n'y facilement les oreilles: aux autres, c'est seruitude & misere. Auoir oreilles de Lyon, de Loup ou de

quelque autre beste cruelle, c'est espiement & fraude par enuie. Au surplus songer auoir les yeux aux oreilles signifient auement.

Des Sourcils.

Les sourcils veluz & de bonne grace, sont bons à tous & mesmement aux femmes: Mais les sourcils nuds & sans poil, signifient à tous mauuaise issue des affaires dueil & douleur.

Des yeux.

Auoir la veüe ague, est bonne generalement à tous, mais la veüe trouble, signifient faute d'argent, & empeschement d'affaires. A celuy qui a enfans, c'est qu'ils seront malades. Estre auent du tout, c'est perte des enfans, de frere, de pere & mere. Toutefois ce songe est bon à celuy qui seroit en prison, & à celuy que est grandement pauvre: car le premier ne verra plus autour de soy les maux. Le second aura qui luy aydera & fera plaisir comme plusieurs sont prests à donner la main à vn auent: mais ce songe empesche de faire loings voyages, & predict aussi à celuy qui est

en pays estrange, n'y fa maison, Aussi est mauuais ce songe à l'homme de guerre, & aussi à tous courtisans : leurs affaires n'auront point bonne issue. Aussi est contraire aux Nautonniers, & ceux qui contemplent les Estoilles & aux Vaticinateurs. Et si aucun querant vne chose perdue voit ce songe là, iamaïs ne la retrouver. Aux Poetes ce songe est bon : car ils ont besoin de grand repos, quand ils veulent composer en vers : Aux malades ce songe leur apporte tousiours la mort. Si qu'elqu'un songe auoir perdu vn œil les choses predites & signefiées luy aduiendront en partie & comme à demy. D'auantage faut considerer que l'œil dextre signifie le fils, le frere, le pere, & le fenestre la fille, la sœur & la mere Auoir trois ou quatre yeux à celuy qui a deliberé prendre femme, & à celuy qui n'a point d'enfans est bon & qui desire en auoir. Aussi est bon à l'usurier : car il aura grandes sommes de deniers, mais à celuy la qui doit est mauuais. Au riche admoneste qu'il se donne bien garde de soy, & de ses

possessions, pour raison de quelques fraudes & menées secrettes. Et à l'homme trompeur & à la femme belle; auoir plusieurs yeux n'est pas bon, car celuy là aura plusieurs yeux qui le surprendront, cette-cy aura plusieurs pail-lards qui seront surprins autour d'elle. Au surplus si aucun songe auoir des yeux au pieds, ou aux mains, perdra la veüe si en autre partie du corps cette partie là sera malade, battüe, ou affolée. l'ay cogneu homme qui songea que ses yeux luy estoient tombez aux pieds, & il n'aduint pas aueugle: mais maria ses filles avec des seruiteurs. Auoir les yeux d'autrui, signifie perdre la veüe, mais si on cognoist celuy de qui on a les yeux, on aura son enfant ou quelque grand bien de luy.

Du nez.

Auoir le nez beau & grand, est bon à tous: car il signifie subtilité de sens, & prouidence aux affaires & accointance avec grands personnages. Mais n'auoir point de nez, signifie le contraire, Et au malade la mort: car la teste des morts n'ont point de nez,

Auoir deux nez c'est discord avec les Domestiques plus apparens.

Des ioües.

Auoir les ioües refaictes & plaines est bon à tous, mesmement aux femmes, mais plates & pleines de surongles, c'est tristesse.

Des Machoüeres & Levres.

Les Machoüeres sont referées aux Caues, Boutiques, & autres choses propres à regarder marchandises ou drogues. Les levres sont referées à ceux qui nous baissent ou embrassent & qui sont souuent autour de nous comme la femme, les enfans, les parens & alliez. Par ainsi l'un à l'autre nous semble auoir quelque mal ou difformité : c'est que les affaires de nos alliez ne sont pas en bon estat.

De la Barbe.

Auoir la barbe longue & espaisse, & rude, est bon à celuy qui est curieux de bien parler, comme seroit vn Ambassadeur, Orateur, Aduocat, aussi vn Philosophe, & à celuy qui veut entēdre

quelque affaire. Si la femme veufue songe auoir barbe, elle recouura mary qui luy sera doux & bening. Si elles est mariée elle perdra son mary, ou sera séparée de luy, gouuenera sa maison seule, comme si elles estoit homme & femme tout ensemble, sinon, qu'elle fust enceinte, ou conuenüe en Iustice: car cette la fera vn fils. Cette cy demeurera en son entier, ayant haut cœur & honneur comme si c'estoit vn homme. Au ieune enfant ce songe signifie mort, mais à celuy qui est ia en adolescence commençant à porter Barbe, c'est signe qu'il paruiendra de foy mesme, & se mettra en auant, de quelque qualité qu'il soit. La Barbe tombant, ou rasé, ou à force arraché par mains d'autrui outre ce que signifie perte de parens, c'est aussi dommage & deshonneur.

Des Dents.

Les dents de dessus, signifie les plus apparens de la maison, & celles de dessous les inferieures: car il faut estimer que la bouche represente la maison, & celles de dessous les inferieures:

res : car il faut estimer que la bouche représente la maison, les dents, les habitans : Celles du costé droict, les hommes & les autres les femmes : ou autrement les dextres les plus vieux : les senestres, les plus ieunes : dents de l'œil, ceux de moyen aage, & les grosses dents les yeux. Quelque dent doncques que l'homme songera perdre il perdra tel personnage que la dent signifieroit. Mais quand aussi les dents signifient perte de biens. Par les grosses sont entendus les thresors cachez, & par les autres la vieillesse, ou autre chose de petite importance. A ceux qui sont en debte, quelconques dents qui leur tomberont, signifient qu'ils s'acquitteront. Les dents tombans tout en vn coup, signifient que la maison fera deserte, & abandonnée de tous les habitans. A ceux qui sont malades, songer que quelque dent leur tombent : c'est longue maladie, mais sans mort : Le meilleur seroit songer perdre toutes les dents, car on seroit plustost releué de maladie : Au serf, n'auoir nulles dents ; c'est liberté Aus

marchands , briefue & Bonne issue de leurs marchandises, charges & trafiques. Les dents qui semblent croistre de force que l'une surpasse l'autre, c'est sedition en la maison, où si elles semblent mouvoir encores qu'elles ne tombent. Ceux qui ont les dents noires : pourries, rompues & songent les perdre, seront deliurez de leurs maux & fascheries. Aussi par ce songe on a perdu des Viellards. Avoir les dents d'or est bon à ceux qui s'estudient de bien parler : aux autres c'est dommage par feu en la maison, à aucuns maladie d'abondance de colere, avoir des dents de cire, c'est mort subite, de plomb ou d'estaing, c'est vergogne & deshonneur : de verre ou de bois, mort violente, d'argent c'est acquerir argent par eloquence & beau parler. A riche c'est grands despens en viures & provisions. Songer perdre des dents & en recouurer d'autres, c'est changemens d'estat en bien ou mal selon la qualité des dents & en recouurer d'autres, c'est changement d'estat en bien ou en mal selon la qua-

lité des dents. Recevoir les dents en sa main, ou en son sein, c'est perte d'enfans. Regratter les dents de la langue, c'est mettre fin à ses peines & miseres par son eloquence.

Du vomissement de sang & d'humeurs coleriques & melancoliques.

Vomir beaucoup de sangs & de bonne couleur, est bon à celuy qui est pauvre : car il acquerra abondance d'argent. Aussi est bon à celuy qui n'a point d'enfant, & qui a son parent en pays estrange. Le premier verra vir sien enfant, l'autre son parent de retour porter du sang n'est pas bon à celuy qui veut estre caché. Vomir sang corrompu, c'est maladie à tous. Ictter vn petit de sang comme en crachant c'est sedition, ainsi comme i'ay cogneu par experience. Vomir flegmes, soient humeurs coleriques ou melancoliques est bon à celuy qui est en miseres, & angosse : car il signifie cesser tous les maux. Vomir ses entrailles, c'est mort d'enfans au pere & à la mere & à ceux qui n'ont enfans, c'est perte de chose la plus chere qu'ils ayent entre leurs biens.



gent. Le songe est bon à ceux qui doi-
uent : Celuy qui est en pays estrange
retournera en son pays : qui la pro-
cés d'Heritage, gaignera la cause :
d'iniure & d'argent, il la perdra.

D'auoir le col tors.

Auoir la teste renuersée de sorte qu'el-
le regarde sur le derriere, admoneste
ne se partir du pays & de n'entrepren-
dre aucunes affaires, autrement l'is-
sue en seroit mauuaise, Ceux qui sont
en pays estrangers, retourneront chez
eux.

D'auoir la teste de quelque beste.

Penser auoir la teste d'un Lyon, d'un
Loup d'une Panthere, d'un Elephant
au lieu de la sienne, est bon : car en-
treprenant choses plus grandes que sa
puissance, celuy qui aura fait ce son-
ge, en viendra à chef & honneur.
Plusieurs desirerent offices & dignitez,
y sont paruenus apres ce songe. Son-
ger auoir teste de Chien, de Cheual ou
d'Asne, d'autre telle beste à quatre
pieds, c'est seruitude, peine & mise-
re. Auoir teste d'Oyseau, c'est qu'on
ne demeurera pas en son pays.

Auoir sa teste entre ses mains.

Songer auoir sa teste entre ses mains est bon à celuy qui n'a femme n'y enfans, & à celuy qui desire le retour de quelqu'un estant loingtain. Et si l'on a encores soucy de peigner & parer cette teste qu'on pense tenir entre ses mains, c'est signe qu'on disposera bien de ses affaires, & qu'on aura fin des maux & aduersitez. Autant signifie si avec celle teste qu'on tient aux mains, on pense encores en auoir vne autre naturelle.

Auoir des cornes.

Songer auoir des cornes de Bœuf, ou de autre telle sorte beste, signifie mort violente & le plus souuent decolation, laquelle aussi aduient aux bestes qui portent cornes.

Des espaulles.

Les espaulles grasses & charneuses, sont bonnes à tous fors à ceux qui sont aux liens ou en prison. Aux premiers signifient force & prosperité, aux autres, qu'ils seront longtems en captiuité. Si les espaulles sont malades, maigres & défaites, signifient le

contraire des choses susdites. Et souvent predisent la mort ou maladies des freres.

De la poitrine & des mamelles.

Avoir la poitrine saine, est bon, l'avoir velue, est bon & signe de gain aux hommes : aux femmes signifie viduité. Les mamelles belles & sans aucun mal, sont bonnes, & si elles apparoissent plus grosses, toutesfois avec moyen & grace, signifient enfans & possessions à venir. Mais si elles sont malades, comme pleines de fronces, c'est maladie à venir. Mamelles tombais, c'est mort d'enfans à celuy qui songe, & s'il n'en a c'est pauvreté à luy. A la nourrice c'est mort de l'enfant qu'elle nourrit : Avoir plusieurs mamelles signifie comme les voir plus grande que de coustume : A la femme c'est qu'elle fera train de paillardise. Estre nauré en l'estomach par quelque familier, c'est mauvaïse nouvelle aux vieillards : aux ieunes gens soient hommes ou femmes, c'est amour.

Des mains.

tesfois c'est le contraire : car l'on se trouue mal d'auoir plus de doigts que le naturel. Et si sont oyfifs les doigts abondans, en rendant leurs maistres oisifs. Auoir du poil qui sorte des iointures, c'est captiuité : mais s'il sort de la paume de la main, c'est oyfueté; principalement aux Laboureurs & gens de mestier. Auoir plusieurs maux est bon à vn artisan & manœuvre, car le songe luy dit : Tu auras affaire de plusieurs mains, tant il te viendra de besongne. Et aux gens de bien aussi est bon : car il signifie acquerir enfans, seruiteurs ou argent, comme i'ay cogneu par experience : Mais aux meschans c'est captiuité, & qu'on iettera les mains sur eux.

Des Costes & du nombril

Les Costes & le Ventre inferieur contenant les boyaux, iusques au membre, c'est force de corps & abondance de biens & richesse. Si donc elles semblent maladie au corps, & pauureté à la bourse. Nombril c'est perte de pere & mere à celuy qui les a, & aux autres le pays.

Des parties interieures.

Songer estre mort & voir les parties interieures selon leur ordre naturel, est bon à celuy qui n'a des enfans, & à celuy qui est pauvre : car l'un vera de ses enfans, l'autre du bien : mais au riche & à celuy qui veut estre secret, c'est honté & surprise. C'est mal à tous quand les entrailles sont regardées par autruy : car sont affaires fascheuses, procès diffamations. Mais songer d'estre ouuert & ne voir aucunes entrailles, signifie maison deserte à celuy qui l'auroit songé, perte d'enfans & mort par maladie. C'est aussi soulagement à celuy qui est en misere : car qui pert les parties concernans les cures & soucis, certes il sera deliuré de tristesse. Outre ce que dit est il faut estimer que le cœur signifie l'homme, & mary de la femme qui l'auroit songé : & Semblablement aussi le Poulmon. Mais le Foye signifie le fils les viures & le foin. Le fiel humeur colorique ou melancolique, l'argent & les femmes, la Ratte, les voluptez le ris la vaisselle, le ventre & les boy,

aux, les enfans : car ils crient fort pour auoir à repaistre, & pareillement aussi signifient les vsuriers. Les Reins signifient les freres & cousins.

Du membre.

Le Membre signifie le Pere & la mere, les enfans, la femme, l'amy, les freres ou cousin : la force du corps. Eloquence & science : car il est fort fertile & abondant, en outre signifie richesse & possessions, pource qu'il croist & diminue. Item conseil & secret, car il est appelé honteux. Pauvreté & seruitude : car il est appelé necessaire, aussi signifie dignité & accroissement d'honneur. Et pourtant quand on songe voir en son estat & lieu, signifie permanence des choses représentées qui par luy sont signifiées croissant, croissance, diminuant, diminution, double redoublent des choses presentes, forts de la femme & amy : car ils les tollit, pource qu'un homme ne peut vser de deux membres.

Des Aynes & Cuiss.

Les aynes ne signifient autrement les

membre les cuissés pareillement, sinon que quand elles semblent humides, ne signifient pas ioye aux riches, ains despens en plusieurs & voluptez avec perte & dommage.

Des genoux.

Les Genoux forts & robustes, signifient voyages ou autres mouuemens & operations & santé : mais debiles & malades, le contraire, arbré ou branche forcent au Genouil signifie tardie & empeschement : au malade mort souuent les genoux, sont les freres & familliers, aussi les enfans.

De souris, de la lambe, des Pieds & du

Talon.

La Souris de la lambe, les pieds, & Talons ont quasi mesme signification que les genoux.

Auoir plusieurs pieds est bon aux Marchands & patrons des Galeres, car ils commanderont à plusieurs seruiteurs, & signifie tranquillité au Patron. Ce songe aussi est bon à homme pauvre, au riche c'est maladie. Plusieurs par ce songe ont perdu la veüe & les malfaiçteurs ont esté prisonniers

Voir ses pieds en feu, est mauuais à tous, & signifie perte de biens, d'enfans & de Seruiteurs. A ceux qui ont entrepris vn pris de course, est bon car ils courent viftement, & comme ayant le feu aux pieds.

Du Dos.

Le Dos & tout le derriere signifie vieillesse : par ainsi tel que l'on le pensera auoir & tout le derriere, ainsi l'on se portera en la vieillesse.

De la transmutation de la personne.

Estre fait de petit grand, & de grád encor plus grand sans exceder raison, est bon car c'est accroissement de besongne & de biens : mais estre grand outre le commun vsage signifie mort. Aussi est mauuais au vieillard d'estre transmué en ieune homme & au ieune enfant : Car ils changeront en pire estat : mais est bon au contraire : car ils viendront en meilleur estat. Songer estre femme, est bon à l'homme pauure & serf : car le premier aura qui le nourrira comme vne femme, & l'autre aura moins de peine : mais au riche est mauuais, mesme s'il a gouuer-

nement de chose publique : car il luy tollist son office & autorité, à cause que les femmes gardent la maison. A ceux qui ont travail de corps, c'est maladie : car les femmes sont plus debiles que les hommes. Si la femme songe estre homme, & qu'elle ne soit mariée, elle aura mary, ou si elle n'a enfans elle aura vn fils, & ainsi sera aucunement muée en nature d'homme, & si elle a mary & fils, elle sera vefue. A la seruante, c'est vne plus grande seruitude : car elle soustiendra les peines comme vn homme. Il est bon à la putain, car elle cessera son meschant train. Et outre si l'homme ou femme pauvre songent estre d'or, ils seront riches : ils auront des espies : car l'or & l'argent ont beaucoup d'espie. Au malade il signifie mort : Comme aussi estre d'airin, fors au champion & serf car cestuy-la aura victoire & statuee erigée, & cestuy-cy liberté. Songer estre de fer, signifie miseres infinies, mais estre tout de terre tout de terre, signifie mort, fors à ceux qui vivent de terre, comme les potiers de terre,

estre de pierre, signifie recevoir coups & naureures. Si l'on songe estre transformé en forme de beste, faudra iuger selon la nature d'icelle. Et de ce traittera le second Liure, au propos de la chasse. J'ay observé qu'il est bon à tous songer estre beau & de bonne grace, sans toutesfois excéder le commun usage : car estre trop beau, trop brave & trop robuste, vaut autant comme d'estre laid, lasche & debile, lesquelles choses signifient la mort au malade, & aux amoureux ils signifient mauuaise issue, surprise & trahison.

Des Arts, ouvrages & exercices.

Quiconque en songeant fait ce qu'il a appris & exercé & en vient à bonne issue, est fort bon à tous : car l'on viendra à honneur de sa besongne & entreprise. Mais en songeant ne pouoir venir à bonne issue, signifie le contraire. Si aucun en songeant fait ce qu'il n'a appris ny exercé & en vient à bonne issue, cela est Bon mais s'il se trouue empesché & n'en puisse venir à bout c'est fâcherie & iusques à estre mocqué. Exercer l'agriculture soit labourer se-

mer ou planter, c'est bon à celuy qui
quier femme, ou qui na point d'en-
fans : car le champ c'est la femme : la
semence & les arbres, les enfans : le
froment les masses, l'orge les femelles
& auortifs. Aux autres ce songe signi-
fie maladie & fascherie : à celuy qui
seroit malade en la maison ou le songe
auoit signifié mort ; car les semences
& plantes sont enterrées comme les
morts. Moissonner vendanger, biner
tierce en temps, signifie les affaires &
operations seront differées iusques au
temps qu'on a de coustume de ce faire
Gouerner vn Nauire, si on en vient
bien à honneur & sans peril, encores
que ce ne soit sans doute & peine, est
bon : mais si l'on est trouble de Tem-
pestes, ou si le Nauire est rompu &
brise : c'est grand abondance de maux
ce que i'ay cogneu souuent par expe-
rience, tailler & coudre en cuir aux
gens de bien, c'est bon à cause des
mesures qu'il faut qui soient iustes.
Aussi est bon à celuy qui se veut mari-
er, ou prendre cognoissance, & alliā-
ce, à cause des coustures serrées &

ioinctes. Mais teindre cuirs est mau-
uais à tous, reuelé les secrets, cause
de la mauuaise odeur. Voir des Medec-
ins est tres-mauuais sur tout. Estre
obscur signifie malefices à celuy qui
auroit songé à cause des poisons &
chainons que l'orfeure manie. Estre
Tailleur, Tourneur, Graueur d'ima-
ges & figures est bon aux gens adulte-
res & mauuais, flateurs, trompeurs
fauçaires, à cause que ces arts demon-
streur autres effects que le vray. Aux
autres gens signifient honneur : car
tels ouurages sont monstrez à plu-
sieurs.

Besongner en matiere de fer,

Besongner en matiere de fer & bat-
tre sur l'enclume signifie noise ou pro-
cés. Et ainsi faut iuger en tous autres
arts, tant de la qualité des arts mesme
que de la personne qui auroit songé.
Et faut entendre qu'autant vaut voir
des cuuriers ou artisans besongnans,
ou leurs boutiques & outils, que de
se voir exercer l'art mesme. Toutes-
fois il y a difference entre les outils :
ceux qui densent & brisent, signifient

discord & dommage & ceux qui vnissent ou lient, c'est vtilité nopces, alliance, mais empeschement de voyages. Ceux qui polissent & aplanissent, appailent les inimitiez. Ceux qui adressent & compassent, reuelent, les secrets, comme Geometrie & voir des Geometriens.

Apprendre les lettres est bon à l'ignorant : car il luy aduiendra quelque bien, toutes fois avec labeur & crainte. Mais à celuy qui sçait les lettres lés apprendre derechef n'est pas bon : car c'est le fait d'enfant d'apprendre, ainsi cela luy signifie empeschement d'affaires & mauuaise issue, seulement est bon à celuy qui desire auoir vn fils car non pas luy mais son fils apprendra. Si quelque Grec songe qu'il apprend les lettres Romaine, autrement Latines, & aucontraire quelque Romain les lettres Grecques ils passeront & iront d'un pays en autre plusieurs Romaines par ce songe ont eu femmes Grecques, & les Grecs femmes Romaine Lire bien & droit les lettres Barbares & des estranges : signifie

qu'on ira en leurs pays, & y aura l'on biens & honneurs. Mais lire mal c'est le contraire, ou que le malade entrera en folie ou frenaisie, à cause du langage & estrange qu'on parle quād on est en resuerie. Quelconques lettres ou de quelque langue que ce soit qu'on ne puisse lire, signifie fascherie outroublement pour peu d'escriturē : mais pour longtemps s'il y en a prou.

Des yeux & esbats.

Iouier à la Toupie, c'est peine & trauail, dont toutesfois en viendra du bien, iouer à la paume, signifie longues noises & querelles, ou souuent amour enuers les putains : car l'est œuf est semblable à la putain, à cause qu'il n'a point d'arrest & vient entre mains de plusieurs.

Des leux Farce & instrumens.

Sonner les trompettes à ceux qui veulent batailler, est bon, & à ceux qui ont perdu seruiteurs : mais il reuele les secrets à cause du grand son, & tuē le malade : Aux serfs il promet liberté. Mais sonner le Cleron, est mauuais & defend. d'entre - prendre proces.

ces. Quelconque instrument que l'on aura à enfler, signifie troublement. Faire office de cry public, c'est autant que sonner la trompette. Iouer du Chalumeaux ou de la musette, est bon à tous qu'il Chanter sonner de la Harpe aux oblations & sacrifices, est bon pour nopces & alliences, & mauuais aux autres affaires. A plusieurs signifie podagrie, à cause des cordes & des nerfs. Ioüer ou voir ioüer Tragedie, signifie trauaux, batteries, iniures & mille maux. Mais de ioüer Farce ioyeuse, c'est bonne issuë d'affaires.

Ouyr Chanter signifie deceptions. Cheuaucher vn Cheual bien alegrement, est bon à tous: car le Cheual c'est la femme, ou l'amy: Au nauire les maistre & conducteur ou le gouverneur, & le bon amy. Ainsi donc comme l'homme se trouue bien du cheual, ainsi fera-il de tout cela. La charrette signifie autant que le Cheual, fors qu'au malade elle signifie mort.

Comme aussi le Char à quatre roües Cheuaucher à Cheual par la ville, est bon à celuy qui entreprend ieu de pris

& au malade : car l'un gaignera le pris l'autre guarira. Mais cheuaucher hors la ville, tout le contraire, Mener ou couduire chariots par bois deserts c'est mort prochaine à tous.

De la course

Courir est bon fors au malades ; quand ils pensent bien venir à fin de leur course : car ce leur signifie qu'ils viendront en bref au terme & fin de leur vie.

Estre desmis de son office

Estre dispose & mis hors de son lieu estat & dignité, est mauuais à tous, signifie mort au malade.

De la Luitte.

Luitte avec quelque parent, signifie querelle avec luy ou entre ceux qui ont la querelle : Celuy qui songe estre superieur vaincra, s'il n'ont debat d'heritage, car en telle controuerse, il vaut mieux estre abatu Luitter avec vn incogneu, c'est d'anger de maladie. Si l'homme combat avec vn enfant & leiette par terre, il perdra quelqu'un par mort, & s'il est abbatu il aura moquerie ou maladie. C'est bon au

ieune enfant deluiter avec l'homme : il fera de grandes choses plus que l'on ne pense : mais toutesfois s'il luitte ou combat avec vn champion, ce songe ne luy est pas bon. Luitter avec vn mort signifie maladie ou debat procès avec les enfans ou heritiers du mort : Mais c'est bien tousiours le meilleur de penser ou songer estre superieur.

De se combattre.

Combattre avec quelqu'un est mauuais à tous : car outre la honte il y aura dommage. Toutes fois il est bon à ceux qui viuent de sang espendu, comme les Chirugiens, Bouchers, ou Cuisiniers.

De se baigner & estuuer.

Ce lauer & estuuer en Baings & Estuues belles, signifie richesses, prosperitez & santé aux malades : Mais se baigner & estuuer contre le commun vsage, comme avec ses habits, est mauuais : car il signifie maladie & grand fascherie. C'est mauuais aussi au pauvre s'il est trop curieux de se lauer, s'il y a plusieurs qui le frottent : Celuy signifie longue maladie, Sem-

blablement est mauuais au riche, s'il est seul & n'ait personne qui luy ayde. En general est mauuais à tous de ne pouuoir fuer, ou voir le Baing en lieu descouuert, ou de ny trouuer point d'eau comme quand il est autre que de coustume: car il signifie mauuaïse issue des entreprises & affaires, même si l'on espere d'une commune. Estre lavé d'eau chaude, naturelle est signe de santé aux malades d'empeschemens d'affaires aux sains. C'est bon de soy laver aux fontaines, Estangs & eaux courantes & aux Fleuves beau clairs mais non pas nager, car ce seroit signe de danger & de maladie.

De boire.

Boire eau froide, est bon à tous: mais la chaude signifie maladie & empeschement d'affaires.

Boire du vin par raison & n'estre point yure, est bon: Mais boire beaucoup & sans raison, signifie beaucoup de maux: aussi pareillement estre en compagnie d'yurongnes,

Tout vin fait & tout breuuage mixtionné autre que le naturel, est bon aux pauures qui n'en boient que par maladie. Boire saumure, signifie pthisie. Boire huille signifie poison ou maladie,

Avoir soif & ne trouuer que boire, soit en puits, fontaines, ou riuieres, est mauuais, & signe de ne parfaire ses affaires: Mais le contraire est bon. D'auantage boire en vases, ou en harnaps d'or, d'argent ou de terre, est bon à tous à cause de la matiere solide & vstée en vases, signifie tranquillité. Aussi les vases de cornes sont bons car ils ne se brisent point. Vases de verre sont mauuais, à cause qu'ils se rompent facilement & reuelent le secret à raison de la transperance. Et autre les vases peuent signifier les amis que nous embrassons.

Quand donc les vases sont rompus ils signifient la mort d'aucuns de nos alliez. I'ay eogneu par experience, que songer voir rompre vn verre signifie naufrage aux nauigans. Il y a des vases à bouche estroicte, lesquels
A l'on

Si l'on voit rompre, signifie fin & issue de tribulation & angoisse.

Des herbes & racines, & grains de porrage.

Tous herbages & racines qui ont force odeur en les mangeant releuent les secrets, & signifie fâcherie avec les cohabitans, Ce qui se racle devant que manger, signifie dommage, à cause de la superfluité qui est reietté. Les herbes laxatiues sont bonnes à ceux qui sont en debte. Herbes & racines qui ont vne teste, & qui sont de bon nourrissement, signifient profit comme Pannaïse, fors à ceux qui ont vn procès d'heritage : car on les arrache de terre avec leurs testes & branches, & filets & veines. Les Choux n'apportent profit, & mesme aux tauerniers & vigneron : car la vigne ne se lie iamais avec les choux raues, naueaux, courles, signifient vaines esperances : car ils font grand monstre, & y a peu de substance : Aux malades & pelerins, ils signifient danger par fers comme naurures & incisions, Concombre, mesme pelez sont bons aux malades.

Pompons sont bons en amitié & ailliance, à autres affaires non. Manger aulx & oignons, est mauuais : mais d'en auoir il est bon. Le malade qui songe qu'il mange beaucoup d'oignons guarrira : s'il en mange peu, mourra. Tous grains qui se mangent en potage sont mauuais sinon les poids.

Des pains.

Manger Pain accoustumé, est bon, comme aux riches pain blanc, aux päuures pain bis. Pain blanc aux päuures signifie maladie. Pain bis aux riches c'est empeschement de leurs entreprises. Pain d'orge sont bons à tous. Barines, papin ou bouillie signifient ce que le pain.

De chair & de poisson.

Manger chair qu'on auroit appareillé, est bon, excepté Mouton & Bœuf, qui signifient lamentation, perte & fascherie. Chair de Porc est tres bonne à tous, mesmement si elle est rostie, car elle signifie profit de bien : mais songer de manger chair cruë n'est pas bon : car il signifie perte de quelque chose nostre. J'ay cogneu par exper-

science que ce songe est bon de manger chair de quelque personne estrangere: car si la personne est cogneu ou familiere, elle mourra. Manger petits Oyseaux ou Oysons, est bon à tous.

Manger chair, venaison, est bon: car signifie tirer vn grand bien de ses ennemis. Manger des Poissons rostis est bon, sinon les petits: car à cause que eene sont qu'arrestes, ils signifient inimitié enuers les familiers. Toutes salures, soit de chair ou poisson, sont retardement d'affaires ou fascherie ou maladie.

Des fougasses & des capres & oliues.

Les fougasses qui n'ont point de fromages sont bonnes: Celles qui en ont signifient dueil & trahison. Des Capres & Oliues, & toutes confitures de garde. Item les autres pilées & mixionnées, ie n'en parle pource qu'elle ne sont pas bonnes.

Des fruicts.

Pommes d'esté douces & meures, sont bonnes: car elles signifient bon temps & ioyeuseté. Pommes aspres ou autres

signifient noïses & seditions. Coings signifient tristesses. Amandes, Noix, Auelaines, sont troublement & facherie. Figues en leur saison, sont bonnes, mesme les branches hors la saison sont calomnies & detractions. Raisins en saison & hors saison bons & le plus souuent signifient du bien par femmes. Les Grenades signifient batailles à cause de leur couleur.

Peschies, Cerises & autres tels fruiçts fors les meures, signifient voluptez deceptiues, quand on songe les manger en saison, hors saison, travail & labeur en vain. Les meures signifient comme les Grenades.

Voir le meurier, signifie lignée & generation à celuy qui le voit, mais qu'il ne soit renuersé & deraciné, car il signifieroit pertes d'enfans. Poires antées sont bonnes seulement aux payfans.

Des vstencilles d'une maison

Les pots signifient : les plats, l'estat & action de la vie, comme aussi fait le foyer. Or selon que telles choses sont de basses & petites, faictes gran-

des & precieuses , ou au contraire , faut estimer des choses qui sont signifiées. Le changement en bien , est bon & en mal , est mauuais : & ainsi faut estimer de tout autre mesnage. Le Chandelier represente la femme.

La lampe & la lanterne , le maistre de la maison , ou l'esprit de celuy qui songe , ou aussi l'Amour. Les chenets ou landiers signifient la vie , comme le foyer & l'estat ou conuersation entierement , la femme & la table semblablement. La couche ou coussins , & tout ce qui s'ensuit , signifient la femme de celuy qui auroit songe & tout l'estat de sa vie. Vaisseaux à vin , sont les maistres & seruiteurs. Les treteaux qui soustiennent la table , sont Maistres d'hostels , Gouverneurs , Metayers , ou Censiers & closiers , les vaisseaux & garder froment , les despensiers , les coffres & cabinets , signifie la femme.

Des ceintures & fards.

Songer d'estre oingt & fardé , est bon à toutes femmes , sinon aux meschantes. Mais aux hommes est mauuais , car

il leur signifie vergongne , sinon à ceux qui ont coustume d'en vser.

De dancier & chanter.

Songer dancier chez soy à part, ou seulement en presence des habitans de la maison, est bon à tous, mesme aussi de voir sa femme, ses enfans ou quelqu'un de ses parens, dancier est bon: car c'est grande abondance de liesse & de bien: Mais à celuy qui est malade, ou qui a quelque malade chez soy, est mauuais Aussi songer de dancier ou voir dancier quelque sien allié en presence des gens estranges & incogneuz, est mauuais à tous, Veoir vn enfant sauter & dancier, est vn signe qu'il sera sourd muet. Au serf & nauigant le songe de danser est mauuais: car le premier sera battu, l'autre en danger d'estre pery en l'eau. A celuy qui est en captiuité, il est bon: car il aura liberte. Songer de danser en lieu haut, signifie tomber en crainte & danger. Si c'est vn mal faicteur, il sera pendu. Plaisanter, faire rire, contrefaire les autres signifie deceuoir aucuns. Songer de chanter bien & de mesure, est

Bon aux Musiciens & à tous autres
mais chanter sans accord, est signe
d'empeschemens d'affaires & de pau-
ureté. Chanter par le chemin est bon,
mesme si l'on va apres charruë, car si-
gnifie viure honnestement & ioyeuse-
ment. Mais chanter aux estuues, est
mauuais & signifie perdre la voix.
Aussi plusieurs par ce songe ont esté
condannez en captiuité de prison ou
galeres: chanter au marché & lieux
publicques, c'est vergongne & des hon-
neur aux riches & folie aux pauvres.

Des couronnes de toutes fleurs.

Couronnes de fleurs en la saison
sont generalmente bonnes, couronnes
de Lys fannez sont mauuaises à tous.
Les violettes en la saison sont bonnes,
gors saison mauuaises les blanches pi-
res que les bleuës.

Couronnes de Roses en la saison, sont
bonnes à tous fors au malades & à
ceux qui se chichent car ceux la meu-
ront, à cause que les Roses seichent car
facilemēt, & ceux cy seront manifestez.

& reuelez, à cause de l'odeur. Couronnes de Passcueioux sont bonne à tous mesme à ceux qui ont procés : car ils ont vne couleur qui dure. Couronne de lys different les affaires avec esperence. Couronnes de Cresson, d'Espargouttes, de fleurs appellées la patience, & de mariolaine, sont mauuaises à tous. car le plus souuent signifie maladie couronne de Persil, ou d'Arche, c'est mort aux malades, couronne ou Palme, l'Oliuier, signifie nopces de fille de maison, & lignée, Palme fils de l'Oliuier. Lesdites couronnes signifient estat & dignité au Champion, & à celuy de bas estat qui les appese. Autant signifie la couronne de chesne, que celles de laurier & celle de myrrhe autant que d'Oliuier. Couronne de cire sont mauuaises à tous mesme au malades, couronnes de laine, signifie poisons. Du sel ou du soulfhre, signifie souffrir dommage & troublement par gens puissans & d'autorité. Couronne d'or est mauuaise au serf, s'il n'a le reste, i'entens la robbe du Roy, & la seigneurie apres soy:

foy : Aussi est mauuaise à celuy qui est pauvre, car c'est outre son estat. Au malade elle signifie mort en bref: car l'or est passe pesant & froid & d'autant semblable à la mort, & aussi reuele les secrets: car celuy qui porte couronne d'or est bien regardé : Mais i'ay cogneu par experience que cette couronne présentée par songe apporte honneur & profit aux riches & puissans, & aux Preuosts & iuges. Estre couronné d'oignons signifie profit à celuy qui porte telle courone mais dommage à ceux qui sont autour de luy.

Du dormir.

Songer de dormir ou sommeiller, signifie empeschement d'affaires, & est mauuais à tous, fors à ceux qui sont en doubte attente de quelque peine: car ce songe les deliure de peine & soucy : Mais songer de se resueiller, ce sont actions & operations. Dormir en l'Eglise, à celuy qui est malade il signifie santé. Et à celuy qui est sain, malade ou grandes affaires.

Dormir en la voye & aux cimetieres, c'est mort aux malades, & aux autres

empeschement.

De dire à dieu.

Songer dire , ou ouyr dire adieu, n'est pas bon : car n'y ceux qui viennent vers nous , n'y nous voulant entreprendre quelque chose ne disons pas ainsi , mais seulement ceux qui separent , & pource ce songe signifie empeschement de mariage & d'alliance, & mort au malade.

Fin de l'Epitome du premier Livre.



LE TRANSLATEVR:

M O N S I E U R V E R I V S
Chanoine de Mascon.

E P I S T R E.

C'Est vn grand plaisir à vn Auteur ou Traducteur, quand il adresse ses labeurs, ie ne dis pas à gens qui ne sont point ingrats seulement : mais aussi qui n'ont point en leur entendement , opinion contraire de l'œuvre, voire si fort imprimée en leur cerueau, que n'y la raison, n'y l'experience, ne les puisse vaincre. Et pourtant doit bien auiser vn Auteur, à quelles gens & de quel esprit il adresse son œuvre : Ie dis cecy, non que i'aye eu affaire à gens ingrats ou méprisans; mais ie craindrois d'y tomber : Et aussi, parce que i'en voys aucuns qui disent assez legerement (comme il est tousiours bien plus facile à blâmer ou


G ij

repandre chose, qu'à louer & entreprendre chose vertueuse) que mon labeur est nul: Que songes sont men songes: Que Artemidore & autres qui ont traicté telles matieres, ce sont grands fols. Mais i'ay disputé au contraire & allegué certains grands autheurs, les plus estimez en la Philosophie, comme Socrate, Platon & Aristote, ausquels j'en puis adjouster d'autres Princes de Medecine, & Rethorique, comme Hypocrate, Galien & Ciceron, encores plusieurs Histoires des Historiographes des plus renommez, que i'ay autre part alleguez, que maintenant ie laisse pour cause de briefueté, ne les voulant repeter ne disputer, comme faisant vne chose dé ja faicte. Seulement ie diray, que s'il n'y eust eu quelque fruct, science & erudition vertueuse & profitable en ce liure d'Artemidore homme sçauant. Philosophie tant renommé en cette matiere, & qui a fait & composé plusieurs autres liures & traictés n'eut pas voulu tant fuer, pener trauailler de corps & d'esprit, ou tant occuper son temps & son

fens apres cet œuure , comme il est
tres-vray semblable. N'y les Grecs ne
l'eussent tant gardé sur tous , & apres
tant d'autrestraiçtans de cette matiere,
ny les Latains , ny mesme les Italiens
n'eussent pris la peine de la mettre &
traduire en leur langue vulgaire , ce
que i'ay voulu faire apres eux en la
nostre. Et diray encore ce mot , c'est
que nul tant grand que petit qu'il
soit , avec ses propos communs ne pour-
roit pas oster facilement de mon cer-
veau , ny de ma raison , ce que ie co-
gnois tous les iours par confirmation
de l'experience , pour vne grande par-
tie , ains ie loueray & approuueray
d'auantage , pour raison de leurs froi-
des raison communes , contre la scien-
ce & experience , & ne m'estonne point
de leur blason & moquerie : car ie
suis content d'estre mocqué , & estimé
refuser ou songer avec le gentil petit
Ioseph fils de Iacob , qui fut ainsi moc-
qué par ses freres , pour auoir exposé
les songes , laquelle exposition fut par
l'illuë approuuée , à l'honneur & exal-
tation de luy & confusion des autres.

ce mien translat en forme d'Epitome,
 du second liure d'Artemidore , ioint
 que tu és celuy qui peut beaucoup en-
 uers moy , & qui m'as incité grande-
 ment (comme homme de lettres &
 amateurs des amateurs d'icelle , que tu
 és avec Maistre Anthoine du Moulin,
 maistre Claude du Four , & Maistre
 Edouard le Verrier & autres, afin que
 ie poursuyuisse cestetradiction, & Epi-
 tome ayans sceu que i'auois ja faict
 l'Epithome & traduction du premier
 liure. Tu receuras donc le petit pre-
 sent de mesme visage que tu m'as receu
 chez toy , comme tu ferois l'un de tes
 meilleurs & allies.





P R E F A C E D E

L'auteur, sur le second Liure.

AV premier Livre i'ay traicté de l'intelligence del'art & de la maniere comment il faut iuger des songes, & des choses dont ie parleray en l'un & l'autre liure, & toutes choses commune à l'homme & vsage. Ayant tousiours égard que sans grande nécessité. je n'emprunterois rien des anciens. Et ne delaisant aucune chose qui eust esté bien traicté & doctement par les anciens, au moyen dequoy n'estoit besoin que i'en traictassent, afin qu'en leur voulant contredire, ie me fusse contrainct de mentir, ou en disant comme eux, ie semblasse vouloir empescher leurs œuvres & labeurs de venir à la connoissance.



EPITOME DV

SECOND LIVRE

D'ARTEMIDORE.

Du Veiller.



Onger que de nuict on veille en la chambre, signifie aux riches grandes affaires : aux pauvres, & à ceux qui veulent vser de quelque surprises & fallaces, est bon : car les premiers ne seront point faus ouurer & gagner : les autres faisans leur surprise avec grande astuce, viendront à chef de leur entreprise.

De partir & saluer.

Songer partir le matin hors la mai-

qui a proces, & qui est cerf desirant liberté, songer auoir robes neuues, est mauuais, pource qu'il faut long-temps à les vser, & resistent d'auantage. Habit blanc est bon seulement aux sacrificeurs, aux autres signifie troublement aux gens mecaniques, c'est qu'ils n'auront point de besongue, & reueulent les malfaieteurs. Au malade c'est mort mais le noir santé, toutes-fois i'en ay veu plusieurs pauvres cerfs, captifs, qui ayant songé estre vestus de noir mourroient. L'habit de noir est mauuais à tous fors, à ceux qui veulent faire choses secrettes. Auoir robbe de diuerses couleurs, ou d'escarlate aux sacrificeurs, plaisanteurs, farceurs est bon: aux autres signifie troublement, & perils, & reuelemens de secrets aux malades, c'est qu'ils seront tourmentez de forces humeurs & abondantes, Robbes d'escarlate aux serfs & riches, est bonne, signifiant liberté & honneur ou dignité. Elle tuë le malade & porte plus grande pauureté aux pauvres, à plusieurs signifie captiuité car il faut que l'homme vestu

de Pourpre ou Escarlate, ait aussi diademe & couronne, plusieurs avec soy, & gardes de son corps : toute telle robe teinte d'escarlats, aux vns c'est bleffeur, aux autres fieures. Robbe de femme bonne seulement à ceux qui n'ont point de femme, & qui montent sur eschaffaut pour joier. Les autres apres ce songe perdent leurs femmes, ou tombent en grande maladie pour la delicatelle & effemination de ceux qui portent tels habits. Et toutes fois en cas de réjouyssances & assemblées ne sont contraires, ny robes de diverses couleurs, ny robes de femmes, Avoir robe de façon & nation estrange c'est biens prosperes entre les estrangers, & à celuy qui delibere y aller ou demeurer, & faire estat d'y viure : aux autres, c'est maladie & empeschemens d'affaires. Avoir robes d'escarlate & somptueuse est bon aux riches & pauvres, car à ceux là durera le prosperité presente, à ceux cy les biens accroistront. Robbes rompuës & deschirées, c'est dommage & empeschement d'affaires. Saye, hocqueton ou paletot, ou che-

mise de drap, c'est fascherie & perte de procès : & pourtant est meilleur songer le perdre que les auoir : mais la perte de nul autre habit n'est bonne, fors aux pauvres, aux cerfs, aux captifs & endebtez : car les habits perdus, c'est perte de maux qui les enuironnent : aux autres n'est bon songer la perte, & auuidité : car signifieroit aussi perte des choses diuisantes, Belle robbe, braue; & de diuerses couleurs, est bon songer à la femme mesme riche & de ioye : car celle là se tient braue pour son plaisir, ceste cy à son profit. C'est toujours meilleur de songer auoir beaux habits, riches & bien nets, que petits & sales, sinon à ceux qui exercent mestiers ords & sales.

Penser qu'on laue les habits.

Songer de lauer ses robes ou celles d'autrui, c'est effacer & perdre, ou eschaper quelque dommage & danger quant au corps & à la vie : car aussi les robes lauées rejettent leurs ordures. Ce songe aussi signifie autrui apprendre & surprendre nostre secret : car lauer se prend pour reprendre &

la figure & façon, car songer auoit de l'or n'est pas mauuais, à cause de la matiere, comme aucuns ont voulu dire mais au contraire est bon, comme i'ay cogneu par experience: mais que toutes fois l'en n'en songe point auoir trop & par experiences, & mal consonant, à cause de la façon & figures: comme aux hommes dorures, chaines & carquans ny outre l'estat, comme aux pauvres couronne d'or, & vaisselle & grande pieces d'or: car quand quelqu'un aura faict tel songe, l'or signifiera mal, non point pour la matiere: mais pour l'artifice & figure: mais si les pauvres se perdent, rompent ou desbrisent, c'est à la femme. Perte d'anneaux à l'homme signifie non seulement la perte de ceux auxquels il a donne charge de ses biens, comme la femme & le metayer, mais aussi de ses biens, terres & possessions Et qu'il ne prestera plus à ceux auxquels il a presté & donné charge. A plusieurs ce songe a predict-perte des yeux: car les yeux ont quelque conuenance aux anneaux à cause des pierres, mais quand est de la chaussure, faut iuger cōme de l'habit,

De se peigner & des cheveux retords.

Songer de se peigner est bon à l'homme & à la femme : car signifie sortir hors de mauvais temps & d'affaires, mais plier & retordre les cheveux, est bon seulement aux femmes ; & aux hommes qui l'ont de coustume : aux autres, sont debtes & empeschemens pour argët, & quelquefois prisons & seditions.

Du miroir.

Estre deuant le miroir, & se voir deuant la forme est bon à celuy & celle qui se veulent marier car le miroir signifie à l'homme la femme, & à la femme l'homme : est bon aussi aux gens affligés & tristes : car signifie tost passer la tristesse, à cause que gens tristes ne se mirent point : mais ce songe aux malades, c'est mort. Les autres par ce songe sont allez en estrange pays. Ne se voir dans le miroir tel qu'on est, songer estre appelé pere de bastards ou d'enfans d'autrui, mais se voir plus laid & difforme, c'est tristesse & fascherie Comme aussi songer de voir & mirer en l'eau, c'est mort au songeur, ou à quelque sien familier.

L'air

L'air & de ce qui s'y fait.

L'air clair & pur est bon à tous, mesme à ceux qui quierent choses perduës & qui veulent faire voyages. L'air trouble & nubileux, au contraire signifie empeschement & fascheries. La pluye sans grand vent ny tempeste, est bonne à tous, sinon à ceux qui vont en estrange pays, & qui font leur estat & ouurage en appert & à descouvert. Petites pluies & gouttes d'eau, sont bonnes aux laboureurs : aux autres, c'est du gain. Grosses pluies & tempestatiues, sont troublemens, dommages & dangers, sinon à ceux qui sont cerfs, pauvres & affligez : car c'est briefue deliurance de leurs maux presens. Comme incontinent après telle soudaine tempeste vient le beau temps. Neige & glace veuës en temps, ne signifient rien : car l'esprit encor quand le corps dort, se souuient du froid du iour : mais hors temps & saison, c'est bon songe aux laboureurs : aux autres non : car c'est que leurs affaires se feront froidement, & defend voyager, gresles sont troublemens & tristesses, & reuelle les secrets. Le ton-

coufonnées d'or, est bon car le feu ressemble à l'or, aux autres, ce songe signifie perte de biens. D'auantage à ceux qui sont à marier. signifie mariage, soient riches ou pauvres, mais rompt les mariages faicts & les amis rend ennemis : car la foudre brise & n'unit pas. Ceux qui ont enfans, rend sans enfans, car les arbres fondroyez seichent, & perdent fruiet, & fleur, & germe. La foudre rend les champions honorez, & les Orateurs, & tous ceux qui se veulent monstrier & faire apparoir, & aussi est bon à ceux qui ont procez en cas d'honneur, & renommée : mais c'est perte en cas de possessions & maisons : non pas de terre, à ceux qui la possèdent, mais signifient n'en prendre point la iouissance : mais à ceux qui prétendent y entrer, c'est qu'ils ny entreront pas. Aussi signifie à celuy qui est en pays estrange qu'il retournera au sien & à celuy qui est au sien qu'il y demeurera. Faut entendre que tous reuiert en van de songer estre seulement attainct, soit à teste : soit à l'estomach, ou estre brulé de la foudre, mais que l'on ne songe estre tout

Lampe de terre les signifie moindres :
mais l'un & l'autre reuele les secrets.
Lampe veüe en navire , c'est grande
tranquillité. *Des maisons ardantes.*

Les maisons ardentes de feu clair,
sans tomber ny diminuer, c'est richesses
aux pauvres : aux riches , hauts
estats & dignitez. Mais les maisons qui
bruslent & tombent, ou se consomment,
sont mauuaises à tous , & signifient
mort de maistre, enfans, seruiteurs,
parens ou amis, semblablement les arbres
ardans deuant ou dedans la maison
ardante , c'est mort de la femme,
& danger à celuy qui songe. Allumer
facilement le feu au four, ou au foyer,
c'est generation. Mais l'estaindre puis
apres , c'est dommage.

Des Chiens & de la chasse.

Les filetz & lacqs , & toutes telles
choses pour tromper & surprendre les
bestes , sont mauuaises , sinon à ceux
qui quierent gens fugitifs , & chose
perdue : car signifie brief recouure-
ment, c'est bien meilleur les tenir &
auoir , que voir vn autre les tenant.
d'autant que c'est meilleur fâcher que

Aduocats, Procureurs, & à tous ceux qui ont enuie d'amasser or & argent. Les chieures ne signifient rien de bien, mais sont pires aux nauigans. Asne portans charge, forts & obeissans, sont bons en amitié & compagnie, & signifient la femme, le compagnon, l'amy, non addonnez sur l'estat ne fiers : mais debonnaires & bien obeyssans, & sont bons aussi en toutes affaires entreprises. Mulets sont bons à toutes operations, mesme à l'agriculture : seulement sont contraires a nopces & generation. Si les asnes ou mulets s'ot detrayer & eschauffez & faisans mal ou sauages, c'est deception par quelques domestiques ou subiects. Et les mulets aussi signifie maladies, comme i'ay cogneu par experience. Bœufs en labeur sont bons à nous, mais en troupe, c'est troublement, dinugation & peril. Le Taureau signifie quelque grand personnage, mesme s'il menasse & poursuit aux nauigans, c'est tempeste & s'il blesse dommage & naufrage par in conuenient qui tombera en haut du Mas, comme i'ay souuent

crainte tres grande & mal des yeux.
L'ourse signifie la femme, la maladie,
vn retour d'estrange pays, le lyon l'E-
lephant veu en songeant, c'est crainte,
l'Elephant menassant signifie mort. l'ay
cogneu en Italie femme riche & saine,
qui auoit songé qu'elle estoit montée
sur vn Elephant, bien tost apres elle
mourut. Faut entendre que toutes be-
stes sauuages generalement represen-
te les ennemis, pourtant est tousiours
meilleur les vaincre que d'estre vaincu.
Le loup signifie l'an, & l'ennemy cruel
venant plainement contre nous, le Re-
nard signifie ce que le loup & l'enne-
my : venant secretement par surprise
ou eschauguette, le plus souuent decep-
tion par femme. Le signe signifie
l'homme malfaieteur ou trompeur. Le
Sanglier signifie pluye ou tempeste, à
ceux qui plaident forte partie aduerse,
aux laboureurs sterilité, à celuy qui se
marie femme rude, fascheuse. Le cerf
aux nauires signifie les gouuernaux, ou
le cours de chemin par terre, le voyage
facile, ou bien difficile selon la dis-
position du cerf : aux autres lieux

signifie gens fugitifs estre trompeurs & pariures faux mais, eraintifs & mal asseurez. L'on pourra iuger de toute autre beste selon la forme precedente par qui elles conuiennent. Et faut retenir que bestes domestiques qui se monstrent fieres & sauuages, sont significatiues des maux, aux contraire les cruelles ou sauuage qui par songe se presenteront douces & domestiques sont significatiues des biens: mais encor signifient grands profits, si elles semblent parler nostre langue mesme si elles diēt quelque chose de bon & de ioyeux & tout ce qu'elles dient communement aduient.

Des bestes gloudissantes.

Le Dragon signifie le Roy, le seigneur ou magistrat: tens pour sa longueur, & richesses aussi par argent, Quand au songe, qu'il vient, on donne quelque cas & qu'il parle signifie grands biens: si au contraire il est significatif de mal: Dragon plissé & entortillé, ou faisant horreur, signifie grand danger, captiuité, ou mort au malade. Le serpent signifie maladie & inimitié, ou selon

qu'il se monstera se gouuerneront, & nous traicterons l'ennemy ou maladie. L'aspic ou vipere signifient, riches femmes. I'ay cogneu par experience que ces deux bestes nous approchans replicees ou retorses sont significatiues de bien, mesme si elles nous mordent. Quelconque bestes que l'on songe que la femme porte en son sein cachée, avec plaisir & passetemps, elle sera corrompue par l'ennemy de celuy qui songe: mais si elle a crainte & tristesse de ladite beste, elle aura maladie: ou si elle est enceinte, son fruiet sera en danger.

De la pescherie.

Les rets & toute instrumens de ling à prendre les poissons, signifient ce que les filets de chasse, dont auons parlé cy dessus. Semblablement le fil de soye & poil de cheual, & l'ameçon signifie eautelle & tromperie: pourtant est toujours meilleur de songer les auoir, que si vn autre les tenoit. Prendre beaucoup de poisson ensemble & bien grand, signifie à tous gain & profit, fors à ceux qui exercent art &

mestier requerant estre assis & au maistres, docteurs, & precepteurs; car les premiers ne pourroient pescher & faire leur mestier: les autres auront disciples & auditeurs ineptes, à cause que les poissons sont muets. Prendre des petits poissons, c'est tristesse, & non pas profit. Tout poisson de diuerse couleur, c'est faison au malade, dol & trahison aux gens sains, poissons roux signifient aux serfs & malfaiçteurs, tourmens aux malades, grosses fieures & inflammations à ceux qui veulent estre secrets, reuelation. Les poissons qui ont escailles & que l'on escorche, sont bons aux malades, captifs & pauures & à toute personnes affligées: car ils leur signifient abolition & perte de maux dont ils seront enuironnez.

Des Raines.

Les Raines ou Grenouilles se sôt abuseurs & bauars, mais les voir par songe est bon à ceux qui vivent sur le cōmun. J'ay connu hōme qui auoit songé qu'il frapport de son poing, & des nœuds ou iointures des doigts dessus les grenouilles, & aduint que son maistre luy

donna puissance sur tous les autres de la maison. Aussi l'on peut estimer que l'estag representoit la maison: les grenouilles les habitans, le frapement des doigts, le commandement.

*Des grands monstres & poissons
de mer.*

Voir vn grand poisson en la mer n'est bon à personne fors le Dauphin, qui promet vent du costé dont il tire: mais hors la mer tout poisson & grand monstre est bon: car ils ne peuuent plus nuire, ny sauuer eux mesmes. Et pour ce autre ce que le songe signifie que nos ennemis ne nous pourront nuire: il dit d'auantage que les meschans seront punis: Toutesfois le Dauphin veu hors la mer, n'est pas bon, signifient la mort de quelqu'un de nos bons amis.

Des Cormorans ou plongeurs.

Voir par songe des Cormorans ou Plongeurs, & autres semblables oiseaux de mer, c'est peril aux nauigans, mais non pas mort, aux autres signifient les amis, ou putais, ou trompeurs, robeurs & meschans pariures qui hantent les riues de Mer. Et si en son-

Grands oyseaux sont meilleurs aux riches qu'aux pauvres: & les petits refaits au contraire. Voir vn Aigle volant sur vne pierre, ou vn arbre, ou vn haut lieu; est bon à ceux qui veulent entreprendre affaires: mais à ceux qui sont en crainte est mauuais: aussi signifie retour de celuy qui est loing, s'il volle tout beau, à son aise ou plaisir est bon signe que les affaires se feront, mais non pas si tost, l'aigle volant & tombant sur la teste de celuy qui songe, luy signifie mort. Estre monté sur vn Aigle signifie aux Rois princes, aux puissâs & riches personnes, la mort: mais aux pauvres est bõ, car ils sont bien venus & receus de quelques gës riches, dont ils tirent grand profit, aussi le plus souuent changeant de lieu, ou allant aux autres nations. L'Aigle menassant signifie menace de quelque puissant personnage, mais doux ou donnant quelque chose, ou parlant, c'est prouué le songe par bonne experience, la femme qui songe auoir engendré vn Aigle, fera vn enfant qui paruien-

dra (selon la qualité) à bien & honneur. Voir vn Aigle mort est bon au cerf, ou à celuy qui craint; car il signifie la mort du Maire, ou menaſſeur & autres, c'eſt empeschement d'affaires: les Vautours ſont bons aux Potiers de terre, Tanneurs & Teinturiers en cuir, mais aux Medecins & malades ſont mauuais. Auſſi ſignent méchants garçons, rodeurs, habitans hors la ville, & mal en toutes choſes: le Faucon & Millan ſignent larrons & raiſſeurs. Le Corbeau peut ſignifier l'adulture, & la Corneille ſignifie grand retarde-
ment d'affaires, la femme vieille & l'hy-
ver. Eſtourneaux ſignent gens neceſ-
ſiteux & troublement en vain, ce que
ſignifie auſſi le Geay: Les Pigeons ſi-
gnifient les femmes, les ſauuages, fem-
mes diſſoluës, les priuez ſignent auſ-
ſi les honneſtes & meres de familles:
meſmes plaiſirs & affaires & en cas d'a-
mitié, compagnie & reconciliation
ſont bons à cauſe qu'ils viuent enſem-
ble. Gruës & Cigoignes veues en trou-
pes, ſignent courir brigands & enne-
mis. En Hyver mauuais temps & tem-

peste, en esté secheresse : mais veues solitaires & à part, sont bonnes à voyager, & signifient le retour de celuy qui seroit lointain sont bonnes, aussi en cas de nopces & de generation, mesme la Cigoigne pour le support & nourriture que luy donne les petits. Le Cigne signifie l'homme musicien, la musique, & reuele le secret, à cause de la couleur : aux malades leur signifie santé, mais s'il chante, mort : car il ne change qu'il ne soit près de mourir.

Des Mouches.

Mouches à miel sont bonnes aux laboureurs & à ceux qui tirent profit, aux autres signifient troublement, à cause du bruiet qu'elles meinent, & navreures, à cause de l'aguillon & maladie, à cause du miel & de la cire. volettans sur la tēte sont bonnes à celuy qui doit estre Chef & Capitaine, des autres signifiant mal, mesmement mort de par le peuple, ou les soldats, enclorre lesdites mouches, aussi les tuer est bon à tous fors aux payfans & laboureurs.

De Nauiger.

Songer de bien nauiger, est bon à tous

Iuy qui par ceste part de nauire seroit
signifié & entendu.

De l'Agriculture.

La charruë est bonne pour nopces,
generation affailes, mais requiert, du
temps, Le ioust de bon, sinon aux serfs:
car il empesche liberté, pourtant leur
seroit meilleur le voir rompu. La faux
c'est dommage car elle coupe tout, &
signifie le temps six mois. La cyre, c'est
la femme, & le profit d'elle. Le coustre
ou soc de charruë, la pelle de bois, le
van ou crible, c'est dommage, & depar-
tement perte. La charrette, c'est la
vie de celuy qui songe. Songer venda-
ger ou moissonner hors temps, c'est que
les affaires seront retardées iusques
à ce temps qu'on a de coustume ven-
dager moissonner gerbes debeld, ou
semblable grain, sont aussi empesche-
mens: car ce n'est pas viande preste.
Fosses en terre, scillons & cauernes,
ou sont semez & cõtregardez les grains
signifient la femme, la vie, ou biens de
celuy qui auroit songé. Les hayes,

pos des viandes, platons ou plennes, Peupliers noirs, & Ormes, Freines, & autres semblables, sont bons seulement aux soldats, aux Menuisiers & Charpentiers, aux autres c'est pauureté, à cause que ce sont arbres sans fruit, Buys & mittes sont femmes lasciues, & sont bons à ceux qui veulent entreprendre quelque affaires, & aux malades : aux autres c'est peine & labeur.

De la Fiente.

Bouze de Vache & fiente de Cheual, & toute autre, fort l'homme ; est bonne seulement aux Laboureurs : Aux autres, c'est tristesse & dommage mesme si elle nous degaste, c'est maladie. On a experimenté que c'est profit à ceux qui sont de vile estat. Voir la fiente d'homme en abondance, c'est abondance de maux : mesme, ou estre souillé, est tres mauuais. Faire son ordure en sa chambre, c'est grande maladie, ou diuorse de femme, ou d'amis, ou changement de logis. C'est tres grand danger de songer de lâcher le ventre en l'Eglise,

ou marché , aux estuues , c'est honte ,
dommage & reuelement de secrets ,
mais lascher le ventre bien à son aise
& beaucoup en vn retrainct , ou en vn
pot à pisser , est bon à tous : car c'est
signe d'allegeance , décharge de soucy
& d'affaires. I'ay cogneu aussi que
c'est bon de se lascher aux riuages , aux
champs , chemins , fleues , aux
estangs : c'est pareil que songer au
Garde-manger.

*Des Fleues , Estangs , Fontaines
& puits.*

Riuieres ayant leur eau claire & net-
te , coulant doucement , sont bonnes
aux serfs & à ceux qui ont procés , ou
à ceux qui veulent voyager : car elles
signifient & representent les maistres
& Iuges qui font ce qu'ils veulent , &
aussi les voyageurs , à cause qu'elles
coulent tousiours , mais si la riuere est
laide ou impetueuse c'est le contraire ,
signifie menaces de maistres , de Iuges ,
ou empeschement de voyage. C'est en-
cor pis si la riuere semble emporter
maisons , & heritages de celuy qui son-
ge , ou luy mesme aussi ; d'abondant

si elle se porte jusques en mer. C'est mauuais aussi d'estre debout, en la riuere, dont les ondes escumeuses, flottans contre la personne, & n'en pouuoir sortir : car à peine pourra t'on souffrir ou supporter les maux qu'on aura, quelque courage que l'on aye, les torrans sont iuges rigoureux, maistres fascheux, tourbes, assemblées, & noises, à cause de la violence, ou bruit tres grand, il est bon de les passer à pied, ou en nageant. Nager en riuere, ou estang, c'est tomber en grand inconuenient. C'est tousiours meilleur de nager sans cesse jusqu'au riuage, qu'estre endormy en nageant. Riuere claire entrant en la maison, c'est la venuë d'un riche homme de qui on tirera profit, mais trouble, violent, ou remuant les meubles de la maison, c'est violence de quelque ennemy. Riuere sortant de la maison du riche, c'est qu'il aura authorité en la ville, faisant beaucoup de largesse ou liberalitez au pauvre, c'est que sa femme se gouverne mal. Voir autre eau que de riuere entrant en la maison, trouble & orde, c'est doute de feu: mais belle &

claire, c'est acquisition, possession & argent, pareillement voir en la terre ou maison, ou puits, qui ny estoit point auparavant, signifie aussi femme ou enfans à ceux qui n'en ont point, voir vn puits plein d'eau en la maison est bon, si elle ne s'espanche point par dessus, & que les estrangers n'en tirent ou puissent: car seroit perte de femme, d'enfans, ou biens, l'estang grand c'est comme la riuere, sinon qu'il empesche le voyager, mais petit ou moyen c'est femme riche & ioyeuse, aymant ses plaisirs. C'est tres-bon nager en estang ou riuere, mais non pas nauiguer. Fontaines, & sources abondantes de bonne eau, sont bonnes à tous, mesmes aux malades, ou pauures, leur annonçant santé richesses mais taris c'est le contraire.

*Du paluz ou marets, montagnes,
chemins & bois.*

Marets, ou marescages, sont bons seulement aux pasteurs. Aux autres sont empeschemens, Montagnes, valees, bois, landes, sont tristesses, crainctes, troublement, playes aux serfs, ou mal faicteurs; dommages aux riches. C'est le

le meilleur tousiours de les trauffer,
& non y demeurer, ou sommeiller en
chemin. Chemins larges, plains ou
faciles, c'est allegresse de santé, ou d'af-
faires, & au contraire.

*Des procès & lieux de plaids,
& de medecins.*

Les lieux de plaids, Iuges, Aduocats,
Procureurs, sont troublemens, fasche-
ries, despens, reuelations de secrets. Si
le malade songe gagner sa cause il re-
uiendra en meilleur estat: autrement
s'il la pert, il mourra. Si celuy qui a
procès, songe estre assis en siege de Iuge
il ne perdra pas, ains plustost son ad-
uersaire, les Medecins venus par songe à
celuy qui auroit procès, signifie le me-
me que les Aduocats & Procureurs.

Des hautes estats & dignitez.

Songer estre Roy ou Empereur, au
malade, c'est mort: car le Roy n'est sub-
iect à persōne ny aussi la mort. A celuy
qui est sain, c'est perte, ou separation
de parens & amis, car le Roy n'a point
de compaignon. Au malfaieteur c'est
surprinse & descouurement de son fait,
car le Roy est cogueu & environné de

leur vient: car sans biens ne pourroient faire telles largesses. Aussi est bon aux farceurs, danceurs, & baleurs: car ce leur signifie honneur & louange.

Quand on fait ladite largesse & distribution, songer qu'on en prend sa part, est bon: mais n'en prendre ny recevoir: n'est bon à aucun, & signifie mort subites: car les morts ne reçoivent plus. Quelconque dignité qui requierent porter l'or & le pourpre, c'est mort aux malades, & diffamations aux autres. Estre faict Euesques, est bon à tous forts à ceux qui veulent estre secrets. Estre chef de maison, ou d'assemblées & congregation, c'est peine fascherie, & souuent dommage. Tout estant appartenant à l'homme, si la femme songe auoir cela, luy signifie mort, & au contraire.

*De la guerre, de l'armée, & election
de gens d'armes.*

La guerre & les affaires de guerre, sont troublemens & fascheries à tous sinon aux capitaines & soldats, & autres qui vivent sur le train de guerre: car à tels c'est gain.

J'ay cogneu que ce songe signifie nopces.

Du Soleil.

Le Soleil leuant luyfant, est bon à tous, & tendant en Occident en telestat & signifie gain, & operation, generation, & liberté, aux serfs: mais à ceux qui veulent estre secrets, est mauuais: car il descelle & descouure tout. Semblablement s'il se leue deuers. Occident, & releue le malade apres auoir esté bien bas, & que le mal des yeux n'auenglera le patient: & c'est le retour de celuy qui est loingtain, aussi est bon à celuy qui veut voyager vers. Occident aux autres en tout affaire. Ainsi il faut iuger s'il semble leuer du Midy ou Septentrion, Soleil obscur ou seignant, ou comme murmurant d'ire & de chaleur, est mauuais à tous, & signifie empeschement, maladie d'yeux & d'enfant. Toutefois a esté trouué bon à ceux qui sont en doute & qui veulent estre secrets. Le Soleil descendant en terre ou en quelque maison, c'est signe de danger de feu. Entrant en la chambre & menaçant, c'est grand maladie ou

ardeur, mais s'il dit ou demonstre quelque bon signe, c'est abondance de biens. Le Soleil disparant & se cachant ou absentant, est mauuais à tous, fors à ceux qui veulent estre secrets le plus souuent c'est perte de veuë, & mort d'enfant. C'est tousiours le meilleur de voir les rais du Soleil & clarté entrant en la maison que le Soleil mesme; car la clarté c'est abondance de biens: car le Soleil est abondance de maux qu'on ne pourra souffrir, comme l'on ne pourroit souffrir la grande lumiere & chaleur du Soleil de pres, Soleil donnant ou desrobant quelque chose, c'est perte & peril.

De la Lune.

La Lune c'est la femme, nourrice fille ou sœur de celuy qui songe, & signifie argent, richesse, marchandise, traffique, & nauigation, & les yeux de celuy qui songe & le maistre ou maistresse. Et pourtant si la Lune se tourne en bien & ioye, c'est bien honneur de par ceux qu'elle represente, & au contraire. Semirer en la Lune, c'est generation de fils à l'homme, de fille à la femme, ce-

songe est bon aux changeurs, vsuriers, & receueurs de recepte pour les viures. Aussi est bon à ceux qui se veulent monstrier & apparoir : mais il descelle les cachez, & les malades & nauigans en mer, danger de mort. Le bien ou mal que signifie le Soleil, pareillement de Lune, finon que moindre : & plus par femme que par homme.

Des Estoilles.

Voir toutes les estoilles claires & nettes est bon pour voyager, & pour toutes affaires, & pour les secrets, en quoy ne conuient avec le Soleil & la Lune. Les Estoilles ou Planettes qui sont causatiues de froideur, signifient fascheries & dangers : mais causatiues du beau temps & doux, c'est prosperité & richesses. Celles qui sont cause du Solstice hyuernal, c'est changement en mal ou en pis, du Solstice estiuial, en bien ou mieux. Les estoilles s'esuanouissant ou perdant au ciel, c'est pauureté & desertion aux riches : car il faut imaginer que le ciel soit la moisson de celuy qui songe estoilles, les biens & possessions Au

pauvre ce songe signifie mort, mais seulement seroit bon à tous ceux qui ont machiné quelques grands maux. I'ay attendu dire que si quelqu'un auoit songé que les estoilles s'estoient disparuës du ciel, & les cheueux luy tomberent. Car les estoilles tombans en terre, ou disparans, c'est grande perte de gens, comme parens ou amys, grands ou petits selon la qualité des estoilles. Desrober les estoilles n'est pas bon. Est aduenü qu'apres ce songe les songeurs ont commis sacrilege, & en ont esté repris & punis. Manger les estoilles aussi n'est pas bon, sinon aux Astrologues & vaticinateurs, auxquels signifie gain: aux autres mort. Voir les estoilles sous la couuerture de la maison c'est que la maison sera deserte, consumée ou brulée, ou que le maistre de la maison mourra. Les comètes, les tarbs, colonnes ardans & autres semblables, veüs par songes signifient comme leur naturel.

De l'Arc au Ciel.

L'Arc en Ciel à dextre est bon, à se re-
dre mauvais, & faut iuger la dextre ou

fenestre, selon le Soleil, en quelque qualité qu'il apparaisse, c'est bon signe à quiconque seroit affligé de pauvreté, ou d'autre affliction: car il change le temps & l'air.

Des Nuës.

Les nuës blanches c'est prospérité: montant de terre en haut, c'est voyage ou retour de l'absent & reuelement de secret, rouges ou enflammées, c'est mauuaises issuë d'affaires, fumeuses, tenebreuses & obscures, c'est mauuais temps ou fascheris.

Des vents.

Vents doux, sont bons, impetueux, sont gens mal plaisans & meschans: Turbillons & tempestes des vents sont perils & troublemens.

*Des tremblemens & ouuertures
de la terre.*

La terre tremblante, c'est changement d'estat & d'affaires, mais ouuertures, abismes, confussions & renuersement de terre, sont iniures, mort ou perte de biens. Seulement on experimente ce songe bon à ceux qui proposent voyager, & qui sont endebtez.

*De l'eschelle, degrez, casse, meulle
pilon & du coq.*

L'eschelle est signe de voyager. Les degrez c'est auancement: aucuns disent que c'est peril. La casse, c'est dommage & la femme qui est sur sa bouche. La meulle signifie fin de grands & fascheux affaires, & le bon & loyal serui-
teur. L'homme ou la femme. Le coq, le pere de famille ou maistre d'hostel.

Des œufs.

Les œufs medecins & peintres, & à qui vendent & traffiquent, sont boas, aux autres est bon d'en voir petite quantité, & signifie gain: mais beaucoup c'est peine & souci, noises, ou procez.

*Des Monstres, choses con-
traire à nature.*

Faut entendre & retenir en general que tous monstres & choses impossibles selon nature, c'est vaine esperance des choses qui ne se feront point.

Des Liures.

Les liures sont la vie de celuy qui songe: songer les manger est bon aux

maistres d'escoles , & tous ceux qui font profit des liures , & qui sont studieux d'eloquence : autres, c'est mort subite.

Des Perdrix.

Perdrix signifient hommes & femmes: mais le plus souuent femmes sans conscience, & ingrates & difficiles.

De las.

Las las sont detention, empeschement & maladies. Aux serfs, c'est loyauté, honneur & authorité, dont les ingrats feront deboutez. Aux non mariez , ce sont nopces à ceux qui n'ont point d'enfans, c'est signe qu'ils en auront.

Des playes.

Il est bon fesser ou fouetter seulement ceux qui sont sous nous, sinon la femme : car seroit doute qu'elle fust adultere , les autres aportent profit à celuy qui les bat. Estre foueté n'est pas bon, ny des vifs, ny des morts, ny de nos subjets , mais bien des autres, Toujours est bon d'estre fessé des verges ou de la main , & signifie profit, mais de cuyr, de cannes , & de bastons est mauvais.

Songer estre mort sont nopces: à celuy qui est à marié, car mort & mariage se representent, Et pource aussi aux malades songer de soy marier & celebrer nopces, est signe de mort. A celuy qui a femme, le mourir luy signifie separation, ou de compagnons parens & amis: car les morts ne hantent avec les vifs n'y au contraire. A celuy qui est chez soy, signifie aller dehors, c'est bon songe aux peres, aux poëtes, & orateurs & philosophes, car les premiers auront enfans qui viuront, les autres composeront œuvres de memoire. Outre ce j'ay fait experience, que c'est bon songe à ceux qui sont en tristesse & crainte, car les morts n'ont plus crainte en tristesse. Aussi à ceux qui ont procès d'heritage, & qui veulent acheter terres: car les morts sont seigneurs des terres. En autre procès, ce songe n'est pas bon, sinon au malade: car il guarira, pource que les morts ne sont plus malades c'est tout vn songer estre mort, ou estre porté & enseuely, comme pour morts. Songer estre enseuely & entterré tour

Vif n'est pas bon, fouuent signifie prison captiuité. Soit bien soit mal que la mort signifie si on songe estre tué par mains d'autrui, ledit mort ou bien viendra par autrui. Si on songe se tuer soy mesme, le songeant aura le bien du malade si par soy mesme la mort est par sentence de Iustice, fait les maux ou biens plus grands. Estre pendu & estranglé par autrui ou par soy mesme, c'est troublement & angoisse c'est aussi changement de lieu & maison. Estre bruslé tout vif, c'est autant comme estre atteint de la foudre dont auons parlé cy dessus: mais aux malades, c'est signe de santé, aux ieunes gens calamitez, concupiscences & chaleurs de ieunesse. Estre crucifié est bon à ceux qui veulent nauiguer & aux pauvres: mais aux riches, au contraire. Aux non mariez sont nopces, aux serfs liberté, c'est aussi changement de lieu. Estre crucifié en ville, c'est auoir estat & office tel que requiert le lieu ou on songeroit estre. Auoir combat avec les bestes est bon aux pauvres, & signifie biens, dont ils pourront nourrir & entretenir train:

aux riches sont facheuries & iniures, de telles gens que les bestes representoiēt, & a esté à plusieurs indice de maladie, c'est liberté aux serfs qui songent estre tuez par les bestes.

De porter autrui ou estre porté.

Porter autrui est meilleur que d'estre porté, d'autant que c'est plus d'honneur de donner que prédre. Car celuy qui porte represente celuy qui fait du plaisir, celuy qui est porté, cil que reçoit. Estre porté de femme, d'enfant ou des pauvres personnes est moins de profit & de support, c'est bon au serf d'estre porté de son maistre, & au pauvre d'un riche.

Des Morts.

Voir des Morts seulement sans autre chose ny parole, c'est estre au mesme estat & affection comme lesdits morts estoient enuers nous : car s'ils ont esté nos bien faicteurs, ce songe nous signifie bien & ioye, & au contraire : c'est tres mauuais quand les morts nous semblent emporter & desrober robbes, meynage, argent ou viures, car signifie

mort, au songeur ; ou à quelqu'un de ses parens & amis, les morts qui donnent viures, argent ou habits, c'est bon songe : mais qu'ils ne donnent autre cas. J'ay cogneu homme qui songea que sa femme morte faisoit les liëts en sa maison, & le lendemain plusieurs de ses grands amis tomberent malades.

Des moyens & thresors.

Aucuns disent, que songer l'argent & toutes esperances de monnoye, c'est mauuais, mais i'ay experimenté que que petite monnoye d'airain & billon signifie tristesse, & parolles fascheuse, mais monnoye d'argent, parolles & propos de grands affaires. D'or encor de plus grands, c'est tousiours meilleur songer d'auoir peu d'argent, que prou, pource que le grand tas ne se peut employer & distribuer qu'avec peine & soucy. Trouuer thresor caché en terre, si le thresor est petit, ce sont petits maux, s'il est grand, ce sont grands maux, fascheries & tristesses, & mort : car l'on ouure la terre pour le mort, comme pour le thresor.

Plorer & douloir, soit pour quelque amy trespasé ou pour autre cause, c'est joye & liesse, pour quelque bon acte. Et non sans propos, car nostre esprit a quelque affinité & ressemblance à l'air extérieur, qui nous environne. Tout ainsi donc que l'air est tousiours subiect à changement & mutation de serain en tempeste, & au contraire de tempeste en serenité & tranquillité, aussi est vray semblable que nostre esprit se change de triste en joyeux, & de joyeux en triste. Et pourtant aussi estre joyeux: c'est signe de tristesse, mais faut qu'il y ait cause d'estre triste, autrement se contrister sans cause, seroit signe d'estre triste pour cause.

Du tombeau.

Auoir son sepulchre ou tombeau, ou le bastir, est bon au serf: car il aura liberté, & à celuy qui n'a point d'enfans, car il en aura, qui luy seruira: souuent aussi c'est signe de nopces & acquisitions de terres. C'est bon songe generalement aux pauures & riches, mais sepulchres tombans ou tombez en

ruine, c'est le contraire.

Des morts reuiuans & remourans.

Les morts reuiuans, font troubles mens & dommages : car il faut estimer comme si la chose estoit, quel troublement y auroit si les morts reuiuoient : lesquels voudroient rentrer en jouissance de leurs biens, qui seroit fâcherie & perte grande pour ceux qui en auroient jouyr depuis leur mort. Les morts de rechef mourans signifient mort de ceux qui porteroient leur nom : estans leurs prochains parens ou leurs alliez, si qu'ils sembleroient deux fois mourir. Breuuege ou morceau mortel, signifie comme le mort semblablement toute beste qui se trouueroit sous le liect, lesquelles choses signifient mourir en bref.

Des nopces.

Puis que les nopces ont conuenance & signifiante de mort, & la mort de nopces, en c'est endroict i'en parleray. Espoux vne fille à celuy qui seroit malade, c'est mort, c'est bon à celuy qui veut entreprendre quelque affaire.

car il aura vne tres-bonne & parfaite
issuë. Et celuy qui espere quelque
bien il obtiendra: car celuy qui se ma-
rie prent quelque bien deüaire de sa
femme. Aux autres c'est troublement
& diuulgation: car sans cela on ne fait
de nopces: mais si l'on prent femme
viue on poursuiura non point nouuel-
les, mais vielles affaires non sans pro-
fit, si quelqu'un voit sa femme mariée
à autrui, c'est changement d'affaires,
& d'affectiō ou separation. Si la fem-
me songe estre mariee à vn autre que
son mary, elle est separee de luy, ou le
verra mort, comme aucuns disent: mais
i'ay cogneu que cela n'est pas tou-
siours, ains seulement quand la fem-
me n'est pas enceinte, ou n'a point
d'enfans, ou n'a point d'heritage à ven-
dre: car si elle est grosse elle fera vne
fille qu'elle verra marier. Et par ainsi
non pas elle, mais sa fille sera mariee à
vn autre. Et celle qui a quelque bien
à vendre, & fera contract de paches,
comme l'on fait pour mariage.

De l'Arondelle & Rossignol.

L'Arondelle ne signifie point mal,

fille ne fait quelque cas qui denotoit mal, ou si elle ne se monstroit d'autre couleur que la naturelle. Ains signifie bien besonger, ouurager, & principalement nopces & musique, & promet femme mesnagere, & gardant maison: car l'arrondelle vit, & fait son nid avec nous, sous vne mesme couverture. Le Rossignol signifie comme l'Arondelle, sinon moindre bien: car il n'est pas tant familier de nous,

De voller.

Songer voler vn peu haut de terre, estant droict, est bon: car d'autant qu'il est plus esleué que ceux qui sont à l'entour, d'autant l'on sera plus grand & plus heureux, le meilleur seroit que ce ne fut pas en son pays voler avec des aisles est bon generalement à tous.

Aux serfs, c'est liberté: aux pauvres, argent: aux riches, office & dignité: mais voler bien haut, loing de terre, & sans aisles, c'est crainte & danger, comme aussi voler sur les maisons & par les rues & carrefours, c'est trouble.

ment & sedition. Voller au ciel , c'est aux serfs entree aux riches maisons mesme en court. A ceux qui veulent estre secrets , est mauuais : car tout le monde voit le ciel. Voler avec les oyseaux, c'est chanter avec les estrangers, & peine & punition aux malfaïcteurs. C'est tousiours apres auoir volé en haut , descendre en bas & puis sur cela s'esueiller ; mais sur tout , quand de vouloir on vole , & de vouloir on retourne & descend : car c'est signe de grande facilité , & bonne disposition des affaires , mais voler par contraincte comme estant pourchassé des hommes , des esprits , ou des bestes , n'est pas bon , ains sont grandes fascheriers & dangers. Voller à la renuerse, n'est pas mauuais à ceux qui veulent nauiger , car communement au nauire qui a son cours sans tempeste , les gens reposent & couchent à la renuerse : aux autres , c'est faute d'ouurage & de besongue : car ceux qui sont à la renuerse sont oisifs.

Au malade , c'est mort. C'est tres-mauuais , vouloir voler & ne pouuoir,

Ou voler la teste en bas & les pieds en haut. En quelque sorte que le malade vole, c'est mort : car on tient aussi que les ames sortans du corps volent au ciel d'un grand vol & bien leger comme les petits oiseaux. Le voler est mauuais à ceux qui ont art & mestier qui requiert ne bouger d'une place : il est bon aux captifs : plusieurs par ce songe de voler sont deuenus aveugles, entant qu'ils craignent de tomber. Voler en chaise, en liest, ou estant assis en quelque appuy pour soustenement, c'est grande maladie : mais n'est pas tant mauuais à celuy qui voudroit voyager car seroit signe qu'il voyageroit avec sa famille, avec ses outils & meubles, ou en charrette ou en lictiere.

De ceux qui sont diuers de croire.

Ceux qui par songe nous disent quelque chose, & sont dignes de croire, en premier lieu sont les Dieux : car c'est une chose qui ne conuient à Dieu que le mensonge, puis les sacrificateurs, car on les honorent comme Dieu. Puis les Roys & Princes : car toute chose qui

III *Artemidore des songes*
domine à vertu & puissance de Dieu:
Puis les peres, meres, maîtres ou pre-
cepteurs: car ils sont comme Dieux,
donnant les premiers la vie, les autres
la forme de bien viure. Puis les va-
ricinateurs: & entre iceux qui ne sont
point menteurs, n'y trompeurs, com-
me sont augures, Astrologues, inter-
prestes de songer. Puis les morts, car
ceux qui meurent le font pour gain
qu'ils ont, ou pour espoir de bien. Or
les morts ne nous craignent ny atten-
dent, aucun bien de nous. Puis les en-
fans les viellards, & les bestes sont di-
gne de croire en tout ce qu'ils nous
annoncent par songe. Tous les au-
tres ne sont point croyables, sinon
ceux qui vivent bien & solitaire-
ment.

*Conclusion de l'Auteur sur le
second Livre.*

Si d'aventure aucun de ceux qui au-
ront eu mes liures entre leurs mains,
pense que j'aye pris d'autrui aucune

chose, il s'abuse: mais quand il aura
veu & entendu la preface de ce liure,
il cognoistra mon propos & vouloir.
Dauantage, si quelqu'un à opinion con-
traire de quelque propos, par moy re-
cite pource qu'il auoit (comme ie pen-
se) quelque probabilité: il doit sça-
uoir pour responce, que ie sçay bien
qu'il trouuerra que dire, & ce qui sera
vray semblable. Ce que i'auois bien
la puissance de faire aussi, mais ie
n'ay pas cherché à complaire com-
me ceux qui quierent le bruiet &
faueur en parolles: ains ie produis &
appelle tousiours à tesmoins pour
moy, l'experience, & la reigle ou
la raison. Je suis donc déjà fait &
parfait en tout & par toute expe-
rience: car ie n'ay iamais voulu
faire & aussi n'ay fait autre chose
tant le iour comme la nuit que
m'occuper à mediter, à celle fin
de mieux en mieux esveiller & ha-
billiter mon esprit au grand iu-
gement & interpretation de tous les
Songes.



LE TRANSLATEVR.

A SON COVSIN LE PREVOST
I E A N C V R E A V.

E P I S T R E.



E ne sçay que les autres ont
estimé de ma presente tradur-
tion, mais ie sçay qu'en la
despriseras, ains prendras de
bon cœur.

Et pour autant que i'ay cognoissance
de la douceur & bonne nature de ton
esprit qui se recrée en toutes choses
bonnes, & vertueuses, mesmement en
la dispute des Songes : i'ay pensé de
r'adresser mon translat de ce tiers liure
d'Artemidore auquel i'espere que tu
passeras le temps avec tes amys, & y
trouueras (si tu conioincts l'expe-
rience, conferans tes songes avec l'ex-
position du Liure) recreation avec ad-
miration, comme i'ay faict premiere-

M.

ment : car c'est certes chose bien admirable, & des plus qu'il soit en ce monde, de parvenir à bonne fin d'une chose si confuse & si estrange, comme sont les songes.

Quand à mon endroict (Cousin & amy) ie te veux bien faire sçavoir qu'il ne s'est fait en moy aucune chose d'importance de maux ou de biens selon ma qualité, que Dieu ne m'en ayt adverty, troublé ou consolé : dont ie le remercie, quand il me console : & m'en suis par ce moyen tousiours bien trouué. Et en ce poinct j'ay sçeu tirer & faire mon profit des songes. Ce qu'aussi tu feras en t'y exerçant doresnauant, si bien te recognois. Je te veux aussi reciter vn cas qui m'est advenu depuis vn an. Cela est bien seur que plus de quatre & cinq mois deuant que ma Fleur le m'eust fait mon fils Gaspard (que Dieu benie) qui est seul & premier d'elle & de moy, j'ay par plusieurs & diverses fois songé que ie voyois vn arbre de meurier, portant les meures. Et ce deuant qu'oncques i'eusse pensé ny advisé si

le livre d'Artemidore en parloit. Et pour ce que tant souuent mon esprit me repartoit & presentoit ce meurier, ie fus meu & quasi contrainct d'y aller voir : si pris le livre, & leu dedans, qui voit vn meurier droit & portant fruct, c'est generation & lignée, & suiuant ce propos i'ay quelquefois dit à certains de mes amis, que ie pensois que Dieu me feroit la grace d'auoir de ma femme qui estoit enceinte, d'un enfant qui viuroit, & non pas comme ma fille qui mourut à sa naissance. Je pourrois bien bien alleguer en cet endroit plusieurs autres cas & songes, dont l'issue m'en est aduenüe toute conforme à l'exposition de nostre Artemidore : mais ie serois trop long, & ie sçay bien que tu me croiras autant, & prendras celuy seul au lieu de plusieurs, pour le present & pour confirmation, dont l'on cognoist l'effet nouvellement aduenü, non sans grand ioye & liesse à moy & à mes amis.

M. ij.

Au par dessus, ie te veux bien aduiser, que quand aux effects des songes, il ne les faut tousiours querir ny esperer qu'en vn temps: car afin que ie declare de bonne foy ce que i'ay souuent experimenté en moy, tu dois sçauoir que quand il me doit aduenir quelque grand bien, selon ma qualité, i'en ay ordinairement des songes, fantasmes & visions, quatre, cinq, six mois deuant, sous figures & couuertures telles: Comme que ie volle en l'air, & puis ie retombe sur mes pieds.

Que ie dance ou saute seul ou deuant ou avec peu de gens, amis & familiers, avec vne grande liesse & allegresse. Qu'il sours vne fontaine belle & claire chez moy. Que les bestes sauages se viennent apriuoiser, m'accompagner, mesme parler à moy, & quād'c'est qu'elque bien petit present, comme qui doit aduenir dedans quatre ou cinq iours. Je verray par songe ma barbe belle, forte & espaisse. Je verray le feu beau & clair en mon foyer. J'auray chaussure neuue, bien iointe & bien nette. Je ver-

ray la pluye descendre sur moy ou à l'environ. Je me verray quelque petit d'or ou d'argent, ou brouse en main. Je chemineray alaigrement & diligemment par voye sans empeschement Je verray quelque petite quantité d'œufs, ou en mangeray, ou de pois, ou de lard cuit, des pommes douces.

Quand i'auray empeschement d'affaires ou noises, i'orray ou sonneray cloches, trompettes, ou sonnettes. Je verray, tiendray ou manneray cerises, nois ou noisilles, ou remuëray du sable. Je verray Medecins, ou Advocats ou parleray à eux.

Quand i'auray de brief nouvelles, ie sonfteray lire ou escriture en papier, si elle doiuent estre mauuaise, ie seray vestu difformement, ie verray quelque monstre & chose difforme, & impossible, selon nature. Si ie dois auoir quelque petite perte d'argent, ie descendray par vne eschelle, ie verray mes chaufses rompuës, & mes souliers. Et quand i'ay quelque doute ou crainte en mon esprit touchant quelque

que ie t'iray voir si Dieu me donne
santé. Qui fera fin apres que i'auray
advisé que ce tiers livre d'Artemidore
est comme vn livre à part & se-
paré des autres deux premiers. Ce qui
appert par la conclusion de l'Autheur
en la fin du second livre, & aussi
ce livre fut composé long-temps apres
les autres : car l'Autheur voyant
qu'il defailloit aucunes choses que
curieux & plus sçauans Lecteurs
pouuoient attendre & desirer des
deux premiers livres : Alors ayant
fait recherche il amassa & recueillit
les choses lesquelles sont contenuës
& mise en estat en ce tiers livre,
lesquelles ne voulut aucunement re-
mettre n'y aussi adjoûter aux deux
premiers livres, pour cause & rai-
son qu'il donne à la conclusion du
troisième livre : Aussi il n'a voulu
aucunement en faire vn seul livre à
part : mais il ayma bien mieux luy
donner vn autre de troisième livre,
mais que c'est à raison qu'il des-
pend des deux premiers livres, telle-



EPITOME DV

TROISIESME LIVRE

D'ARTEMIDORE.

Daieu de dez ou table.



Onger de jouier aux dez ou tables, c'est noise & debat pour argent, c'est tousiours bon de vaincre : au malade, c'est mauuais si on luy coupe la queue en jeu. Les dez ou tables simplement veuës par songe, c'est sedition & noise: mais la perte d'iceux, c'est fin de noise & sedition. Voir vn enfant jouier aux dez ou tables & jettons, n'est pas mauuais. A l'homme parfaict est mauuais jouier aux dez, sinon qu'il espere quelque succession par mort d'autrui : car les dez sont faits des os des morts.

N

Songer que l'on desrobe n'est pas bon sinon à celuy qui voudroit tromper autruy, d'autant que ce seroit la chose que l'on songe desrober, plus riche, plus seuremēt gardée, d'avantage c'est plus grand danger au songeur: car il est vray semblable que le songe soumet le songeur aux mêmes peines auxquelles la loy des larrons. Commettre sacrilege par songe est tres mauvais à tous sinon aux Sacrificateurs & vaticinateurs: car par coustume ils reçoivent & partissent les premiers des oblations, & sont avecuement nourris de leurs dieux & ne peüent pas tous manifestement. Mentir par songe n'est pas bon, sinon aux farceurs, & railleurs qui ont de coustume. C'est moindre mal mentir aux estrangers qu'aux siens: ce la signifie grandes infortunes encor que l'on songe mentir aux siens en choses de petite importance.

Des Cailles & Coqs.

Cailles sont messagers portans mauvaises nouvelles de dessus la mer.

Elles sont contraires aux amitiés, nocces, car elles signifient noises & seditions, & mort aux malades, si elles trauctent la mer. Elles sont aussi contraires aux voyageurs, car signifient embusches, & trahisons, pource qu'elles sont espiées quand elles volent, & tombent souvent entre les mains des oyseleurs & chassours. Cocqs qui se combattent, sont aussi noises & dissensions.

Des formis.

Voir des formis avec elles n'est pas bon, car c'est dommage & dangereux voyage. Les autres formis appelez diligentes & laborieuses, sont bonnes aux laboureurs, car signifient fertilité: car où il n'y a grains, là ne se trouuent les formis. Elles sont bonnes aussi à ceux qui vivent du commun, & tirent profit de plusieurs & au malade quant elles ne s'approchent pres de son corps, car elles sont appelez laborieuses, & ne cessent de labourer, ce qui est propre à ceux qui vivent: mais quand elles se reigent pres du

corps du patient, c'est mort, pource
qu'elles sont filles de terre, & froides
& noires.

Des poux & des long vers.

Songer auoir petite quantité de poux,
& les trouuer sur son corps ou sur sa
robbe, & les tuer est bon; car ce songe
signifie que l'on fera deliuré de soucy
& tristesse: mais en auoir en grande
quantité ou grande pauureté: car en
tel cas les poux abondent. Et si l'on
les reiette tous c'est espoir d'estre re-
leué de tous ses maux. Faire des vers
par la bouche ou par le siege c'est co-
gnoistre ses ennemis & coniuérateurs
familiers, & les vaincre.

*Des mouches ou tahons, & des petits
vers qui s'engendre en
la chair.*

Les petits vers, sont soucy & fache-
rie, & le plus souuent desplaisance
qu'on aura de femme & familiers.
Les tahons sont mauuais gens qui
assaudront, diffameront le songeur.
Aux tauerpiers, c'est que leur vin se

gastera, & s'en aigrira, car telles grosses mouches aiment & demandent le vinaigre.

De batterie & haine.

Se battre avec les familiers n'est pas bon, ny avec estrangers. Le malade en fera en danger de resuerie & perte de sens. Se battre avec grands personnages, comme Princes Roys & magistrats est tres-mauuais. Songer hayr ou estre hay, soit d'amis ou d'ennemis est mauuais: car l'on peut auoir affaire de tout le monde.

D'occision.

Voir des gens immolez & tuez est bon: car c'est signe que nos affaires sont accomplies, ou pres de la fin.

Du Cocodril & du Chat.

Le Cocodril signifie le pirate & brigant de mer, ou le meudrier & meschant en quelque sorte, comme le Cocodril. Le chat signifie l'adultere & paillard.

Des Eschaffes.

Estre monté sur des eschaffes, aux malfaiçteurs c'est prison & chaines,

& liens : aux autres c'est maladie ou
vie vagabonde chez les estrangers.

De cheminer sur la mer.

Cheminer sur la mer à celui qui
veut voyager est bon, puis aussi au
ferf, & à celui qui veut prendre fem-
me. Celuy iouyra de la femme, &
l'autre de son seigneur à son plaisir,
c'est bon aussi à celui qui a procès,
car la mer represente le iuge qui traite
bien les vns & mal les autres, & la
femme à cause de l'umidité, & le sei-
gneur à cause de sa puissance au ieune
homme, ce songe est amour de femme
de plaisir, & à la femme c'est vie dis-
solue de son corps, car la mer est sem-
blable à la putain, à cause qu'elle a
belle apparence & attraiets : mais en
fin elle en traite plusieurs bien mal.
Ce songe est bon à tous qui vivent, &
font profit sur le peuple, & qui admi-
nistrent la chose publique : car ils au-
ront grand honneur & profit : car la
mer est semblable à vn peuple, à cau-
sede desordre & confusion des ondes,

Faire statues ou image d'homme.

Former des images d'hommes, faits de terre ou autre matiere, est bon aux gouuerneurs d'enfans: car ils les gou-
uerneront & instruiront avec hon-
neur & profit, Et à ceux qui n'ont
point d'enfans, car ils en auront qui
leur seront bien semblables.

*Estre attaché à la charrette, ou
porté dessus.*

Estre lié à charrette pour labourer
la terre comme vn cheual ou bœuf,
c'est maladie, seruitude & peine à
toutes personnes, quelque riche &
puissante qu'elle soit. Estre sur vne
charrette ou litiere porté, ou tiré par
les hommes, c'est auoir puissance &
autorité sur plusieurs, & auoir en-
fans de bonnes mœurs, quant aux vo-
yages c'est seureté avec tardiueté.

De maladie.

Estre malade, est bon seulement à
ceux qui sont en captiuité, ou en gran-
de pauureté, car la maladie allaidit, &
maigrit, & diminue les corps autres
est grande oisuieté & faute de besöigner.

C'est mesme cas songer visiter quelque malade incognu : mais quelque families & cogneu, c'est qu'il luy adviendra ce que dessus, non au songeur : car nous disons que les amis prochains & familiers sont, les fantomes & images representatiues, ces choses qui nous sont à venir : mesme l'ay obserué que tous les biens & maux que l'ame nous veut signifier bien tost, & plus grandement à venir elle les aduertit, represente, & fantasme sur la personne mesme : mais ceux qu'elle signifie & annonce plus tard & de moindre apparence, elle la represente par autrui.

Estre vestu difformement.
Estre difformement vestu, c'est mal à tous & signifie d'abondant moquerie, & raillerie, avec la mauuaise issue d'affaire. Ce songe seroit seulement bon à gens railleurs & farceurs.

Escrire de la main gauche.
Escrire de la main gauche, c'est faire quelque machination secrette,

tromper, decevoir & diffamer aucun,

De paratre & de la maratre.

Songer de voir son beau pere & belle mere, vifs ou morts, c'est mauuais, mesme ylant de force ou de menace. Vians de douces paroles & bon recueil, sont vaines esperances & dissimulations, quelque fois signifient voyager; car le pere & mere naturels representent la maison. Le paratre & maratre lesestrangers.

Des predecesseurs & successeurs.

Les predecesseurs, comme ayeuls & autres majeurs, signifient soucy qui se convertira en bien ou en mal selon la grace & circonstance que nous les songerons, les successeurs enfans, c'est fascherie & peine: plus grands c'est support.

De la Soury & de la Blette.

La Soury signifie le seruiteur: c'est bon d'en voir plusieurs se jouians & s'esbatans: mais la Blette signifie la femme malefique & mauuaise, ou procs, ou mort, & gain selon ce qu'elle fait, & va ou vient.

De la fange.

La fange signifie maladie ou des honneur.

Du bassin.

Le bassin signifie la bonne chambrière : Boire ou manger dedans, c'est amour de seruant. Se voir dans le bassin comme dedans vn miroir, c'est auoir enfans de la seruant.

De limage ou simulachre.

La statuë ou image signifie les enfans & le vouloir & affection de la personne qui songe l'image de matiere solide, & non pourrisante, est meilleure que la peinture ou que celle de terre, de cire & autre. Ce qui aduiendra à l'image, aduiendra pareillement aux enfans, & affaires de celuy qui songe.

De la sage femme.

La femme sage veuë par songe, c'est reuelement de secrets & dommage, c'est mort aux malades : car elle tire tousiours ce qui est contenu de ce qui contient, & le remet à la terre.

A ceux qui sont detenus par force,

c'est liberté. Veu souvent de femme qui ne seroit enceinte, luy signifieroit maladie.

Des espines & esguillons.

Les espines ou aiguillons, sont douleurs, empeschemens, Doucy & tristesse, à plusieurs ont signifié amours & aussi iniures de meschantes personnes.

De la chaîne.

La chaîne c'est la femme, detention, affaires mal à gré, & empeschemens.

De consolation.

Songer auoir consolation de quelqu'un, au riche est heur, c'est infortune & injure, au pauvre & affligé, c'est ayde & reconfort.

De naufrage.

Songer estre navré en l'estomach, ou au cœur, aux jeunes gens, c'est amour, aux vicillards douleur & tristesse. En la paume de la main dextre, c'est dette & dueil, à cause du suet qui se fait par elle : mais la nouvelle peau repri-
se en la playe, qu'on appelle cicatrice, c'est fin & issue des maux.

La dette & le creditier representent la vie. Parquoy aux malades, le creditier pressant & contraignant, c'est grand danger, & receuant c'est mort; car nous deuons la vie à la nature, nostre mere vniuerselle, laquelle nous luy faut rendre & payer. Creditier mourant, c'est fin de tristesse: L'hoste & locateur qui donne maison à louage, signifie comme le creditier: quelque fois le creditier represente la fille qui demande son douaire pour se marier.

De estre fol ou iure.

Songer estre fol est bon à celuy qui veut se mettre en quelque affaire: car les fols & furieux sont tout ce qui leur vient en fantasie. C'est bon aussi aux preuosts & escheuins qui veulent auoir auctorité sur le peuple: car ils auront plus grand bruit & honneur. Aussi est bon à ceux qui veulent gouverner & endoctriner enfans, car les enfans suyuent volontiers les fols.

Aussi est bon aux pauures, car ils

auront du bien. car les fols prennent de tous costez & à toutes mains. Au malade c'est santé, car folie fait aller & venir, & non pas dormir & reposer: mais songer estre yure, est tres-mauuais à tous, car signifie imprudence grande, seulement est bon à ceux qui sont en crainte: car les yurongnes ne craignent & ne doute rien.

Des lettres missines.

Voir des lettres & ce qui seroit escrit dedans, c'est que l'on aura la disposition des choses selon le contenu: mais le voir simplement sans ce qui seroit escrit dedans, c'est bonne nouvelle: car en toutes lettres il ya Salut.

*Des plantes & arbres sortans**du corps.*

Songer quelque plante sortir de nostre corps, c'est mort ou incisure à celui qui seroit signifié par la partie, dont sort ladite plante.

De la rongne, lepre, ou gratelle.

Rongne, lepre & gratelle, sont signes de richesses & honneur, aux pauvres: aux riches & puissans, sont offices &

dignitez, c'est aussi reuelement de secrets. Mais voir autruy lepreux & rongneux, c'est fascheries & foucy car toutes choses laides & de mauuais regard, contristent ceux qui les regardent.

Jetter des pierres ou estre lapidé.

Jetter des pierres à quelqu'un, c'est assaillir quelqu'un de paroles & injures; mais estre lapidé de pierres: c'est ouyr & souffrir injures, car les pierres representent les paroles injurieuses. Souuent c'est voyage & fuite: car il faut que celuy qui est assailluy de pierres, fuye. Quand plusieurs sont qui jettent les pierres, ce songe est bon à celuy qui espere argent, profit & utilité de plusieurs.

Des Cigalles.

Cigalles ou grillons, signifient musiciens, à ceux qui sont en necessité, ne signifient point amis ny support: mais seulement paroles & propos de ses affaires. A ceux qui sont en crainte ce sont menaces sans effet, aux malades, c'est soif & mort.

Souffrir comme vn autre.

Estre en peine & souffrir comme vn autre c'est estre complice & participant de son mal fait & de la peine, car les maladies & imperfections du corps, se rapportent aux passions & affections de l'ame.

Du fumier.

Voir du fumier est bon à ceux qui vivent sur le menu peuple, & qui en tirent profit, & à ceux qui sont d'estat. C'est bon aussi à ceux qui ont charge de negoces publiques. C'est bon au pauvre de dormir sur le fumier: car il amassera beaucoup d'argent. Au riche. c'est estat, office & honneur publique: car le commun apporte tousiours, & iette les superfluites sur le fumier. Estre souillé de fumier par quelque familier, c'est inimitié avec luy & injure, mais par quelque incogneu, c'est grand dommage à venir.

Des prieres & requestes.

Prieres & requestes & d'aumosnes

à tous mandians, pauvres & misérables, c'est soucy & fascherie à tous qui les songent, car nul ne requiert autrui sans estre affligé, & n'a raison & considération. Au moyen dequoy ils sont importuns, & font troublement & empeschement. Et s'il reçoivent argent pour aumosne, c'est signe de grand peril & dommage. Et souvent c'est mort au songeur, ou à quelque sien amy. Pauvres & mandiens entrans en la maison, & emportant quelque chose, soit qu'ils d'erobben ou qu'on leur donne, signifie grande adversité.

De la Clef.

La Clef veüe par songe, à celuy qui se vouloit marier, c'est signifiante de bonne chambriere. Elle est bonne à ceux qui veulent procurer & dispenser les affaires d'autrui.

Du Cuisinier.

Voir le cuisinier en la maison, c'est bon à ceux qui se veulent marier: car les nopces ne sont pas sans cuisinier: c'est bon aussi aux pauvres, car ils au-
ront

roit du bien & puissance de tenir bonne & longue table : aux malades , c'est inflammation & chaleur , larmes c'est aussi reuelement de secrets : car l'appareil du cuisinier se fait & se presente devant plusieurs.

De jeu des Eschets.

Songer de jouier aux Eschets , c'est gain par mensonge & deception. Voir autruy jouier c'est qu'il sera en perte par tromperie.

Du Boucher.

Les Laboureurs qui assomment, tuent, decoupent & destranchent bestes, & puis les vendent , c'est signifiante de danger , dommage , & de mort aux malades : c'est leur estat de trencher & vendre les bestes mortes : aux douteux , c'est plus grand doute : aux captifs & obligez , c'est issuë de leurs maux.

De l'Hostellier.

L'hostellier qui tient hostellerie publique c'est mort au malade : car il signifie la mort a cause qu'il reçoit toutes gens , aux autres c'est troublement.



grand danger & voyage. L'hostellerie signifie comme l'hostelier.

Estre gardé & detenu.

Estre gardé & detenu par quelqu'un, c'est empeschement d'affaires, & longueur de maladie au malade toutes fois à ceux qui sont bien bas & prest de la fin, c'est retour de santé & preminence: car la garde & conseruation represente vie qui sera prolongée: mais deliurance & dissolution, & perte c'est le contraire & mort. Entrer en prison & captiuité de liens, soit de gré soit de force, c'est grande maladie, ou forte fascherie. Les sergens & bourreaux, sont captiuitez, tristesses & reuelement de secrets au malfacteur.

Des veilles, ioyes & banquet qui se font de nuit.

Veilles & festinitez, nocturnes sont bonnes à ceux qui se veulent marier, & faire nopces, & à ceux qui quierent compagnies & alliances. Et aux pauures, c'est signe de biens, aux tristes & craintifs, fin de tristesse & crainte: car volontiers ne veillent pas toute la nuit.

en dantes & bonnes cheres de lieses
sinon ceux qui sont ioyeux, Aux pail-
lards & paillardes, c'est reuelement de
leurs affaires, aux riches & viuans
opulemment, c'est troublement & di-
vulgateion.

Des lieux d'assemblée.

Lieux de palais, de marché, theatre,
carrefours & grandes places en villes
& faux bourgs Eglises, ce sont trou-
blemens, & confusions, à cause de la
multitude de gens qui s'assemblient es-
dits lieux & places. Marché rem-
ply de biens & de gens est bon à
ceux qui traffiquent: mais desert c'est
le contraire.

Des statues.

Statues d'arain bien gardez, venent
mourir par songes c'est richesses & re-
uenue, toutes fois trop grandes à mer-
ueilles & mouuantes sont grandes ter-
reurs & perils pour ce qu'on ne les
poueroit voir sans frayeur. Les sta-
tuës aussi representent magistrats &
gouuerneurs de villes dont ce qu'elles
seront ou diront aduiendra ausdites
personnes.

La Taupé signifie l'homme aveugl é par inconuenient, & labeur en vain, & que celuy qui veut estre secret fera decelé par soy mesme.

Des Oyseaux de nuit.

Chouëtte, chahuan, butor, chauefouris & toute entreprise, & auancement d'affaires, mais tollir les craintes & terreurs. La seule chauefouris est bonne aux femmes enceinte: car elle ne fait point d'œufs comme tous autres oyseaux, mais des petits & porte le laict dont elles les nourrit. Si ces oyseaux sont vus par songe entrer en maison pour y habiter, c'est que la maison sera deserte, & delaissee des habitans. Celuy qui va par mer ou par terre, & voir en songe aucun de ces oyseaux, il tombera en grande tempeste, ou entre les mains des brigans.

De l'Horloge.

L'horloge signifie actions, mouuemens operations, machinations & surprises en choses ne cessaires. Si l'hor-

loge tombe, ou se rompt, c'est mal & grand danger, mesme aux malades.

Toufiours seroit bien le meilleur de contenter les heures deuant midy que celles d'apres.

*Conclusion de l'Auteur sur
le tiers liure.*

Voila donc suffisamment comme ie pense, ce qui defailloit que i'ay compris au tiers liure, & qui n'estoit point consonnant de remettre & adiouster aux deux premiers. Pour ce i'en ay aymé mieux faire vn liure à part, & n'ay voulu obmettre les choses y contenües, afin de ne laisser occasion à nul d'en escrire & adiouster. Mais l'on doit bien scauoir qu'il n'est rien plus fascheux & difficile que d'entendre la diuersité, & commune composition & mixtion de songes, & d'en faire à tous reigle generale, attendu que quelques fois, & souuent l'on voit par mesme songe & temps, de iour ou nuict choses contraires entre elles, & n'ayant ressemblance & conuenance. Or est il impossible que les choses fi-


gnifiées par mesmes songes, soient différentes & repugnantes enuers elles, si les songes predissent les choses à venir. Mais comme en toutes autres choses y a ordre & certaine dependance, ainsi est vray semblable qu'il advient aux songes. Quand donc aucun aura veu par mesme songe choses bonnes & mauuaises adonc faut penser lesquelles premieres, & lesquelles dernieres car aux affaires de ce monde, quelques fois aussi la grande occasion d'esperoir a eu mauuaise issue, & au contraire, quelque-fois doute & crainte ont eu bonne issue. Et pour les grands maux qu'on attendoit on en a eu de petits. Et pour petite esperance de bien l'on n'a eu rien. Ainsi donc les songes mixtes & composez (certes sont douteux) & ne se peüent pas entendre ny exposer facilement, ce qui est grief à plusieurs. Or i'ay escrit avec ordre, & le mieux que i'ay peu, le plus familiarement, afin que chacun print vaye facile en l'exposition des songes. Et comme les maistres d'écolle apresqu'ils ont

enseigné aux enfans la cognoissance & propriété de chaque lettre en particulier de là en ayant les enseignent comme il faut verser de toutes ensemble aussi ie veux donner certains petits enseignemens faciles, & les adiouter à ce qui a esté dit par mes trois liures précédens: afin qu'il soit plus facile de les entendre & apprendre: car à ceux qui ont experience & long usage, le propos sera facile, & qui seul suffira d'enseigner toutes les choses comment elles signifieront. Or sus donc au premier liure nous auons dit que la teste signifie le pere de celuy qui songe. Et au second que le Lyon, le Roy ou la maladie. Et au chapitre de la mort, que c'est bon aux pauures songer de mourir. Quand donc quelque homme pauvre (ayant son pere riche) songe que le Lyon vient à arracher & deuorer ou rauer la teste, & que ledit pauvre homme en demeure mort, & sans teste en songeant c'est vray semblable que son pere mourra, & le fera son heritier. Et par cemoi sera hors de sa langleur de pauuete.

& deuiendra riche, attendu que ny pere ne la pauureté ne la domineront & opprimeront plus: car en ce songe la teste la mort & priuation du pere. Le Lyon la maladie dont le pere mourra. Et la mort à ce pauvre homme changement d'estat, que par la richesse pauureté sera chassée. En telle sorte se faut conduire à l'interpretation de tous les songes diuers mixte, si que de chacun chapitre & propos recueillis ensemble, l'on n'eface qu'une exposition, cōme vne mixtion & composition de medecine, qui se fait de plusieurs herbes & racines. Or pour la fin ie desire auoir (lecteurs debonnaires) & qui desirēt de bon vouloir lire mes liures, & ne les accuser, ou blasmer, auant qu'ils les ayent diligemment leuz & entendus, autrement i'oseray affermer avec serment & iurement: que ces miens liures ne se permettront point estre reiettez ny de laissez des mauuais & des propos de ceux qu'ils rencontre studieux, diligens & benins.

Fin de l'Epitome du troisieme liure.

EPITOME



EPITOME DV QVATRIESME LIVRE D'ARTEMIDORE.

De la variété & diuersité des Songes.



Veuns Songes sont speculatifs : c'est à dire, qui adviennent en la me^{me} me façon que l'esprit, les a veus & speculez. (s'il faut ainsi parler) quand le corps repose : autres en a il qui sont allegoriques, c'est à dire, qui demonstrent sous autres choses, ce qu'ils veulent signifier, & sont les plus difficiles à interpreter, mesme aduiendront comme l'esprit les a representees, ou bien quelqu'autre cas entendu sous icelles.

P

Or donc premierement faut entendre que l'effect des songes speculatifs aduient (s'il doit aduenir car tous songes n'apporment pas effect) tout incessamment, ou bien tost : mais l'effect des songes allegoriques se demontre dans quelque temps, soit loing, soit bref, comme d'un iour ou deux, aussi feroit fortement fait de penser que les choses monstrueuses & impossible aduinssent, comme l'on les auroit veues en dormant. Et faut noter que les artisans representant leur art entre ceux qui sont de mesme art, comme l'Aduocat qui songea qu'un autre Aduocat estoit maladie, fut long temps sans demener causes, & le ferrurier qui songea qu'il voyoit porter en terre l'autre ferrurier son voisin, delaisa sa boutique, & la ville mesme ou il tenoit : mais à parler d'autre Appollonide chirurgien songea que soy combatant au ieu de l'escrime il en naura plusieurs : & par sa chirurgie il en guarit plusieurs, & eut bonne pratique, aussi l'intention des escrimeurs est de faire

playes: mais non pas de tuer, & le semblable fait le chirurgien, le malade songeant voir des pains prest à mettre au four bien que les fruiets de cerizes soient tousiours bons, celuy toutes fois luy signifie grande fièvre à venir, à cause que iceux pains doiuent estre eschauffez & cuits au four. A celuy qui se veut marier, ou qui veut faire aliance & compagnie ou societé, c'est meilleur songer de qui desire de s'aduançer & paruenir, est meilleur songer donner que prendre quelque bien, s'il ne le prenoit des plus apparens personages.

Des barbes.

Songer voir toutes sortes de barbes qui se peuvent plier, trousser porter, mesmement és hottes, paniers, corbeilles, soient chaisnes carquans bagues & ioyaux signifie bien à ceux qui veulent ou se marier, ou faire quelque aliance autre, mais c'est le contraire à ceux qui veulent faire voyages, courir ou fuyr ou qui sont en crainte d'estre surpris, faut toutes - fois excepter

ceux qui veulent autrui surprendre,
& vser de quelque fraude & finesse.

De rencontrer gens.

Songer de rencontrer ou de voir des gens, soyent hommes, soyent femmes, si ce sont gens qui nous aiment ou ont aymé, & qui nous font ou ont fait du bien & qui n'ont eu enuie de nous ains que bien nous veulent, : soit qu'ils soient morts, ce songe est bon : car ceux que l'esprit voit ou rencontre en dormant, ce sont les especes & images des choses, & affaires à venir, dont les morts signifient les bones, & les ennemis ou contraire les mauuaises.

De l'estat & fortune premiere.

Si l'homme detenu après auoir esté, riche, songe qu'il a les terres & possessions qu'il auoit auparauant, & gens aussi que lors il auoit, soient avec luy en la maison ou ses commis, mettrayers ou grangers qu'il a en ses biens sur les champs, le songe est bon, car il signifie que sa bonne fortune luy retournera & au contraire, si l'homme à present riche songe voir & auoir les

choses qu'il auoit, lors qu'il estoit pauvre, cela luy predict retour de sa pauureté, & de son mal'heur aduenir.

*Pour iuger que celui que pensons
nostre ennemy est amy &
au contraire.*

Les gens de recreation, ou ayment de ceux qui les voyent par songe, ou qui ayment iceux, & leur portent quelque honneur & faueur, bien qu'ils n'oyent pas grande cognoissance & familiarité ensemble, signifient temps prospere & iours de recreation à venir & au contraire signifient ceux qui veus par songe haïssent la personne qui les voit, bien qu'il ignore leur inimitié & mauvais vouloir. Ainsi donc lors que tu auras veu en songeant quelque personnage que tu estime ton amy, & que le iour du lendemain il ne sera pas prospere ny ioyeux, alors tu pourras iuger qu'il ne te porte pas amitié ains qu'il est feint & dissimulé, & au contraire, si tu vois quelqu'un que tu pense estre ton ennemy, & que le len-

demain il te soit ioyeux & prospere,
adonc estime que c'est à tort que tu le
iuge ton ennemy, & que tu luy dois
porter mauuais œil ou mauuais cœur.

De voir ou rencontrer les artisans,

ou quelque fille ou

femme de ioye.

Quelques artisans que l'on songera
voir ou rencontrer, ont mesme effect
auoir aussi voir leurs boutiques, il
faut toutes-fois excepté la putain, car
songer de la voir ou rencontrer, est si-
gne de ioye & n'est mauuais songe,
mais voir le bordeau ou maison on se
tient la paillardie, est songer tristesse &
malheur, pource que c'est vn lieu pu-
blic & plain de troublement.

De voir des enfans en adolescences,

c'est à dire de moyen en aage.

ou des vieillards.

Entre les petits enfans le meilleur est
de s'ogier voir des garçons que des filles.
Toutes-fois tous les deux emportent
quelque soucy & solitude, parce que
sur les enfans il te faut songer. Les
petits enfans, ou autres ieunes gens &

de moyen aage, veu par songe, font icy-
luy meilleur, qui ne seroit de veoir
vieilles gens: toutes-fois si celuy qui
songe estoit en quelque affaire de pro-
duire ou receuoir tesmoings, & d'estre
pris & receu à serment, & qu'il desi-
rast que l'on adioustast foy à ses dits
ou escrits, le meilleur seroit pour luy,
de songer de voir des gens d'un aage
moyen, ou des vieillards: pourueu aussi
qu'icelx vieillards ne fissent quelque
acte de radotement & de mauuaise
grace vieillarde.

*Des Arbres ou Plantes tost ou tard
prouenances, Et aussi
des animaux.*

Entre les arbres ou plantes tardiuës
le chesne, l'Oliuier & le Cypre, & au-
tres semblables. Pareillement l'Ele-
phant, la Corneille, le Cerf, & leurs
semblables, signifient les biens ou
maux tardifs à venir, selon la dispo-
sition & difference qualité que l'on les
voit: mais les arbres ou plantes qui tost
s'aduacent, comme la vigne & le Poi-
cher. Et des bestes le porc & ses fem-

156 *Artemidore des songes*
blables, signifient au contraire bien-
tost aduenir, ou les maux ou les biens.

*Des murs, fondemens &
vieux arbres.*

Toutes choses solides & fermes, com-
me murs, fondemens & vieux, arbres,
& estoffes de fer & d'aymant sont si-
gnificatiues de seureté à ceux qui sont
en doute & crainte, pourueu que l'on
soit enfermé en iceux.

Des Chariots.

Les Chariots qui ne sont receus en
vsage, comme de songer conduire cha-
riot tiré ou charié par loups, Liepards,
Chiens & autres semblables bestes, ce-
la est bon seulement à ceux qui crai-
gnent de grands ennemis, parce que
telles bestes mises entre les limons sont
subiectes au chartier: mais songer d'e-
stre porté par des hommes, est la n au-
si seulement à ceux qui veulent com-
mander & estre obeys. Aux autres ce-
la signifie diffamation & dommage.

De flatterie.

Songer de flatter n'est pas bon qu'a

choses que l'on a de coustume, est bon. Acheter ce qui est seulement pour le viure & pour la sustentation, est fort bon aux pauvres, mais aux riches & opulens, signifie despences & grands fraiz.

D'acquérir.

Songer d'acquérir & amasser des biens & mesme force beau mesnage & bien en ordre, & beaucoup ou aucunement mieux que ce que nous auions auparavant, est bon : mais non pas tres-excellemment par dessus nostre estat & qualité, car cela feroit hors de raison & signifieroit plustost dommage.

De pauuresé.

Songer estre en necessité ou pauuresé, ne signifie aucun bien à personne, mesmement ce songe n'apporte rien, ains signifie fortune contraire à ceux qui font profit par leur langue & beau parler.

*Des songes que l'on songe aduenir
aux petits enfans outre
leur aage.*

Songer aduenir aux petits enfans

choses que l'on a de coustume, est bon.
 Acheter ce qui est seulement pour le
 viure & pour la subſtentation, est fort
 bon aux pauvres : mais aux riches &
 opulens, ſignifie deſpences & grands
 fraiz.

D'acquérir.

Songer d'acquérir & amasser des biens
 & meſme force beau meſnage & bien
 en ordre, & beaucoup ou aucunement
 mieux que ce que nous auions aupara-
 uant, est bon : mais non pas tres excel-
 lemment par deſſus noſtre eſtat & qua-
 lité, car cela ſeroit hors de raiſon &
 ſignifieroit pluſtoſt dommage.

De pauvreté.

Songer eſtre en neceſſité ou pauvreté
 ne ſignifie aucun bien à perſonne, meſ-
 mement ce ſonge n'apporte rien, ains
 ſignifie fortune contraire à ceux qui
 ſont profit par leur langue & beau
 parler.

*Des choses que l'on ſonge aduenir aux
 petits enfans outre leur age.*

Songer aduenir aux petits enfans.

ce qui n'est propre à leur aage , n'est pas bon. comme songer que les enfans masles auroient barbe & cheveux gris: & aux petites filles , qu'elles seroient mariées & feroient des enfans , ce qui leur signifie la mort prochaine. Toutes-fois songer que les petits enfans parlent bien, est bon, parce que c'est le propre à l'homme & femme de parler. Or quant est des autres choses aduenans outre l'aage en ceux qui ne sont plus petits enfans , cela a esté déclaré au premier liure , au chapitre d'altercation ou changemens. Songes qui sont de generation d'enfans ou de nopces, predisent que nos enfans estans en pays estrange , retourneront & mesme la femme & les enfans, si d'aventure on nous les auroit tolluz & emmenez. Cella mesme est signifié, si l'on songe labourer la terre, & y semer du bled.

Que ce qui est signifié par une chose, est aussi quelque fois significatif de la mesme chose.

Les yeux signifient & representent

les enfans: pource est il qu'une certaine femme ayant songé qu'elle auoit mal aux yeux, veit les enfans malades. Et une autre femme songea que les enfans estoient malades & elle eut mal aux yeux.

De vomir.

Tout vomissement, soit de sang, de viande ou de flegmes, aux pauvres gens qui le songent signifie profit, & aux riches dommage: car ceux là certes, ne pourroient rien prendre s'ils ne l'auoient premierement, & ceux cy ayant desia du bien, ils le vindront à prendre.

*De voir ou faire souuent de
mesmes songes.*

Souuent voir mesmes songes, & par plusieurs nuicts s'entresuiuantes de pres, c'est que nostre esprit nous admoneste ou predict affectionnement une mesme chose & digne d'y penser, car quand nous auons grande affection à quelque chose, nous ne nous pouons tenir d'y penser & aussi d'en parler: mais si les mesmes songes sont veuz

avec long espace de temps entre deux, ils ne doiuent pas tousiours signifier mesme chose, ains diuise selon le changement du tēps & des affaires ne plus ne moins que si plusieurs auoient songé vn mesme songe, il ne signifieroit à tous egallement, mais plustost diuersement, selon le diuers estat & qualité de gens, & de leurs differences affaires. A ce propos vn vendeur de senteurs & parfuns songea qu'il auoit perdu le nez, & il perdit sa marchandise, & n'en vendit plus, car il auoit songé qu'il auoit perdu le nez, par lequel on iuge des odeurs. Long temps apres, & n'estant plus vendeur de parfuns, il songea ce mesme songe qu'il n'auoit point de nez : & il fut accusé de fausseté, & s'en alla fugitif hors de son pays : car c'est vne chose bien laide & deshonorable d'auoir perdu le nez, qui est au plus apparent lieu de la face, & pource dit Vigile.

*Et trenncas in honesto vulnere
nares.*

Iceluy mesme parfumeur estant quel-

que temps apres malade, songea encor qu'il n'auoit point de nez, & il mau-
rut, car aussi les testes des morts n'ont
point de nez. Ainsi vn mesme songe en
vn homme par trois diuerses fois, si-
gnifia diuersement: à sçauoir premie-
rement la perte de sa marchandise, se-
condement la perte de son honneur, &
tiercement la perte de sa vie.

Des Vâsents, Vaisseaux & Instrumens.

Tout vaisseau & instrument, signifie
l'art ou mestier dont l'on en vse, ou
bien ce que dedans l'on a de coustume
y mettre, comme les tonneaux signi-
fient vin ou huyle, monceaux de bled
ou d'orge, ou autre chose à peu près
ou à l'equipolent, qui seroit en vsage.
Les outils ou instrumens à ce propos,
signifient les amis: les vents, les pa-
rens, la victuaille & prouision, signi-
fie le bon ménager ou maistre d'hostes-
les, coffres & Cabinets, les femmes &
les œconomes. Or de tout il faut iuger
avec esgard aux circonstances. Comme
quelqu'un ayant l'ordre de Chevalier,
& postulant, charge de conduire gens

en geurre , songea qu'estant appelé par quelqu'un , il seroit de la maison en laquelle il estoit, & ayant descendu deux degrez , luy fut avis que celuy qui l'auoit appelé luy bailloit vne couronne d'Oliue , telle que les Cheualiers Romains portoient és pompes. Apres ce songe il fut fort joyeux , & pareillement tous ceux qui estoient de sa compagnie auoient bonne esperance par ce songe qu'il obtiendrait sa requeste, mais non fit , la raison : c'est qu'il receuoit la Couronne, non pas en montant les degrez , mais en descendant, car montant signifie auancement , & descendre au contraire. Toutes fois ce songe luy signifioit autre chose, c'est à sçauoir qu'il se marieroit & épouserait vne fille, car la couronne estoit de branches liées , il ne faut donc pas que celuy qui expose les songes, s'arreste à vne seule chose : mais faut qu'il entende la disposition & deduction d'iceux , car ceux qui auoient iugé de ce songe par la seule couronne sans auoir égard à la décente , ont esté tous trompez en leur iugement.

Tous ceux qui font d'un parentage, mesme les enfans representez par songe, ayans ou faisans quelque choses, signifient faire ou advenir quelque cas approchant ausdites choses, à quiconque soit de la parenté. Comme cecy : vn homme songea que sa fille estoit deuenue bossue & la sœur du songeur mourut. Et non sans propos, car il auoit ceste prochaine parenté non saine, & en bref elle trespassa.

Des choses qui nous environnent.

Toutes les choses qui nous environnent ou nous recoiuent, ont mesme consideration : comme quelqu'un songea qu'il estoit vestu d'une robe de bois : ou il navigoit & sa nauigation ou voyage fut tardive : car la robe de bois empeschante representoit la navire. Vn autre songea qu'il auoit perdu la couuerture de sa maison : & il perdit ses habillemens.

Vn marinier songea voir vne muraille qui se rompoit, & les pans ou costez de sa navire furent rompus.

Aussi

toutes telles choses se peuuent rapporter au corps : & pourtant non sans propos, vn qui songea que sa robbe estoit rompuë & déchirée, fut navré en son corps, & en ce mesme endroit ou il auoit songé qu'estoit la cassure de sa robbe : car comme sa robbe monstroir l'estuy de son ame. Au cas pareil les seruiteurs outre les autres choses qu'ils peuuent signifier, representent le corps de leur maistre. Pource est il qu'un maistre qui auoit songé voir son seruiteur malade, fut luy-mesme malade de la fièvre : car aussi le corps est comme seruiteur de l'ame qui voyoit ce songe.

Vn autre songea qu'il auoit pied de cheval, & fut fait Chevalier & homme d'armes : car comme ses pieds le portoient, ainsi le cheual le deuoit porter.

Qui songera que le Roy luy donnera de sa bouche quelque cas, signifie Sentence ou Arrest à venir au profit de celuy qui songe.

Poëtes tragique, ayant à exercer son art, & contraindre pour iceluy avec d'autres Poëtes tragiques, à Rome songoit qu'il tuoit les spectateurs & ceux qui estoient deputez & commis pour en iuger & ses amis, il perdit l'honneur & fut vaincu en ceste contention de son art : car l'on n'a pas de coustume d'occire de ses amis, mais bien ses ennemis.

Ainsi son songe sembla luy predire que les Iuges & spectateurs luy seroient contraites & comme ennemis, & puis encores estant tuez ne luy pourroient ayder.

Du Foyer.

Songer de bastir un foyer en pays estrange, à celuy qui n'en est en propos estrange de marier, ou d'aller habiter en pays estranger, signifie mort.

Des songes doubles. & composez & des robbes immobiliers de couleurs.

Il faut diuiser ou separer les Songes, selon leur parties diuerses, & separer.

ment les discuter & interpreter. Comme pour exemple : quelqu'un songea qu'il navigoit en galere ou navire sur la mer. Et puis apres estant sorti de leans, il songea qu'il cheminoit sur la mer. Quand est de la premiere partie de ce songe, tu en trouueras raison & exposition au second livre precedent. Et quand est de la seconde partie, qui est de cheminer sur la mer, tu auras recours au tiers livre, pour scauoir que cela signifie. Songer vestir robes immobiles, n'est pas bon & signifie empeschement ou mort. Les choses semblables de couleur, ont même signification. Quelqu'un songea que l'on luy auoit donné vn More, & le lendemain on luy donna vn tonneau plein de charbon.

Vne femme songea qu'elle auoit acheué sa toille, & tost apres elle mourut.

*De couvrir, oindre ou farder
son visage.*

Ny cacher, u'y oindre ou farder sa face, de quelque chose que ce soit,

n'est aucunement bon songe, car cela signifie quelque coulpe, crime ou forfait, sur celuy qui auroit fait tel songe, & pour exemple. vn ieune homme de Phaos songea qu'il fardoit son visage à la mode des femmes qu'en aduint-il? Il fut surprins en paillardise & adultere, & estant condamné, encores puis apres il se gouerna mal. Les choses qui sont bonnes à vn vlsage, & l'on songe de les employer en vn autre ne sont pas bonnes: c'est à dire, ne signifient rien de bon à celuy qui songe, comme vn tauernier de Candie songa qu'il se lauait le corps de vin & quelqu vn de ceux qui estoiet les plus en bruit d'interpreter les songes, luy exposa qu'il feroit profit en vin & qu'il leueroit ses debtes, desquelles il estoit obligé: mais tout le contraire aduint, car son vin fut corrompu, tourné & gasté.

De changement en mieux

d'estre crucifié.

Songer d'estre changé & transformé en meilleur estat, est bon à gens riches, quand mesmement ils songeroient

estre tranfmuez en Dieux, pourueu toutes fois que les circonftances ne foient point defruftueufes. Comme quoy? Quelqu'un songea qu'il eftoit transforme en Soleil, & qu'ayant onze rayons, il paffoit par la grand place de la ville, & qu'en aduint-il? il fut fait capitaine de ville, & onze mois apres en l'eftat de capitaine il trespaffa.

Songer d'estre crucifié, fignifie grand gloire, honneur & richeffe: car celuy qui eft crucifié, eft plus haut efleué que les autres. Menandre songea qu'il eftoit crucifié en Grace deuant le temple de la ville de Diospolis, & il fut fait chef dudit temple, ou il acquit honneur & biens.

Des amis ennemis.

Songer voir les amis ou ennemis conuerfer & eftre afféblez, fignifie inimitié enuers celuy qui songe. Helaine songea que quelques vns de fes amis, s'en alloient dehors enfemble avec aucun de fes ennemis, & elle tomba en diuorfe & inimitié avec fes propres a-

mis, mesmement pour certaines causes
& moyens qui ne touchoient en rien
ausdits ennemis.

*Des œuvres imparfaites ou à
demy faites.*

Songer les œuvres seulement à demy
faites, signifie mauuaise issue des af-
faires, & mesmement ne les commen-
cer pas seulement. Clix faisant requie-
ste au Roy d'auoir la succession de son
frere, songea qu'il tondroit vne brebis
iusques à la moitié du corps, & pre-
nant grand partie de toison, se refusa il-
la songeant qu'il ne pouuoit acheuer
de tondre le reste. Or apres auoir son-
gé cela il estoit qu'il auroit pour le
moins la moitié de l'heritage & succes-
sion de son frere, mais au contraire il
n'obtint & n'eust du tout rien.

Des Villes.

Songer de voir des villes, ou l'on a
hanté est meilleur que songer en voir
d'estrangeres, mesmement des villes
de son pays, ou celles ou l'on a eu
bonne fortune & toute prospe-
rité, & principalement est bon

biens & de marchandises, par lesquelles choses on cognoist l'honneur & richesses des Villes. Les parens aussi sont signifiez, c'est à dire le pere & la mere par les villes du pays d'où l'on est. Et pour exemple: vn homme songea que son pays & lieu de sa naissance estoit tombé & ruiné par vn tremblement de terre, & son pere fut condamné à mort & executé.

Sil est possible en mesme temps faire de bons & mauuais songes.

Non seulement en vne sepmaine, mais aussi en vne mesme nuit, l'on peut songer bons & mauuais songes, ie dy encores plus fort par vn seul songe l'on pent voir choses, & faut les separer en iugeant, & n'est pas chose de merueille, attendu que la vie & les affaires d'vn chacun sont telles, c'est assçauoir meslées ordinairement de bien & de mal, & en mesme temps l'on peut faire & souffrir ensemble bien & mal, ne se faut tousiours arrester à vne mesme issuë ou euenement de songe comme qui ne fortisse pas
tousiours

toufiours pareil. ff. & Enquoy s'abusa
quelques-fois Antipateur interpreta-
teur des songes : comme quelqu'un eut
songé qu'il embrassoit du fer, il luy ad-
vint d'estre reduit en seruage & de
viure en ses fers. Le bon Antipater in-
terpreta vn autre qui auoit fait vn pa-
reil songe qu'il seroit condamné au
combat particulier en champ clos, ou
à tenir le ieu d'escrime & viure aussi
entre, & par le fer, à sçauoir par l'exer-
cice & art d'escrimer, ou l'on ne fait
que trainer & manier les dagues & es-
pees de fer, auquel toutes fois sembla-
ble cas n'auint, ainseut cestuy cy vn
membre coupé. Parquoy ne faut tou-
fiours s'arrester à vn mesme point &
effet qui seroit advenu: car seroit à fai-
re à beste comme sont les menestriers
qui ne sçauent qu'une note) mais faut
estre ingenieux à inuenter toufiours
quelques choses, non du tout diuerses,
mais approchantes, car l'esprit & la
nature sont fertiles, & se rectent &
esbatent en verité & diuersité.

Que les freres signifient ennemis.

R

Les freres ont mesme signifiante que les ennemis entant que touche l'effet & euenement des Songes, & les ennemis au semblément pareil effet que les freres, & non sans propos: la raison est que les freres ne nous apportent rien quand ils naissent & viennent au monde, ains diminueront nostre heritage & succession paternelle, & font que ce qui seroit tout à nous, soit diuisé en plusieurs parts entre eux & nous. Timocrate songea qu'il ensepulturoit ou faisoit enterrer vn sien frere mort, & peu de temps apres luy mourut vn de ses aduersaires & ennemis. Et ne signifie pas tant seulement le trespas des freres, la perte des ennemis, ains aussi deliurance de quelque perte ou dommage que l'on attendoit, & dont l'on auoit douté, comme il aduint à Diocle Grand mairien, qui ne fit la perte d'argent, dont il se doutoit, & laquelle il craignoit ayant premierement songé qu'il voyoit son frere mort.

*Des banquets funebres , de reuiure
& monter au Ciel.*

N'y voir ny manger les viandes que l'on songe estre mises és festins de mortuaires , n'est bon en songe , ny meesmement songer faire tel conuiue ou festin à ses parens ou amis , car ce signifie ou predict au malade la mort de sa personne , & à celuy qui est en santé, le trespas de quelque sien familier. Songer de mourir : & tost apres reduire n'est pas mauvais , & signifie victoire. Les choses qu'on a de coustume offrir & presenter en oblation ou offrande aux trespassez , n'est pas bon songer de les leur bailler , ny de les prendre d'eux : car signifie la mort, ou à quelqu'un de ses parens. Toutes fois prendre viures , or , argent, habits & vases de la main des morts, soit le tout ensemble , soit à diuerses fois , est bon songe , & signe de profit : mais songer de monter au ciel à celuy qui est malade , signifie la mort pareillement songer estre en grande tranquillité, repos & felicite.

Toutes les choses qui ont de coustume auoir certain temps determiné, & sont veuës par songe se doiuent rapporter audit, & les autres qui n'ont aucun temps certain ny determinez, se doiuent aussi rapporter à temps non certain ny determiné, ou leur effet se doiuent monstrier. Et faut iuger du temps prochain ou lointain, selon les circonstances du Songe : car celuy seroit bien sot qui remettroit à vn an l'effect d'un songe d'un homme continué en peine, en grand crainte ou grand espoir. Et faut scauoir que les choses que l'on songe voir de plus loing, (comme feroit autour du Ciel) ont leur effet plus tardif, pour cause de la longue distance. D'auantage ne faut ignorer que les bons ny mauuais songes, signifient aussi aux grands & petits, plus grands ou plus petits biens ou maux.

Fin de l'Epitome du quatriesme liure.



EPITOME DV

CINQVIESME LIVRE.

D'ARTEMIDORE.

*Contenant certains exemples des songes,
avec leurs effets qui en sont ensuivis.*



N personnage songea
qu'il beuvoit de la
moutarde si claire &
bien broyée qu'elle
estoit beuvable, il ad-
vint que l'on luy
brassoit certaine accusation en cas de
crime, c'est à sçavoir d'homicide,
duquel fut si bien chargé & atteint,
qu'il en receut Sentence de mort, &
fut executé par Justice. Vn autre son-
gea que l'eau de Xanthe qui est pres de
Troye la grâde, estoit toute transmuée.

en sang, songe certes espouventable & merueilleux, qu'en aduint-il donc ? il iette le sang à diuerses fois par l'espace de dix ans, & ne mourut de cela, à quoy y il a apparence, parce que les grandes riuieres & de renom ne tarissent pas, ains tirent tousiours leur cours immortel.

Vn homme songea que son cousin, ou couste de li& estoit pleine de bled au lieu de plume. Il auoit femme qui iamais n'auoit fait enfans, & ceste année là fut enceinte & luy fit vn fils.

Vn autre songea qu'il allumoit sa chandelle à la Lune, & il deuint auetugle, car il songea chose impossible. D'auantage la Lune n'a point de lumiere d'elle mesme.

Vne femme songea qu'elle voyoit dedans la Lune tristes images ou ressemblances siennes, & elle enfanta trois filles, qui au bout du mois moururent : car aussi la Lune n'a qu'un mois de vie.

Vn homme songea qu'il voyoit son

image ou representation dans la Lune, & il fit voyages lointains, vagabond deçà & delà, par vn long-temps car le continuel changement de la Lune luy signifioit que souuent il changeroit de lieu & d'habitation.

Vn personnage songea qu'il auoit son membre viril de fer massif, & il eut puis apres vn fils, par lequel il fut occis, car aussi le fer par sa propre rouilleure se consume.

Vn homme songea qu'un Oliuier luy fortoit de la teste, & il suyuit l'estude de Philosophie, de grand courage, & y acquit science & honneur perdurable, car c'est vn arbre tousiours verd & solide, & de toute antiquité dedié à la Deesse Minerue, reputée Deesse de sapience.

Vn maistre songea que son seruiteur qu'il aymoît sur tous les autres, estoit transmué en vne torche ou flambeau, & il perdit la veüe, & fut mené & conduit par ledit seruiteur.

Vn seruiteur songea qu'il voyoit tomber du ciel vne Estoille, & en sortoit vne autre de la terre & monter au ciel. Son maistre trespassa & le fils de son maistre monta au lieu du pere.

Vn frere ayant sa sœur bien riche & malade, songea que deuant la porte de la maison d'icelle y estoit creu vn Figuier, dont il cuillit sept figues noires & les mangea: sa sœur trespassa au bout de sept iours, & luy fut heritier d'elle. Vn homme songea qu'il deuestoit sa peau & se renouelloit comme vn serpent, & le lendemain il mourut car l'ame qui deuoit en brief laisser le corps luy representoit telle vision en songe. Vn autre songea que son pere retiroit sa sœur mariée d'auec son mary, & la bailloit en mariage à vn autre aduint qu'il mourut tost apres: par le pere representoit Dieu le createur & pere celeste de nos ames: ceste sœur representoit l'ame de celuy qui songeoit: laquelle sœur estant separée d'auec son espoux & baillée à vn autre, vouloit

dire qu'elle seroit leparée de son corps
& viuroit & conuerferoit ailleurs:
comme ainsi soit que les ames de ceux
qui meurent ne font que changer de
lieu. Vn homme songea qu'il estoit
gros d'enfant, & qu'il enfantoit deux
filles noires, & il perdit les deux yeux,
ou la veuë d'iceux: car les deux paupie-
res qui couuroient les yeux luy tom-
berent. Vn fils estant loin de son pays,
songea que sa propre mere l'enfantoit
de rechef, il retourna en son pays, trou-
ua sa mere malade, & fut son he-
ritier par mort, & vouloit ce songe
luy dire & signifier cela à sçauoir
que sa mere, de pauureté il vien-
droit à richesse. Vn homme songea
qu'il mangeoit son pain trempé dans
du miel, & il appliqua son esprit
aux sciences & philosophie, & ac-
quit sapience, honneurs & biens:
le miel donc par ce songe luy si-
gnifioit la douceur de sapacience &
le pain opulence.

Vn autre songea que de son esto-
mach luy sortoient des espics de

182 *Artemidore des songes,*
bied, & que quelqu'un furuint qui le
luy arracha, il auoit deux fils qui tost
apres luy moururent.

Fin de l'Epitome du cinquième liure.





P E T I T
R E C E V I L
D V L I V R E D E
V A L E R E M A X I M E,
touchant les Songes.

*De l'Empereur Auguste & de
Calpurnie.*



Comme Artere, Medecin de l'Empereur Auguste, estant couché reposoit en son liect la nuit deuant que les armées des Romains, à sçauoir de l'ost d'Auguste & de Marc Anthoine, d'une part, & les bandes de Brute & Cassé, d'autre, deuoient auoir la bataille aux champs Philipiques.

Pallas se representa audict Medecin,
& luy commanda de dire à Auguste,
que nonobstant qu'il fust bien malade
ne laissast à se trouuer en la bataille.
Ce que entendant Auguste, s'y fit por-
ter en vne litiere & abandonna pour
la victoire, mais les gens de Brute
prindrent ses pauillons. Eiaçoit que
ledict Auguste eust deliberé de ne
bouger de sa tante pour sa maladie, ce
neantmoins par l'aduertissement du
dit Medecin s'en estoit ietté hors, par-
quoy sauua sa vie, car les soldats de
Brute ne faillirent à y entrer, & mi-
rent tout à sac, pensans qu'il reposast
dedans. Outre donc que ledit Empe-
reur fust subtil, prudent & aduisé en
tous ses affaires à l'exemple de son pe-
re adoptif & predecesseur Iule, encore
tout recent, l'induisit à obeyr au songe
de son medecin, car il auoit bien en-
tendu que Calpurnie, femme dudit
Iule Cesar, auoit veu en dormant la
derniere nuit que Iule fut sur terre,
comme iceluy estoit gisant entre ses
bras & en son sein nauré de plusieurs

playes, & comment pour l'horrible
songe elle l'auoit instamment prié de
ne se trouuer le iour ensuiuant à la
cour : mais luy afin qu'il ne fust veu
prester l'oreille au songe d'une femme,
ayma mieux aller au Seant, & se tran-
sporta au parlement, où il fut mis à
mort, mirablement nauré de plus de
vingt playes.

*De Publius Decius & Maule Tor-
quate, Consuls de Rome.*

La vision qui apparut en dormant en
vne mesme nuit à Publius Decius, &
Maule Torquate fut de grande admi-
ration, & diuine manifeste : Car lors
que ces deux Consuls planterent leur
camp pres du mont Vesune c'est à sca-
uoir quand les Latins laisserent le par-
ty des Romains, à vn des chacun deux
Consuls dormans, apparut vn hōme &
leur predict que d'une armée leur Ca-
pitaine deuoit estre tué, & que de
l'autre la gendarmerie deuoit estre
defaite : mais le chef de l'ost qui iroit
assaillir les bandes des ennemis, & se
voueroit à souffrir la mort pour les

gens auroit la victoire. Oyans ces nouvelles, & se ressentans de leur songe, firent lesdits Consuls vn pact ensemble que le costé de celuy qui premier seroit veu ployer sous le faix de la bataille, le Capitaine de ceste bande debilitée mettroit sa vie pour le pays, & combien que l'vn ny l'autre ne craignissent telle aduanture, toutes-fois la destinée tomba sur Dece, car ces bandes commencerent à perdre cœur, ce que luy voyant, se ietta au milieu de ses ennemis l'espée au poing, fut occis, ainsi eurent les Romains contre les Latins triomphante & desirée victoire, par la mort d'vn de leurs chefs de guerre, suiuant ce songe. *De Ciceron.*

Ciceron dechassé de Rome par la conspiration de ses ennemis, se retira en vn village, si luy fus illec aduis en dormant qu'en cheminant par les lieux de ers, rencontra le Consul Marc, avec ses fatalites, qui luy demanda pourquoy il estoit si triste, & à raison dequoy il tenoit les champs, & s'estoit ainsi transporté en chemin incogneu:

après auoir entendu les raisons & l'infortune dudit Cicerō, le print par la dextre, & donna à charge au principal de ses Officiers de le conduire iusques en sa sepulture, luy disant qu'en ce lieu pourroit auoir quelque ioyeuse nouvelle de la recouurance de son estat, & la chose aduint en telle sorte : car en la chappelle que Marc auoit faict bastir les Senateurs traicterent du retour de Ciceron, & fut ainsi conclud qu'il retournoit à pur & à plein, sans aucune charge ny des-honneur.

De Graius, Gracchus.

Comme Graius Gracchus dormoit, il songe auoir son frere Tibere, luy disant qu'il seroit tué comme iceluy mesme Tibere auoit esté : plusieurs ouyrent faire ce conte à Graius Gracchus, mesme auant qu'il eust l'office de Tribun du peuple, en laquelle il receut mort semblable à son dit frere.

D'Artere le Roux.

Comme quelqu'un faisoit tenir à Syracuse un ieu de pris : Artere le Roux Cheualier Romain songea la

nuiët de deuant, qu'un porteur de rets, ou pescheur le tuoit. Le iour d'apres se trouua au combat, & recita ce songe aux assistans, aduint incontinent apres, que pres du lieu ou estoit ledit Artere on vint introduire deux combats, dont l'un portoit en sa deuise vn poisson sur son heaume, quand Artere vint en face ce pescheur portant ce poisson, luy va dire. Je pensois ceste nuit que tu me tuoies, & pourtant ce vouloit, Artere retirer hors de là, doutant quelque cas de mauuais par ce songe, mais les combattans luy donnans parole d'asseurance, le mirent au hazard de mort. Car en ce mesme lieu le pescheur abbatit l'autre combatant, & en le pensant trauerser de son espee, le coup se destourna & vint trauerser le pauvre Artere, qui en ce poinët experimenta miserablement l'effect de son Songe.

D' Annibal de Carthage.

Annibal dormant eut vne telle vision qu'il luy sembloit voir vn ieune fils, beau comme vn Ange, qui luy estoit
envoyé

enuoyé du ciel, pour le conduire à assaillir l'Italie, puis apres se destournant vint vn tres-grand serpent qui par impetuosité & violence brisoit tout ce qu'il rencontroit, & apres luy venoit vne foudre & pluye impetueuse qui obscurcissoit le iour. Adonc Annibal tout effroyé demanda à ce beau ieune fils, que cas merueilleux estoit cela, & qu'il signifioit, & ce ieune fils respond: tu vois la ruyne d'Italie; pour ce ne sonne mot, & laisse faire du reste aux destinées. Il n'est ja besoin de clarer icy quelque maux. Annibal à fait en Italie apres & suyuant ce Songe.

D'Alexandre le grand.

O que bien auoit esté admonnesté Alexandre Roy de Macedone, en son dormir, qu'il print mieux garde à sa vie, si la fortune luy eust voulu promettre vser de conseil à euiter ce danger: car certes il cogneut par songes, auant que sentir par effet que la main de Cassandre luy estoit venimeuse & mortelle, & eut en pensée qu'il deuoit mourir par iceluy auant que l'auoir

ven : Depuis & quelque temps apres ce Songe , comme Cassandre vint en la Cour , & se presentaſt à luy , lors il eut remembrance de ſouuenir , en le regardant que telle eſtoit l'effigie pernicieuſe qu'il auoit veüe en dormant : toutes fois quand il ſceut que c'eſtoit le fils d'Antipatre , chassa toute crainte & ſoupçon de ſon courage , encores en recitant vn vers Grec qui dit qu'on ne doit prendre eſgard aux Songes , combien que (nonobſtant tout cela) le poison eſtoit ia preparée pour le faire mourir , & tient-on qu'il mourut par la meſme main de Caſſand.

Du Poëte Simonide.

Les diſtinés furent bien plus fauorables au Poëte Simonide qu'au grand Roy Alexandre , qui diuinement l'aduertirent & conſeillerent en dormant , puis à ſon reueil s'arresta à tel aduertiffement. Car comme la nauire où il eſtoit , fut venu à quelque port , & illec eut trouué vn corps d'homme mort , ſans ſepulture , & par pitié l'eult enterre , la nuit enſuyuant ſongea

qu'il voyoit celuy qu'il auoit ense-
uely, luy disant que le iour d'apres il
ne se mist sur mer, parquoy il demeu-
ra en terre, & ses compagnons voulans
faire voyage furent en sa presence
tous peris par tempeste & tourmente
de mer. Ainsi il eut grande ioye d'a-
uoir plustost en fiance en vn songe, en
cas de sa vie, qu'a vn nauire, puis en
reconoissant ce bien facteur immor-
tel par vers elegans, luy bastissant vn
trop meilleur sepulchre & de plus de
durée, en la memoire des hommes,
que celuy qu'il luy auoit basty &
dressé entre les sablons de la mer, au
lieu desert & incogneu.

Du Roy Cresus.

Le songe qui premierement mit en
très-grand crainte l'esprit du Roy
Cresus, & qui mallement le coudui-
sit en tristesse & force fut certes, mer-
ueilleux & de grande force efficace.
Car de deux fils qu'il auoit le pl^s aigre
& plus doué de perfection de corps &
qui deuoit auoir la couronne apresluy, il

songea qu'il estoit mort de glaiue par-
quoy pour empeschier & diuertir l'ai-
greur de ce malheur, ce bon pere ne-
cessa d'y donner ordre par tous mo-
yens. Ce ieune prince nommé Aris,
auoit au parauant accoustumé d'aller
en guerre, son pere luy fit garder la
maison : il auoit vne chambre garnie
de tous bastons de guerre, son pere les
luy fit tous oster, il auoit sa garde bien
armée & embastonnée, son pere com-
manda qu'elle n'approchast de luy. Et
nonobstant tout celles destinées luy
donnerent entrée de plainte & dueil.
Car comme vn grand sanglier gastast
beaucoup de terre sur le mont olympe
& mit à mort beaucoup de gens du
pays, voicy les payfans qui s'assem-
blerent & vont au secours vers le Roy
Crese. Adonc Aris fit tant enuers son
pere qu'il y fut enuoyé, y consentant
mesme d'autant plus facilement, com-
me le Sanglier ne porte point de fer,
mais la dent, & qu'il craignoit le fer-
rement & non la dent, mais qu'aduint
il. Voicy comme chacun estoit ardant

& eschauffé apres ce sanglier pour le tuer, alors fortune ineuitable qui impetueusement persistoit à la malauenture de ce ieune Prince, destourna sur luy vn espieu qui estoit lancé contre la beste, ainsi mourut-il miserable, & ne peut euitter l'effect du songe paternel.

*Du Roy Astyage, & de Cyre
premier du nom.*

Le Roy de Medes Astyage, ayeul mortel de Cyre, fit deux songes : le premier c'est qu'il voyoit que sa fille madame, couuroit de son vrine toutes les regions Asiaticques, pour cause dequoy on ne la maria pas à aucun grãd personnage du pays, ce que le royaume ne tombast ou paruint à elle, ou aux siens, car il se doutoit de cela ains la donna en mariage à vn homme de moyen estat du pays de Perse. Le second, c'est qu'il voyoit sortir de la nature de sadicte fille vne vigne qui ombrageoit par croissance continuelle toutes les parties de son domaine, & pourtant commanda que Cyre qui estoit nay

d'icelle fut deietté & exposé aux bestes pour le laisser mourir: mais il se trompa luy mesme par son conseil & prudence humaine, cuidant empescher la felicité & honneur de son petit fils que les cieux luy gardoient comme le songe auoit persigné.

D'Amilcar.

Amilcar Colonel des Carthaginois, assiegeant Saragouze, ville de Sicile, en songeant luy sembla ouyr vne voix qui luy disoit que le prochain iour il souperoit en ladicte ville. Luy de ceste nouuelle bien ioyeux, pensa que Dieu luy promettoit la victoire, si mit son camp en armes, & en pansant donner l'assaut & prendre la ville vne disension se mit en son camp, entre les Carthaginois & Siciliens, si que ceux de la ville faisant vne soudaine faillie, le prindrent prisonnier & l'emmenèrent par force soupper en leur ville. Ainsi donc plus trompé de son espoir que de songe, souppa en ladite ville comme captif, non comme vainqueur ainsi qu'il esperoit, & que son affection.

lè conduissoit.

D' Alcibiade.

Alcibiade songa qu'il estoit conuert de la robe de son amie, mais ce fut à la mal-heure : car de la mesme robe qu'il auoit songée, elle le couurit apres qu'il eut esté occis par les gens de Farabaze, à l'apetit de Lyfandre.

De deux Arcadiens.

Iàçoit que ce songe suyuant soit plus long à reciter que le precedent, si est-il bien digne d'estre mis en memoire pour son euidence & certitude. Deux amys d'Archade faisans chemin ensemble vindrent en la ville de Megare, l'un d'iceux se retira en maison de cognoissance, l'autre alla loger en vne tauerne: le premier songea la nuit que l'autre le prioit le venit secourir à l'encontre de la trahison de son hôte, & que s'il se depeschoit d'y courir, il le pourroit deliurer du grâd dâger où il estoit apres ceste vision il se leue, & semet en voye pour aller à icelle hostellerie: puis

par vn malheur se vint à repentir de son propos, pensant que c'estoit chose vaine d'entrepren dre d'aller ainsi de nuict à ladite tauerne si s'en retourne à son liect & recommence à songer de plus belle, aduis luy fut que son compaignon estoit nauré à mort par ledict hoste, prioit que bien qu'il eust esté nonchalant de le secourir en sa vie, à tout le moins qu'il ne luy refusast la vengeance de sa mort, luy declarant que son corps meurdry par son hoste, estoit à l'heure mesme mené à la porte de la ville couuert du fumier dans vne charrette. Adonc se leue le pauvre homme tât pressé par les prieres de son amy, & s'en vient à la porte de la ville, si trouua la charrette qu'il auoit veüe en dormant, & l'arreste: puis met la main sur le collet du tauernier, & le meinc en iustice, & le cas de crime aueré, fut ledict tauernier executé par sentence de mort.

Fin du recueil de Valere Maxime.

AUGVSTINVS



AVGVSTINVS NIPHVS
DES AVGVRES OV
Divinations.

*Traduit par M. Anchoine du Moulin
Mascannois.*

*A M MISTRE NOEL ALBERT
Lyonnois, Valet de Chambre de la
Reine de Navarre, Anchoine du Mou-
lin, SALVT.*




En ne doute point que plu-
sieurs gens aujourd'huy
plus prompts à reprendre
qu'à entreprendre, se
mocqueront de ceste tra-
duction, l'estimant plustost curiosité
qu'autrement : mais nonobstant sça-
chent que si tu es studieux des choses

T

non seulement és affaires, particulieres
 mais aussi publiques, c'est à sçauoir
 en election & administration des Ma-
 gistrats, Royaumes, & principautez,
 ce qui se peut prouuer facilement par
 l'Empire des Romains, le plus grand
 & plus renommé qui fut oncques, &
 qui a pris son commencement par Au-
 gures, ayant son premier Roy & gou-
 verneur tres sçauant en l'art d'augure.
 Nous lisons que Deiotarius Roy de
 Sicile, ne faisoit ne entreprenoit rien
 sans Augures. Varro a escrit que
 Vectius, homme tres expert en cét art,
 afferma que dans douze ans l'Empire
 des Romains prendroit fin. Et vn au-
 tre predict aux Grecs qu'ils seroient
 neuf ans campez deuant Troyes, & le
 dixiesme an s'en retourneroient avec
 victoire. Puis nous lisons qu'Asca-
 nius, apres auoir prins son augure,
 combatit & vainquit Mezentius.
 Lesquelles choses on cognoit estre
 aduenües, & autres infinies que
 ie ne veux presentement reciter,
 seulement me suffira de t'auoir

auerty, si tu ne le sçay mieux que moy
 que ceste science est tres-antique, pre-
 mierement venue des Caldées aux
 Grecs, d'iceux aux Hetrusques, & puis
 aux Romains. Et plusieurs autres na-
 tions l'ont receu, comme Troyens, Pi-
 sides & Arabes, mesmes és histoires
 Galicannes, ie treuve que les François
 de leur premiere origine en ont esté
 studieux, & par icelle font gouver-
 nez, changé de lieu, & maintenant
 fors és affaires qu'ils ont eu contre les
 Germains & Romains, du temps qu'ils
 sont descendus de Hongrie en Alle-
 magne, & de la en Picardie. Par ainsy
 ne sera pas nouueauté, mesmes à
 nous François de voir & receuoir ce
 petit liure que ie te donne.



AVGVSTINVS NIPHV
DES AVGVRES OV
Divinations.



Vant que nous par-
 lion de la chose la-
 quelle nous signifie la
 diuination en Augure,
 ie veux declarer que
 c'est que les anciens
 ont entendu par ce mor Augure &
 comme c'est que le prenoas en dis-
 putation.

Augure donc est quelque diuina-
 tion, laquelle est prinse des oyseaux.

Diuination, comme dit Aristote, est
 diuisee en deux especes, dont l'une est
 naturelle, l'autre artificielle.

La naturelle diuination est, l'oyseau
 le quel selon son vol, ou chant, ou man-
 ger nous vient au deuant soudaine-

T. iij.

ment & d'aventure sans y penser, qui de sa nature nous signifie advenir quelque chose bonne ou mauvaise, & de ceste naturelle divination parle Virgile quand il dit:

*Que si se m'eust esté dessus le chesne
creux*

*Corneille instruit de quelque mauvais cas
plus ne viuroit certes nul de ces deux,
Ce tient Meris, ny aussi Menalcas.*

L'artificielle est l'interpretation du divinateur, par laquelle il interprete la naturelle divination par sa signification. A cause dequoy Ciceron en son livre des Loix, dit estre deux especes de sacrificateurs, desquels l'une preste aux ceremonies & sacrifices, l'autre interprete les Oracles des Dieux & les choses les plus Sacrées & inconnuës.

Il y avoit trois sortes de Divinations qui se faisoient des Oyseaux : la premiere predisoit des choses à venir, par le vol, la seconde par le chanter.

des Oyseaux , la tierce par manger. Les Oyseaux qui voulurent goûster la viande que leur presentoient les Numantins signifioient la destruction de Mancinus , parce qu'ils sortirent de leur Cage & s'en volerent.

Auspice differe d'Augure : car Augure est fait par le bruit des Oyseaux & voix , & Auspice fait par le vol d'iceux seulement. Auspice proprement n'est autre chose que de regarder les Oyseaux. Augure est conjecture qui se fait de toutes choses.

Auspice se faisoit en regardant les bestes sacrifiées sur les autels. Extispices estoient dits ceux qui regardoient les entrailles des bestes sacrifiées.

Omen que l'on dit *Heur*, c'est l'intention du diuinateur , par laquelle il deuine & conjecture de la chose qui premierement se monstre à luy , & en sont deux sortes , c'est à sçauoir, bon-heur, mal-heur: comme écrit TiteLiue.

Quand Vlyſſes conſpiroit la mort
des ſolicitateurs d'Heleine, il pria Iu-
piter luy vouloit donner deux ſignes,
par leſquels il ſeuſt cognoiſtre ſi ce
qu'il auoit entrepris ſe feroit, & incon-
tinent tonna, & entendit qu'il y auoit
vné fille en ſa maiſon eſtant amenée
dans vn moulin, laquelle faiſoit re-
queſte aux Dieux, qu'il leur pleuſt fai-
re que les ſolicitateurs d'Heleine ne
mangeaſſent plus en la maiſon d'Vlyſ-
ſes que ce iour, laquelle choſe fut pri-
ſe par Vlyſſes pour bon heur, & n'y eut
faute: car ce iour meſmes ils furent
tuez par Vlyſſes & Telamachus.

Preſage, eſt vné choſe plus commune
& vſité: car toute beſte laquelle ſent
la viande auant qu'on la luy preſente,
el le deuine, c'eſt à dire qu'elle ſente,
auant qu'elle l'ait.

Vaticination eſt diuination naturelle,
ou (comme nous auons dict) arti-
ficielle.

Oſtrentum eſt vné choſe monſtreuſe,
qui ſignifie quelque choſe à venir con-
tre ſon cours naturel.

Portentum est vn signe de quelque bon-heur ou mal'encontre, qui est euident par par interualle de temps.

Prodige est quelque chose qui ad- uient naturellement, & souuent fort son effect. Toutesfois tousiours il ne denote quelque mal à venir, comme il escrit au 12. liure de l'Odyssée d'ho- mere. Car quand Vlysses eut bandé son arc contre le vouloir & opinion de tous les amoureux, avec lequel il les deuoit tous occire soudainement, il tonna tres-fort lequel prodige de- monstra que ce que Vlysses entrepre- noit contre les amoureux, ne seroit point vain: ce que peu de temps apres fut vray. D'auantage durant le temps que les Grecs estoient en dissention, Iupiter leur donna vn prodige de leur malheur en tonnant toute la nuict, comme il est escrit au 12. liure de l'I- taliade d'Homere. Aussi que les Grecs & les Troyens estoient prest & appa- reillez pour combattre, Iupiter pre- noyant la grand perte & misere des Grecs, si plouuoit du sang. Or nous

auons deliberé d'vser de ce nom d'Augure, pour tous ceux que nous auons dict, & pour toutes autres manieres, desquelles les anciens ont vsé & obserué pour auoir cognoissance des choses futures & à venir. Dont en parlant legerement d'icelle, nous dirons premierement des Augures, lesquelles les anciens ont prins & obserué des eternuëmens: puis des augures qu'ils ont obserué des tremblemens ou fremissemens de chasque partie de nostre corps: en apres des augures qu'ils ont obserué de toutes autres choses telles qu'elles soient, pour auoir cognoissance & preuoyance de l'aduenir: car les anciens ont creu en ces choses estre les augures.

*Quatre choses sont necessaires pour les
augures, selon l'usage
des anciens.*

Il est raison que nous demonstions les choses qui sont necessaires pour la cognoissance & vſage des augures. Or la vanité des gentils dit qu'il y a quatre choses vtilles pour l'vſage des augures.

La premiere, c'est la chose laquelle sans que nous pensions vient & se trouue deuant nous, soit vn oyseau vne beste, vn esternuement ou vne beste, vne tremeur & fremissement, ou quelque autre chose, quelque que soit. La seconde, est la personne qui veut augurer ou deuiner, à laquelle se vient presenter telle chose sans qu'il y pense, & d'auenture. La tierce est l'intention & propos au desir de celuy à qui la chose vient au deuant, & s'attribuë à luy. La quatriesme est l'autre en laquelle nous aduiant quelque chose d'auenture, dequoy nous prenons nostre augure ou diuination.

Des augures lesquelles on nous met au deuant.

Les anciens ont obseruë en plusieurs sortes & manieres les augures qui nous sont proposez & mis au deuant. Dont les vns ont prins pour augure quād on esternuë, les autres quand aucunes parties du corps tressantēt ou trēblent. Les autres prennent pour leur augure vn hōme ou oyseau, ou quelque autre beste: autres en à qui regardēt seulemēt aux

oyseaux, & aussi aucuns s'aydent de toute chose, laquelle se trouue deuant eux d'auanture. Il y en a d'autres qui ont diuisé les choses augurales en douze parties, pour cause des douze signes, par lesquels passe la Lune, mouuant les augures, desquels nous dirons apres: mais il suffit en auoir touché generallyment.

*De celuy qui veut augurer
ou deuiner.*

Il conuient donc parler de la personne Augurente, les Mathematiciens cuydant que les augures, lesquels signifient quelque chose soit bonne ou mauuaise, ne seruent point à tous. A ceste cause aucuns disent qu'il est necessaire que celuy auquel les augures demonstrent & predissent quelque chose ait quelque prerogative, & n'ont aucune raison pour ce deffendre & approuuer. Car si l'ordre de l'vniuers esmeut les choses augurales (comme ils cuydent) il semble qu'il ne le fait, sinon en bonne intention. Principalement de celuy homme qui est plus

ententive à luy. D'avantage on voit que le mal ou le bien qui aduient à quelque grand personnage, le profit ou dommage de plusieurs est retardé. A ceste cause ils cuidoient que les augures predissent tant seulement à ceux qui ont les plus puissans, riches, ou vertueux, qui ont le gouvernement des autres. Toutes-fois nous voyons le contraire, car nous trouuons dans les histoires, que les choses augurales ont aucunes fois prognostiqué & démontré les choses bonnes ou mauuaises, aux plus petits & menu peuple. Aussi les anciens disent toutes chose augurale estre donnée & enuoyée pour tous hommes, pourueu qu'elle soit prise pour prognosticque. Nous voyons aussi souuentefois des gens de basse condition, de petit estat, estre plus excellens en vertueux estudes, que ne sont les nobles & riches, & pour ceste cause ils sont plus aymez de nature, & mesmes de Dieu, comme dit Aristote en son dixiesme liure des Ethiques. Parquoy nous disons que

tout homme est propre, conuenable & idoine à obtenir l'effet des choses augurales, si elles se representent & s'offrent deuant luy d'auanture, & sans qu'il les ayt premeditées.

*De l'intention & deliberation de
celuy qui augure ou
veut deuiner.*

Les augures estiment, que nulle chose ne pourra seruir d'augure, si celuy qui veut deuiner n'est conduict par quelque instinct naturel de prendre pour augure toute chose qui se trouue deuant luy d'auenture : car il est certain que toute chose qui vient deuant nous, pour nous seruir d'augure ou pronostique, est enuoyée par la nature de quelque estoille, laquelle a esmeu la chose, afin qu'elle se trouue deuant nous, & aussi nostre esprit pour d'icelle coniecturer & prendre augure: car les mouuemens naturels sont esmeus & conduicts par les mouuemens celestes. Quand donc quelque chose se trouue deuant nous estant mise par l'in-

instinct de Nature . & nous la prenons selon le mouuement de nostre nature. Nature pour augurer il faut que les deux instincts & mouuemens d'iceux soient faicts & reiglez par le mouuement celeste. Et pour ceste chose nous seruira d'exemple scipion l'Africain qui en descendant de la Nacelle ou Batteau, tomba: & ce qu'il tomba: il le print pour augure ou prognostique, & dist tout incontinent: Terre ie te tiens, or cela qu'il estoit tombé ne fut point esté augure, si par quelque instinct naturel il n'eust esté prins de Scipion pour augure, ou bon-heur. D'auantage, quand Lucius Paulus fut estably par le Senat, pour aller mener la guerre en Macedoine, le soir en retournant en sa maison, il trouua Tertia sa fillè toute triste, laquelle estoit alors petite, & l'interrogant pourquoy elle estoit ainsi triste, elle luy respondit ainsi : Pere Perse est morte. Lors le pere l'embrassa plus fort & dist: ma petite fillette, cecy m'est bon-heur. Or il y auoit vne chienne, laquelle auoit nō Perse, qui faisoit

passer le temps à celle petite fille, & icelle Perse estoit morte. Donc Lucus Paulus print bon-heur que le Roy des Macedoniens, qui se nommoit Perse, mourroit : contre lequel on luy auoit donné charge d'aller mener guerre, laquelle chose fut vraye : car iceluy Perse mourut en la bataille, comme raconte Pline au deuxieme chapitre de son huitieme livre, il est donc évident que chose aucune ne vous peut servir pour augurer, si par vn naturel instinct nous ne la voulons prendre soudainemēt pour augure ou prodige,
De l'heure esleüe en laquelle la chose augurale est prise pour presage.

Donc par ce que les Astronomes disent la maniere de trouuer le vray lieu de ceste estoille, laquelle est cause de l'augure que nous dirons de celuy temps. Aucuns cuident que le temps, auquel nous vient au deuant d'aventure la chose, de laquelle nous prenons augure est la vraye heure, car il semble que la chose est envoyée au temps que l'Estoille qui cause l'effet vient. Il y en
a de

a de plus sçauans qui iugent le vray temps estre celle heure, en laquelle la personne prend pour Augure la chose qui s'est trouuée ainsi par vn naturel, instinct deuant luy. Et certes il faut auoir égard à la prononciation & parole proferée sans y auoir pensé par celuy deuant lequel viét quelque chose d'adventure. Car comme dit Plin, c'est ce qui est dit premierement en l'augure heur, lequel la vanité des gentils a creu proceder par faueur des Dieux. Or en cucunes choses vient tout en vn instant l'heur & la chose augurale, & ce n'est pour autre chose sinon parce que l'Estoille celeste meut la nature des deux, & les pousse tout en vn coup. Par les choses susdites nous pouuons cognoître, qu'il n'y a chose aucune qui nous soit augurale, si par vn naturel mouuement nous ne pensons ou cuidons ce nous apporter quelque chose sans y auoir pensé inconsultement, il est évident que nous sommes assez esmeus par vn mauuement naturel. Or certes les mouuemens & in-

fincts naturels procedent de l'intelligence, laquelle ne faut & n'erre point. Comme disent Theophraste & Themistius. Et l'intelligence nous esmeut par l'influence du mouuement du Ciel. A ceste cause ceste nomination, coniecture, & heur venant sans y penser, nous, montre que ceste chose donc nous prenons augure est naturelle, & qu'elle ne vient point totalement sans raison ou par accident. Et de ce nous auons exemple, par Deioratus Roy de Celice, lequel voyant vn Aigle se poser sur vne maison, tout incontinent eut crainte d'y entrer, parce qu'il prenoit coniecture d'icelle Aigle, & de fait la nuit suivante le fais de la maison tomba. Il appert donc qu'aucune chose ne vous peut estre augurale, si nous ne la prenons pour heur par vn naturel instinct & mouuement. Et ce que nous auons dit iusques icy suffira quand à l'heur esleué. Par lesquelles choses nous cognoissons qu'il faut prendre l'augure ou coniecture lequel sortira son effect: la lune tenant ou

estant au mesme signe que la chose augurale s'est manifestée) pour vn seullement : car combien qu'il apparaisse deux fois , neantmoins tout sort vn mesme effect.

Du temps auquel sortira l'effect.

Nous dirons consequemment du temps auquel sortira l'effect des augures, les Astronomes disent qu'il y a deux temps auxquels les augures sortent leur effect , à scauoir qui faut qu'ils viennent en bref temps, comme d'une heure, ou d'un jour, comme de l'aduenement d'un hôte ou d'un amy, & semblables choses, & peuuent venir apres vn mois ou vn an, comme batailles, guerres, mortalitez & choses semblables. Quant donc la chose doit estre cogneüe dedans bref temps, il faut estre certain qu'on verra l'effect auant que la lune sorte du signe auquel elle estoit quand l'heur ou augure est apparu. Et si la chose ne peut estre veue dans bref temps, elle sortira son effect auant que la lune ait passé douze fois par le signe auquel elle

estoit lors que la chose augurale estoit apparüe, c'est à sçauoir, dans vn an, comme si la signification de l'augure est de la mort d'un Prelat, d'un Patriarche d'un Roy: il mourra auant que la Lune ait passé douze fois par le signe, lequel elle tenoit au temps que les Augures viennent en apparence. Consequemment il est necessaire declarer des augures qui sont denotez par les esternuëmens, lequel les Gentils ont creu estre vray.

Des esternuëmens auguraux.

Le sçauant Aristote escriuant des esternuëmens en son liure de l'histoire naturelle assure, & dit pour vray que l'esternuer est vn signe augural, saint & sacré. Lors que Penelope complainoit du dommage & fascheries que les solliciteurs faisoient à ceux de sa maison, elle disoit que l'absence de son mary Ulysse estoit cause de tout cela, & que s'il retournoit facilement luy & son fils Thelemachus se vengeroient de l'outrage; incontinent qu'elle eut dit les parolles, Thelemachus ester-

mais de si grand force que toute la maison en retentit. Laquelle chose Pénélope interpreta signifier & predire la mort des sollicitéurs. Homere en son sixieme del'Office, dit que l'esternuer en vne chose sainte & sacrée comme Plutarque raconte dans la vie dudit Homere. Et le semblable escrit Theocrite dans la sacrée louange du mariage d'Helene. Et de ce precede que la vanité & legereté des Gentils ont consideré plusieurs superstitions des esternumens : Car plusieurs disent que si quelqu'un pense ou delibere de faire quelque chose & qu'il esternue deux ou quatrefois : c'est vn augure & signe que la chose viendra à bonne fin, & s'il esternue de quatrefois la chose ne sera bonne ne mauuaise : mais si quelqu'un esternue vne fois ou trois qu'il laisse tout à faire & à dire : car les anciens disent qu'il ne viendra de long temps facilement à bien. Si deux hommes ayans deliberé & proposé de faire quelque chose, viennent à esternuer ensemble qu'ils poursuiuent leur pro-

estant en son liect, s'il veille, & qu'il esterneuë vne fois, cela luy predict quelque mal à venir, comme maladie ou telle chose semblable. Mais s'il dort, & qu'il esterneuë incontinent qu'il esteveille, c'est chose plus mauuaise: car cela signifie ou vne grande fascherie ou la mort de celuy qui esterneuë ou vn grand empeschement ou perte deses biens. Et si quelqu'un estant en son liect, & qu'il veille, s'il esterneuë deux fois il luy viendra quelque bonne aventure & gain, & santé s'il estoit malade, & s'il dormoit, de tant meilleur sera ce. Certes si quelqu'un durant la nuict jusques à trois heures n'esterneuë que deux fois, celuy denote honneur ou gain à venir. Quand quelqu'un a travaillé & cheminé tout au long du iour, ou bien vne partie pour trafiquer en marchandise, puis entrant en vn logis ou taverne pour se reposer, s'il y esterneuë deux fois, qu'il change de logis, car il aura profit au logis qu'il changera, s'il demeure au premier, il y aura perte & dōmage. Si quelqu'un va

en aucun lieu pour faire quelque chose, s'il esternuë incontinent seulement vne fois qu'il abandonne soudainement ce lieu là : car certes il aura profit en vn autre lieu : mais s'il esternue deux fois, il pourra seulement changer & transporter sa marchandise du premier logis en l'autre. Si quelqu'un a fait quelque traicté ou pasches d'aucune chose, & qu'il esternue vne fois, on tient pour certain que l'appointement sera stable: mais s'il esternue trois fois le contract sera nul. Le lundy au matin quand quelqu'un se leue du liēt, s'il esternue aura gain & profit toute celle semaine, & s'il esternuë deux fois, c'est le contraire. Si quelqu'un ayant perdu vn cheual, vn anneau ou quelque autre chose, en sortant de sa maison pour l'aller chercher, s'il esternuë vne fois, il la trouuera, mais s'il esternue deux fois, iamaïs ne le verra. Le iour du Dimanche si quelqu'un en sortant du liēt esternuë trois fois cela signifie bon heur, mais s'il esternuë deux fois, c'est malheur à venir. Si
 quelqu'un

quelqu'un commençant à dîner est-
ernue deux fois, c'est bon-heur, mais s'il
esternue vne fois il luy viendra mal-
encontre. Aristote dit & les medecins
l'approuuent. Si vn homme est ma-
lade, & on doute s'il viura ou non, si
ce pendant il esternue vne fois, c'est si-
gne de mort: & s'il esternue deux fois
il eschappera. Le cōtraire est aux fēmes
car si la femme esternue vne fois c'est
signe de santé & de bien, & si elle est-
ernue deux fois, c'est incide de mort.
Quand quelqu'un chemine parmy vne
forest s'il esternue deux fois, il eschap-
pera de la main des brigans & larrons:
mais s'il esternue seulement vne fois,
c'est tres-mauuais signe. Ce sont les
choses lesquelles les Egyptiens ont ob-
serué & prins & pour les augures, qui
se prennent d'esternuer, combien qu'il
y en a de plus friuoles, lesquelles ie ne
dy pour le present.

*Des tréssaitemens & tremblemens augu-
raux; De chasque partie du corps.*

Il faut consequemment parler des
augurations ou predictions, lesquelles

procedent & sont prises de tremble-
mens ou tressautemens qui sont faits
au membres des hommes, comme escrit
Melampus Hierogrammateus. Or il a
esté d'opinion que les tressautemens
de membres, ont vertu augurale, ce
qu'aussi approuue Theocrüte. Nous
commencerons donc au sommet de la
teste. Si le sommet de la teste tremble,
c'est signe de tristesses & fascheries,
ou de grand chemin & voyage à faire.
Toutes fois à vn seruiteur, cela est si-
gne de dommage, à vne vierge denote
qu'elle sera violée, & à vne femme
vesue tristesse. Il y en a d'autres qui
disent cela denoter, des malheurs à ve-
nir, c'est à sçauoir à vne vierge, quelle
sera mariée: parce que (comme disent
les autres) Iupiter engendra minerve
du sommet de sa teste. Semblablement
c'est signe que la vesue sera mariée: au
riche: il denote perte & trahisons: au
gendarme, bon-heur au nautonnier ou
patron, tempeste, & certes ceux qui en-
durent tempeste en leur sommet vi-
ront. Si toute la teste tremble, ou si

les cheueux se dressent, ou que aucunes-fois ils se herissonnent, ils denotent vne grande machination ou que l'on est espié par quelqu'un ou que vn de nos amis ou parens nous dommagera: mais si à vn seruiteur la teste tremble, ou les cheueux se herissonnent, c'est signe qu'il sera malade, & si c'est vne pucelle elle sera deshonneurée: la venue aura dommage, & aux pauvres, & à ceux qui ont disette, c'est presage de honneur. Aux riches c'est signe qu'ils seront affoiblis, & meineront vie de prauée & excessiue. Il y en a aucuns qui disent autrement, car (disent-ils) si la teste tremble, cela prognostique vn mal qui durera longuement, à vn seruiteur c'est signe de more, à vn maistre de la maison, ou à vne vefue, est dommage: & aux autres personnes, il signifie qu'ils seront mis en seruitude, & puis apres seront remis en liberté. Si tout le corps tressaute, c'est presage de mort, & autres denōce plusieurs biēs à venir, si la partie du derriere de la teste iusques à la concavité il tressaute, il est

souuentefois signe qu'on est guetté & espié, ou qu'on mourra en son priué: mais aux autres c'est signe d'aduersité: au seruiteur, c'est bon-heur: à la fille elle aura bon mary: la vefue sera mada-le: le riche sera en danger & au laboureur: c'est signe de trauail, & si la partie dextre du chef tremble, cest bon augure, car le seruiteur sera mis en liberté & aura resiouyſſance: la vierge des-honorée, & la vefue aura tres bon-heur, & ne sera point remariée: mais si c'est la partie fenestre, c'est signe de perte, ou de dommage: le seruiteur changera de maistre, la vierge sera vituperée, & la vefue aura reproche.

Du cerueau.

Si le cerueau d'un qui est en santé tressaute, c'est signe de maladie, à venir & à un qui est malade, c'est signe de santé. Et par iceluy l'on cognoist la disposition du corps & les viandes, à celuy qui na point d'enfans, cela denote qu'il aura un fils & resiouyſſance à celuy qui est banny, c'est presage qu'il fera grand pelerinages, & puis

retourna en son pays, mais à vn gendarme & à vn batelier, ou nautonnier, c'est danger de sa vie.

Du front.

Si le front tremble, c'est signe qu'on tombera en honte & vituperation au seruiteur, cela denote que son maistre mourra, à la vierge elle sera guettée & espice, & la vesue aura dommage & perte. Et si c'est la dextre partie du front qui tremble, c'est signe que l'on viendra en grand dignité & credit: au seruiteur cela denote perte: & à la vierge conseil. Mais si c'est la fenestre, souuent cela denote mal & pleurs: au seruiteur c'est signe de profit: à la vierge cela denote mariage: & à la vesue des honneur, & si c'est le milieu du front, c'est signe de pleurs: le seruiteur aura dommage, la vesue sera vituperée, le vierge aura profit: & toutes autres personnes auront bon-heur.

Des temples.

Si la dextre temple tremble, c'est toujours signe de bon heur, le seruiteur sera en doute, la vierge sera mariée

bien tost , la vefue fera pelerinage; & y aura profit, Et si c'est le fenestre qui gemit, c'est tousiours presage de bien à venir, & de profit, sans qu'on y pense, au seruiteur c'est inequitable & changement de vie, la vierge sera empeschée de se marier, la vefue aura profit.

Des sourcils.

Quand le sourcil du costé dextre tressaute, c'est signe d'une petite maladie, & bien peu de temps apres viendra richesse : au pauvre il denote richesses : au seruiteur c'est bon-heur : la vierge sera des-honorée; & la vefue aura iniure & perte : mais quand le sourcil gauche tressaute, cela denote plusieurs biens à venir sans qu'on y pense, & si le mi-ièu qui est entre les sourcils tressaute, c'est mauvais signe pour tous (comme disent Delampus & Phemon) toutes-fois au seruiteur est bon, la vierge aura bon conseil, la vefue aura profit & vtilité.

Des yeux.

Phemon, Melampus, Antiphon, & aussi les Egyptiens ont escrit que

quand l'œil dextre tressaute, c'est signe
que nos subiects seront nos ennemis
& que nous ferons pelerinages, & si
la paupiere superieure de l'œil dextre
tressaute, c'est signe total d'acquisition
& profit: mais selon l'opinion d'Anti-
phon, cela denote trafic de marchan-
dise & santé: le seruiteur sera espié &
getté, la vefue fera pelerinage, & si la
paupiere de dessus tremble, prognosti-
que des larmes; le seruiteur aura bien;
la vierge sera endommagée & vitupe-
rée & la vefue sera mariée, quand le
coing de l'œil dextre tremble à vn pau-
ure, cela denote tristesse: au seruiteur
c'est bon-heur à la vierge dommage &
danger à la vefue il signifie qu'elle se-
ra mesprisée, & aussi il denote nostre
ennemy, ou mal veillant retournera de
pelerinage, si l'œil senestre bransle c'est
signe qu'un de nos bien aimez viendra
ou que nous irons en pays loingtains:
& si quelqu'un s'en est fuy d'avec
nous, nous le trouuerons apres auoir
beaucoup cheminé. C'est aussi si-
gne d'esperoir pour les femmes: le

pauvre aura profit en pelerinages ou voyage: & les autres seront grandement trauaillez, & n'auront guere de biens. Quand la paupiere de l'œil gauche tressaute, c'est presage au pauvre qu'il acquera biens & richesses, le seruiteur sera guetté & espié, la vierge sera vituperée, & la vefue aura bonheur, le riche sera banquets, le laboureur & chasseur auront ayde & profit, le gendarme sera heureux, & si le coing dextre de l'œil gauche tressaute, c'est presage de santé, & si c'est le costé senestre, cela denote toutes choses bones. Mais si la paupiere inferieure de l'œil gauche tressaute, c'est augure de tristesse, le seruiteur calomnié & accusé, la vierge demeurera incorruptible, & la vefue sera vilipendée.

Du nez.

Melampus dict que quand la partie dextre du nez nous tressaute, c'est presage que nos tristesses & fascheries s'en iront, le seruiteur profitera, la vierge aura bon conseil, la vefue sera mariée. Et si c'est la partie gauche,

c'est signe de biens venans d'auanture:
c'est profit & ayde aux seruiteurs, à la
vierge conseil, & à la vefue signe d'e-
stre mariée. Mais si c'est le milieu du
nez qui tremble, cela denote trist esse:
le seruiteur aura fascherie, la vierge
sera mariée, & la vefue vituperée. Et
si c'est tout le nez cela denote des biens
à venir subitement, & sans qu'on y
pense. Si le dessous de la partie gau-
che du nez tremble, c'est mauuais si-
gne: le seruiteur souffrira mal, la vier-
ge sera vituperée, & la vefue calom-
niée & accusée. Et si c'est le bout de
dessous la partie droicte, cela est au-
gure de profit, toutes fois au seruiteur
à la vierge, & la vefue c'est tristesse.
Si le milieu des deux parties extremes
du nez tremble, c'est signe de perte
& dommage: au seruiteur c'est signe
de bonne consideration & delibera-
tion & la vefue aura ayde & secours.

Des iouës.

Melampus dit que si la iouë dextre
tremble ou esgemit, c'est signe d'in-
iure sans qu'on y ait pensé; prouenant

subitement: c'est bon heur pour le ser-
uiteur, la vierge aura dommage & des-
plaisir. Et sic'est la gauche, cela denote
tousiours bon heur: le seruiteur yra en
pelerinage loingtain, la vierge sera
vituperce, & la vesue aura profit.

Des leures.

Si la leure superieure tressaute, ou
esgemit, c'est signe de debat & victoire,
le seruiteur aura bien, & la vierge
profitera, & sic'est la leure de dessous,
c'est signe d'vtilité & gain: mais selon
les Egyptiens, cela denote perte de no-
stre traual & labeur.

Des gensives.

Les Gensives est peau, laquelle est au
dessous des iouës, à sçauoir entre icel-
les les maschoires. Si donc la partie
tremble c'est signe de bonnes nouuel-
les: le seruiteur sera en seureté, la
vierge prendra conseil, & la vesue aura
profit, & si c'est la fenestre partie,
c'est signe qu'on endurera mal: le ser-
uiteur sera malade: la vierge & aussi
la vesue seront dommagées, & auront
tristesses.

Des oreilles.

Si l'oreille droiſte nous eſgemit ou reſonne, ou corne, c'eſt ſigne de réjouïſſance de quelque choſe, & au ſeruiteur cela denotenuouuelles bonnes & amiables, la Vierge gaignera, & la Vefue aura bon-heur. Et ſi c'eſt la gauche, cela eſt prognostique de quelque grande choſe que nous ferons: le ſeruiteur entreprendra choſes de grande importance: la vierge ſera vituperée, & la veſue perdra de ſes biens. Or ſi le dedans de l'oreille dextre tranſſaute, cela eſt mauuais preſage: mais ſi c'eſtoit la gauche on aura quelques nouuelles: toutesſois l'on ne ſ'en reſiouyra point & parce il denote bon heur au ſeruiteur.

Du menton.

Quand la partie dextre du menton treſſaute, c'eſt vn ſigne à tous d'acquiſitions de biens: & ſi c'eſt le coſté gauche, il denote bonne eſperance, & bon-heur à tous: mais ſi c'eſt tout le menton, c'eſt preſage de tres-grande vieillesſe.

Du Pallais.

Quand le Pallais tressaute ou demange, cela denote en la maison bonne nouuelle, & aussi semblablement, si c'est le costé fenestre.

Des Dents.

L'on dit que quand les dents tremblent, cela denote discorde, toutes-foi's cela est bon-heur.

De la Bouche.

Si la bouche s'esbranle, c'est signe que long-temps apres nous verrons quelqu'un duquel nous seruirons.

Du Cœur.

Quand le cœur nous tremble ou bat c'est bon signe à tous : aucuns disent que c'est signe de resiouy'ssance, ou que nostre amy nous guette : au seruiteur il denote liberté : à la vierge paresse : à la vefve & au gendarme bonnes nouuelles, & au marchand traffic.

Du Col.

Si la partie du Col dextre tressaute à vn qui est de franche condition, c'est signe de crainte : & si c'est vn seruiteur il sera malade : & si c'est le costé se-

nestre, c'est bon-heur pour tous autres.

Du gosier, qui est la partie ou vient goitron.

Quand la partie dextre du gosier egimit, c'est signe de bonne nouvelle: mais à vn serf, cela denote gain. Et si c'est le costé fenestre cela denote à tous vne triste suite, à aucuns aussi denote qu'ils auront glorieuses victoires: le seruiteur aura mauuaises nouvelles: le gendarme recouvrera argent la vierge aura fascherie: le patron de la nef sera honoré & prisé.

Du Gauion.

Si le costé droict du Gauion, lequel Gauion est la partie du col, laquelle est pres des machoires, au long de la Corniolle, tremble c'est bon augure. Toutes fois à vn seruiteur, c'est presage de pensement: & soucis: la vierge sera effronté: la vefue aura trauail: le gendarme n'aura plus de foucy. Et si c'est la partie gauche qui tremble, cela denote quelque malheur, le seruiteur sera honoré, la vierge mariée,

la vierge fera mariée , la vefue aura gain : le marchand profit : le nautonnier fera bon voyage fans dommage, & fa femme fe refiouyra. Et fi c'est l'espaule gauche qui gemiffe cela denote que l'on est efpié par vne femme , & toutes fois , ce apportera profit. Si le milieu des efpaules tressaute , c'est figne que l'on fera feigneur & gouuerneur de plusieurs hommes ferfs & francs. Les *Ægyptiens* difent que fi l'espaule gauche tressaute , & fi c'est vn eſtranger, il deuiendra fol , & troublé de fon cerueau , & à ceux qui auront preſté argent , il leur fera rendu. Les ſeruiteurs & les larrons changeront de pays , la fille fera pareſſeuſe la vefue fera en danger, le gendarme aura ioye, gain , & les autres peines & travaux , & fi c'est le milieu de l'espaule qui tressaute, cela denote richesses : au ſeruiteur mal & remerciement des biens faiſts : la fille aura pertela vefue deſhonneur. Si le bout ou extremité de l'espaule droicte tressaute : fi c'est vn homme franc , fa

Bonnes nouuelles.

*De la partie qui est entre le coude
& les mains.*

Si celle partie qui est du costé droict tressaute, c'est signe de perte : le seruiteur à qui elle tremble aura bonne nouuelle; la vierge tombera en pauureté & la vefue sera priuée de toute réjouissance.

Et si c'est la partie gauche, c'est signe de perdre toute ioye : au seruiteur celui denote affluence, & à la vierge, & aussi la vefue c'est signe qu'elle aura bonnes nouuelles.

Des mains.

Quand la main droite tressaute, c'est signe de profit, & si c'est la gauche cela denote que la fidelité & promesse sera maintuë, & si la iointure de la main dextre gemit, il denote que l'on rendra l'argent à ceux à qui on doit, & viendra on en pauureté, & aussi l'on ne viura gueres. Neantmoins comme) disent les augures d'Egypte) c'est signe de mal: car le seruiteur aura à faire choses difficiles : la vierge sera ma-

riée, & la vefue ira en pelerinages, & pays estrange: mais si c'est la main gauche qui tressaute, cela denote que nous serons guettez pour quelque choses, & à la fin cela nous sera profitable & comme difent aucuns, c'est signe de maladie, au seruiteur c'est bonne chose la vierge sera bien conseillée, & sage, & la vefue aura profit.

*Du poulce & autres parties
de la main.*

Si le poulce droit tressaut, cela est bon-heur, le seruiteur aura bonnes nouuelles: la fille sera mariée, & la vefue rauie, & si c'est le poulce gauche, il denote facheries & vie courte, le serf sera affranchy, la fille sera endommagée, & la vefue aura gain. Si le costé ou trauers de la main droite tressaute, c'est signe qu'il tombera en peine, sera mis en liberté, & la fille aura profit: la vefue dommage: & les autres seront dechaussez pour leur cause & volontairement. Et si c'est le costé de la main gauche qui gemit, c'est signe d'estre mis en seruitude,

le cerf changera d'estat : la fille aura profit, & la vefue aura bonnes nouvelles : aux autres c'est signe de gain. Si le milieu de la main droite (c'est à dire le creux) c'est profit : & comme aucun gain des choses d'autrui : le seruiteur sera osté de toute ioye, la fille aura bon aduis, & la vefue tristesse. Et si c'est le creux de la gauche, c'est signe de grande facilité, & que l'on surmontera ses ennemis. Aucuns disent que les ennemis vaincront : le serf aura repos, la fille souffrira iniure & la vefue sera mariée. Si le dessus de la main dextre tressaute, c'est signe de travail, le seruiteur aura repos, la fille fascherie, & la vefue profit : mais aux autres c'est signe de dommage soudain, & sans qu'on y ait pensé. Et si c'est le dehors de la fenestre qui gemisse, c'est bon heur : mais au seruiteur c'est tromperie : à la fille des honneur : & à la vefue guarison de maladie : aux autres c'est signe qu'ils perdront leurs fascherie, & si c'est signe de deceptiō par femmes, le seruiteur aura repos.

honneur, car (comme disent aucuns)
c'est le doigt de Mars, autres c'est dom-
mage & nuisance, le franc sera couppé,
la fille aura gain & la vefue profit.
Si le poulce tressaute, c'est signe qu'on
acquerra plusieurs biens & aura grand
ioye la femme & enfans : car c'est le
doigt de Venus, le serf aura biens, la
fille sera mariée, & la vefue profitera.

Des Ongles.

Si les ongles de la main dextre fre-
missent, cela denote vn gain, duquel on
n'a point pensé, le seruiteur aura bon-
nes nouuelles, la fille s'abandonnera.
Si c'est l'ongle du petit doigt de la
main droicte c'est signe que l'on souf-
frira peine: le serf aura vn fils, la fille
sera mariée, & la vefue aura tristesse
& fascheries. Si l'ongle du second
doigt tressaute, cela denote di-
gnité au seruiteur, son maistre mourra
à la fille des-honneur, & à la vefue
profit. Et si c'est l'ongle du tiers &
quart doigt qui egemit, c'est signe de
tristesse, & au seruiteur est bon heur:
mais si c'est le gros doigt c'est signe de

accomplissement de ce que l'on a proposé, mais avec crainte.

De l'estomach.

Si l'estomach tressaute à vn riche homme, il fera grand despenſe, le pauvre aura à manger, & les autres auront bonnes nouuelles.

Du ventre.

Si le ventre tressaute, c'est bon signe aux vns, aux autres ce denote qu'ils auront des fils qui leur seront vtiles. Si c'est le costé droict du ventre; c'est signe qu'on sera malade dans bref temps.

Du tressautement des boyaux.

Si le long boyau tressaute du costé droict, c'est signe que l'on yra en pelerinage. Et si c'est du costé gauche, ce sont bonnes nouuelles; & aux autres trafic de marchandise.

Des Flancs.

Si le flanc droit fremit à vn riche homme, c'est signe qu'il tombera en grand pauureté, le seruiteur aura authorité & ioye: les autres profitent. Et si c'est le

costé gauche ; il denote bonne complexion & disposition en toute la vie de celuy qui est, malade.

De la ratte.

Si la Ratte tressaute , cela denote maladie.

Du Foye.

Si le Foye esgemit, il esmeut le cœur.

Des Cuisses.

Si la cuisse droicte tressaute , c'est signe de noise de nos domestiques & amis , & autres disent que c'est bonheur. Et si c'est le gauche cela denote tristesses & changement de vie selon autres.

De l'eschine.

Quand le costé droit de l'eschine fremit c'est des honneur, & si c'est le gauche, au riche cela denote banquet, & pauvre travail.

Du membre viril.

Si le membre fremit au seruiteur, c'est signe qui fera l'œuvre de chair.

Des genitoires.

Si la partie droicte tressaute ou gemisse

miſſe c'eſt ſigne qu'on aura des fils, & des biens pour viure. Et ſi c'eſt le gauche, il denote banquetſ & profits.

Des ſeſſes.

Si à quelqu'un qui eſt ſain, la ſeſſe droite fremit, c'eſt ſigne de trafic, & de negociations. Et ſi c'eſt la gauche, au riche denote qu'il fera deſpens, & ſelon autres c'eſt bon. Mais ſi la ioincture droite de la cuiſſe treſſaute avec les ſeſſes, cela denote heureux mouvement, & auſſi bon-heur. Et ſi c'eſt au ſeſtre, c'eſt ſigne de ioye, & ſelon triſteſſes.

De l'aine ou engine.

Si l'aine droite treſſaute, c'eſt ſigne de profit & à autres denote qu'ils vaincront leurs ennemis, & ſi c'eſt la gauche, ce ſignifie embuches, & aux autres pelerinage profitable. Si la droite partie de la cuiſſe qui eſt au derriere treſſaute, c'eſt preſage de diffamation, aux autres c'eſt ſigne de la temperature de l'air: mais ſi c'eſt la partie gauche cela denote embuſches, aux autres c'eſt bien venans.

Des genoux.

Si le Genouil droit tressaute, il denote à tous banquets, & corame disent les autres, ce sont richesses. Et si c'est le gauche, cela signifie vne tres grande fascherie.

Des Hanches.

Quand la Hanche droite tressaute, c'est fascherie, & si c'est la gauche, ce sont bonnes nouuelles.

Des Iambes.

Quand la jambe droite fremit, cela denote vne chose plaisante, ou voyage loingtain. Et si c'est la gauche, aux autres maladies, si la partie de la jambe droite qui est en dedans tressaute, c'est signe de biens, & si c'est la gauche cela denote perte, ou quelque chose laborieuse, si le ventre de la jambe droite tressaute, c'est à dire qu'on aura biens, lesquels on n'esperoit point. Et si c'est le gauche, il denote aux marchands qu'ils auront bonne issue de leur voyage encommencé.

De la plante des pieds.

Quand la plante du pied droit tressaute,

faute, c'est signe de profit & biens. Et si c'est la gauche, cela denote qu'on vaincra son adversaire en iugement, aussi on aura bonnes nouvelles.

Des rais du pied.

Si la rais du pied droit fremit, c'est tristesse, & si c'est la gauche, cela denote voyage avec gain.

Des Tallons.

Si le talon droit fremit, c'est signe de soucy & fascherie, & si c'est le gauche il signifie le mesme.

Du dessous des Tallons.

Si le dessous des tallons du pied droit ou gauche tressaute, c'est signe de faire bon voyage, comme disent les Egyptiens.

Du creux des pieds.

Quand la concavité de l'un des pieds fremit, c'est signe qu'on yra en pelerinage ou l'on profitera, & (comme disent aucuns) si c'est du pied droit, il denote qu'on voyagera en lieu ou on n'a esté, & y aura beau gain.

Si le bord de la plante du pied droit fremit, c'est signe que l'on yra en voyage. Et si c'est du pied gauche, il denote vne peregrination qui durera longuement.

De la torture de la iambe.

Si le tors de la iambe droicte qui est en dehors tressaute, c'est signe de deliberation ou foiblesse de cœur. Et si c'est la iambe gauche, cela signifie bonnes nouvelles.

Des Arceils.

Quand le petit arteil du pied droit tressaute, cela denote profit. Si c'est le second c'est affaires & negoces. Si c'est le troisieme c'est bon: le seruiteur voyagera, la fille sera diffamée: la vesue yra en banquet. Si c'est le quart il denote peregrination: mais au serf, & à la fille dommage, à la vesue maladie, & aux autres profit. Si c'est le gros arteil il denote voyages: mais au seruiteur party ou condition, à la fille nopces: & à la vesue ioye & rejoyssance.

Des ongles du pied droit.

Si les ongles du pied droit tressautent ou gemissent c'est signe de pusilanimité : le seruiteur sera en bonne disposition, la fille & la vefue seront mariées. Si l'ongle du petit arteil fremit, c'est pelerinage profitable, le tiers tristesses, le quart proffit, & le cinquiesme denote bon-heur, le seruiteur changera de maistre, la fille aura dommage, la vefue banquetera. Si c'est le secōd arteil, c'est signe de bon voyage, le seruiteur changera de maistre, la fille aura bonnes nouuelles, & la vefue sera mariée. Si c'est celui du milieu, il denote fascherie, au seruiteur profit, & à la vefue tristesses. Si c'est le quatriesme, il denote profit acquis de ses amis, le seruiteur sera malade, la fille aura mary, & la vefue sera diffamée & vituperée, & si c'est le gros arteil, c'est signe de grands biens, le serf sera mis en liberté : à la fille denote mariage à venir, & à la vefue profit.

Des ongles du pied gauche.

Si les ongles du pied gauche tressau-

Des choses Augurales, lesquelles de leur nature donnent augure aux hommes, ainsi que disent les Historiagre.

Après auoir parlé des fremissemens & tressautemens. Il nous conuient dire des choses, lesquelles de leur nature apportent aux hommes bons ou mauvais heur ou augure, desquels ont escrit & ont esté inventeurs Garas, Orpheus, Amphiarans: Tyresias de Thebes & Amphiction, qui premierement a interpreté les choses augurales & les songes. Toutesfois ie n'ay pas intention de declarer toutes les choses que l'on dit porter heur, lesquelles sont innumerables, mais seulement pour exemple i'en ameneray aucunes, veu que mon intention n'est totalement à les prouuer, mais plustost à les refuser. Il faut premierement noter que les Romains ont tant adjousté foy & creance aux augures qu'ils n'ont fait aucunes election de Magistrats ou Officiers, sinon que de ce faire fussent induits par les Augures à cette cause.

au milieu on doit aduenir quelque charongne, ou corps mort, comme l'on a cogneu par experiance, ce qui aduint à la deffaiete des Troyens, comme dit Aristote escriuant des Augures, les Romains se seruiron communement & le plus souuent des Vaultours pour augures, parce que quand Romulus faisoit edifier Rome, douze Vaultours apparurent ou comme dit Herodote, parce que le Vaultour ne faict nuisance à aucun animal: car il ne mäge que charongnes. Helas qui estoit diuinateur & Augur, dict que les oyseaux desquels on coniecture, ou prend peur sôt la Choüette qui dresse des plumes cōme deux cornes sur ces oreilles. Masturius & Marias Romains y mettent le Picumas ou Piuët, qui est vn oyseau qui perce avec le bec les arbres, aussi le Sanqual, qui est vne espece d'Aigle qui casse les os, & aussi Immussulus. Et si tu veux sçauoir que c'est que Sāqual, & Immussulus, Plin le declare en son dixiesme liure, au septiēme chap. Les Oyseaux auguraux sont

toutes sortes d'Oyseaux iuans de proie, le Corbeau, la Corneille le Pigeon, le Cigne, le Coq, la Geline, & les animaux qui volent, qui ont plusieurs coupeures en la teste & au corps, comme les Mouches à miel, les Fourmis, Langoustes, desquelles amplement escrit Appian. Or les Romains prenoient le Vaulteur entre autres bestes, pour augure, pource qu'il n'appert gueres souuent, & se trouuent bien peu de nids de Vaultours, or il vient soudainement, & sans qu'on y pense, pour cause dequoy: tousiours nous denote quelque chose. Aristote & Plin l'ont tousiours prins en mauuaise part. Romulus voulant edifier Rome, print l'heur des douze Vaultours en bonne signiffiance. Hercules aussi (comme escrit Herodote) entre tous Oyseaux qui viuent de chair, prenoit le Vaultour, & se delectoit le voyant toutes & quantes fois qu'il vouloit commencer quelque chose, & le iugeoit estre le plus seur, toutesfois l'opinion commune des hommes est, que si les Vault-

jours volét parmy les armées en troupe, c'est presage de la destruction ou ruyne à venir, & de vray Les Aigles & les Vaultours sentent la charongne & corps morts estans outre la Mer, car en volant tres-haut ils voyent ce qui pour cause de la hauteur des montagnes leur estoit caché, & voyent & sentent non seulement les charongnes qui pour le present, mais aussi, celles qui sont à venir dans deux ou trois iours. Ainsi que dit Pline : Certes les Augurateurs voyant vne multitude de Corbeaux voller ensemble, ont ce interpreté estre signe de ruine, & de destruction.

Or il y a en Indie vn certain pays, lequel est à present nommé Pharcelos, auquel lieu petit vne multitude de Corbeaux, & apres e il y en alla vne plus grande compagnie, lequel y estant venuë leur prognostiqua la desolation & troublement des habitans d'icelle terre & leur destruction & ruyne. Les hystoires sont pleines du Corbeau de Valerius.

nes fois signe de bon-heur , & c'est quand elle apparoit ioyeuse, volant deuant nous du costé droict à la gauche, & principalement si elle se ioue, & qu'elle demeure en ioye: & certes icy luy Appian dit qu'elle volle ainsi deuant nous, elle nous est signe de plus grand & meilleur heur en diuination qu'il n'est possible d'en trouuer de plus grand. Quand Telemachus faisoit vne harangue aux amoureux il apparut vne bataille d'aigles, laquelle chose voyant Alicher le Prince des diuinateurs, qui estoit le plus sçauant qui fut pour lors, comme escrit Homere, interpreta que cela denotoit que Vlysses'en retournoit en son pays, & que les soliciteurs & amoureux seroient tuez, Heleine voyant vn aigle priuée prendre vn Oye qui estoit de là aupres, & la demenbrant & la laissant deuant le chariot, auquel estoit. Telemachus, elle interpreta ce, estre signe de grands chemins à Vlysses, & que apres auoit souffert beaucoup & enduré, & estant lassé des longues peregrin-

n uions en la parfin il retourneroit en son pays, & feroit mourir tous les solliciteurs. Penelope voyant vn Aigle subitement estre descenduë en la court de sa maison ou elle nourrissoit vingt oyes, lesquelles elle tua, puis s'enuola, & de ce print coniecture & dit que cela signifioit le retour d'Vlysses, & la mort des solliciteurs, Amphinomus voyant vn Aigle qui portoit en ses ongles vne Colombe, laquelle Aigle suruint & vola de costé gauche, il interpreta & dit que l'entreprinse des Amoureux d'Heleine ne feroient ce qu'ils auoient entrepris. Les Grecs voyant vn Aigle qui tiroit vn Pan avec ses harpes, & le iettant pres de l'Hautel qui estoit dedié à Iupiter Pannomphus; ils prendrent ce pour bon-heur, de sorte que combien que desia ils fussent tous es-perdus, ils reprindrent courage, & se ralierent tellement qu'ils tuerent vne tres-grande compagnie de Troyens. Polidamus voyans venir vne Aigle du costé gauche, qui portoit en ses ongles vn serpent, lequel se deffendoit telle-

ment que l'aigle ne le sceut porter à les
petits. Il dit & iugea que les Troyens
ne destruiroient pas tous les Nauires.
Hector combien qu'il ne voulust pas
adiouster foy aux augures, neantmoins
le prenoit tousiours pour mal quand
quelque Oyseu de proye rauissoit
ainsi quelque chose. Car, comme il di-
soit, le rauissement predisoit que quel-
que voyageur seroit tué des Brigans:
mais si la proye eschappe des griffes
de l'oyseau. Apian dit que le voya-
geur s'eschaperà des mains des enne-
mis. Pline en son dixiesme liure au
huietiesme chapitre dit que les oyse-
aux qui viuant de proye & rapine, le
Circon qui est boiteux d'une iambe,
denote bon heur, tant pour nopces que
pour trafiques d'argent Cicerome la-
d'Appolo, trainant avec ses pieds une
Colombe fut tué au milieu du chemin
par Thelemachus venant des Nauires,
& print la Colombe, laquelle plumoit.
Theoclimenus voyant ce dit que
ceux de la race de Thelemachus lais-
seroit iouyr de l'administration du

Royaume Nimicus, au pays d'Itache. Mais Phemonon a attribué le premier lieu quant aux augures, au Butor. La Corneille est vn oyseau qui ne cesse de crier, comme dit Pline en son 10. livre au 12. Chap. & ne donne augure ou prediction par son chant: neantmoins aucuns l'ont prins pour Augure. Entre tous Oyseaux les Corbeaux seulement, ont connoissance de leur signification ou prediction: car, comme dit Pline, leur signification & presage est mauuais quand ils engloutissent & aualent leur voix, comme s'ils étoient étranglez. La Cheueche, & le Chahuant, donnent mauuais presage, principalement és choses pour la Republique: car ils habitent aux deserts, non seulement triste & obscurs: mais aussi aux lieux ausquels nul n'ose aller, & n'ont aucun chant harmonieux comme de voix: mais gemissent & se lamentent. Vn Chahuant entra en la chambre du Capitole, laquelle estoit la plus secrette, lors que Sexus Papelius Istrus, & Lucius Pedianus, estoient Consuls,

Consuls, à cette cause durant les Nonnes du mois de Mars, furent faites processions par la ville, comme écrit Pline. Nous ne prenons aucunement augure ou signification par les Poulles ou Colombes sinon de leurs œufs. Or lors que Liuia Augusta en sa jeunesse auoit desir de faire vn enfant mâle à Tiberius Cesar, estans enceinte de Neron, elle vsa de telle feminine Augure, car elle print vn œuf: lequel elle mit en son sein & quand elle l'otoit de peur que la chaleur ne se perdit, elle le mettoit au sein de sa nourrice: & de vray elle n'augura point fausement car elle fit vn Empereur. L'on dit, qu'une Geline ayant vn rameau de Laurier volla sur le firoir de Liuia Drusilla qui estoit Imperatrice, à cette cause nous voyons iusques à present que les Empereurs ont esté couronnez de branches de Laurier. Les Nautonniers & Mariniers ont prins augures & prediction du Cygne, & certes ils disent qu'il signifie tranquillité, ce que Emilius escrit, quand il dit

cet oyseau a quelque chose de diuin en soy , car en quelque arbre qu'elle face son nid, vn clou ou toute autre chose qui se peut planter , ains soudain s'oste , si la pie s'y arreste on repose. Albert dit , si l'on bouche & estoupe avec vn pallis ou baston le pertuis auquel le Pyvert a fait son nid, ou y a ses petits, le riuert apporte vne herbe , de laquelle il touche le bouchon & incontinent le pertuis se destoupe. Lors que Lucius Tubero qui estoit preteur de la ville , escoutoit les differens en la Cour , & estant assis au siege Iudicial , il se vint asseoir vn riuert sur sa teste, si paisiblement que l'on le peut prendre à la main , les diuinateurs dirent que si l'on le laissoit eschapper, cela signifioit la ruyne de l'Empire , & si on le tuoit , c'estoit signe de la destruction du preteur. Or le preteur le demembra incontinent, dont advint que dans peu de temps le presage fut accompli. Ils ont aussi prins pour augure les Fourmis , car quand Midas, (qui depuis fut Roy de Phrygie) estoit petit, les Fourmis luy

mirent force grains de bled dans la bouche, tandis qu'il dormit, ce que voyant ses parens, & voulans sçauoir que signifioit ce prodige, les Augures respondirent, qui seroit le plus riche du monde, & ne fut leur dire faux, car l'argent de Midas estoit plus grand en valeur que richesses presque de tous les Roys: certes il reconneut le don des Dieux, qui luy auoit esté fait en sa jeunesse, à ceste cause il leur offrit plusieurs biens. Les mouches à miel ont aussi esté receuës en diuinemens: car lors que Platon estoit dormant au berceau, les mouches à miel s'affierent sur ses leures, ce que voyant les Augures, ils dirent qu'il seroit excellent en eloquence. Nous pourrions dire plusieurs choses des grandes & terribles bestes, mais tant seulement en nommeront quelques vns pour exemple. Premièrement nous parlerons du Crapaut, qui est vne Grenouille terrestre, tres grande. Toutes & quantes fois que les anciens le trouuoient d'adventure en leur chemin, ils le prenoient

pour bon-heur, & combien qu'il nuise
seulement par son regard, & en le vo-
yant, neantmoins, il n'y a choses qui
prédissent meilleure fortune aux hom-
mes que fait le Crapaut. Et certes com-
bien que les Augures soient vne puis-
sance & volonté de Dieu, neant moins
Dieu les enuoye souuentes-fois par des
choses qui de prime face sont inuisi-
bles. Melampus dit que le porc san-
glier porte malheur, car celuy qui le
rencontre en son chemin ayant deli-
beré de faire quelque chose, il n'en
pourra voir le bout, car c'est signe
de ruine.

Les Romains ont aussi prins le Ser-
pent pour augure. Or quand Lucius
Sylla allant à Samos, mena vne armée
contre les Nolates, lesquels voyant ce
mirent leur camp dehors les murs. Et
apres quand Sylla voulut demander
conseil aux Dieux pour sçauoir leue-
nement de la bataille, tout soudain ap-
parut vn Serpent, & ayant interrogé le
Deuin ou Augur, pour sçauoir que
denotoit ou predisoit ce Serpent, il fut

quelle fait mention Valere en son premier Liure parlant de Lucius Marcius, à ceste cause; en delaisant les autres choses, nous pouuons dire & conclure qu'il y a aucunes choses lesquelles sont bonnes ou mauuaises, en augure, de leur nature, & autres qui peuuent estre bonnes & mauuaises selon les lieux places, temps & intention qu'elles sont prinſes, lors qu'elles apparoissent. D'auantage nous deuons noter qu'il y a des augures caduques & rui-neux; quand il y a quelque chose qui chet d'as le Temple, autres fouruoyans, qui nous empeschent de faire quelque chose, autres pedestres, parce qu'ils s'ont prins des Loups, Renards, Serpens, Che-ual & autres bestes ayans quatre pieds estoient faits pour la purgatiõ de autres, quelque faute, & les nommoit on Pia-culaires: car ils denotoient choses tri-stes aux sacrificateurs, si la beste qu'ils vouloient sacrifier s'enfuyoit de l'au-tel, ou si elle crioit quand on l'a-uoit frappé, au si elle cheoit sur autre costé de son corps qu'il

n'estoient requis, & les autres estoient nommez Pestifores, quand le cœur n'estiot trouué parmy les entrailles, ou si le foye n'auoit summité ou teste aucune.

*Opinion ou iugement de Pline, touchant les Augures qui peuen-
estre bons ou mauuais.*

Pline tres-sçauant homme, dit qu'on ne doit adiouster grande foy aux augures. Toutes-fois au dix-huictiesme liure, chap. deuxiesme, il afferme que les prodiges augures ont vertu, laquelle est en nostre puissance: car il a creu qu'ils valloient autant que nous les estimons, parce que nous les prenons pour bon-heur, ce nous signifiera bonne encontre, & si nous les acceptons comme mauuais, il nous ferons mauuais. Et si nous ne prenons garde aucune aux choses augurales, & que nous n'en ayons aucunement soing elle n'appor-teront bon ny mauuais encontre, & dit que les oyseaux horribles enuoyez par l'ire de dieu, ne peuuent nuire à ceux qui entrans ou allans ne prennent garde-

à chose aucune , à cette cause il dit qu'aux loix des augures , il est escrit que nulle diuination par regard ou consideration du vol & chant des oyseaux ne sert ny conserue celuy quin'y veut prendre garde quand il y vient.

Opinion de Plutarque Cheronée, touchant les Augures.

Plutarque Cheronée, en son livre des Problemes, dit que les Augures sont bons ou mauuais, selon le lieu ou nous sommes , & selon nostre consideration. Quand donc quelque chose qui est pour augurer se trouue deuant nous d'adventure , nous deuons prendre égard à la situation ou elle est: car toutes les choses du costé droit sont fort mal-encontreuses , & les gauches sont bonnes. Et en rendant raison de ce , il dit que les anciens ont euidé que les choses terrienne , & mortelles estoient contraires & opposites aux choses diuines & celestes. A cette cause il cuidoit que les choses , lesquelles sont en nostre costé gauche , sont enuoyées de la dextre de Dieu , & celles

qui sont en nostre costé droit sont
transmises de la gauche de Dieu. Or
veu que ce que les Dieux nous don-
nent de leur main droicte nous est vti-
le : (car donner ou prester la dextre,
c'est ayder) il est certain que toutes
les choses qui viennent, ou se trou-
uent deuât nous du costé gauche, nous
sont données par les Dieux, en bon-
ne part, & au cnotraire nous di-
ront de ce qui vient en nostre costé
droict. Nous disons en deux ma-
nieres la chose auguralle estre du costé
droit c'est à sçauoir si elle passe, ou
s'arreste & repose en passant, comme
si par le deuant de nous, la chose Au-
guralle soit du costé gauche, & va au
droit, & semblablement par le dernier
allant du gauche au droit : car en tou-
tes les deux sortes, tant du deuant que
du dernier est nommé l'heur ou diui-
nation droite.

Dauantage si la chose vient de der-
riere nous, & passe en nostre costé droit
deuant nous, ce est dit auguré droict en
ses manieres, & au contraire le sene-
stre augure est dit selon le mouuement

passer. Aussi l'augur ou chose à laquelle nous prenons l'heur, est dite reposant quand en allant elle se trouue deuant nous du costé droit ou gauche, sans se mouuoir. Ou si elle n'est à repos, & vienne au costé droit, ou gauche: car certes en telles façons la chose augurale n'est dite droite ou gauche: & toutes fois qu'elle sera gauche, il la faut prendre en bonne part, cōme dit Plutarque & quand elle sera droite, la faut estimer pour malencōtre. Les Romains auoient vn autre monde, car ils prenoient & eslissoient vn lieu au Ciel: & apres estre montez en la plus haute Tour vieilles, ils vestoient vne robbe sacerdotale & mettoient en leur main vn baston vn peu courbé & crocu par le bout, & leuant la main ils eslisoient vn lieu au Ciel en rondeur pour le regarder, en y denotant quatre differences, à sçauoir la gauche du costé d'Orient, la droite deuant Occident, le devant vers Midy, & le dos devers Septentrion: & disoient que l'on deuoit prendre la difference des augures & diuinations, selon le respect & qualité des parties.

Quand donc la chose qui apporte
heur se trouuera deuant nous, il faut
regarder la partie & lieu ou elle repose,
ou de quel costé elle se retire ou remuë:
car si elle se repose en la partie de Iu-
piter icelle partie se remuë, ou de Ve-
nus, ou de la teste du Dragon, ou de la
Lune, ce doit estre pris pour bõ-heur, si
c'est du costé de la partie du Soleil, ou
Mars, ou Saturne, ou Mercure, il faut
iuger cela estre mauuais signe, comme
disent les Astronomes Egyptiens.

*Oppinion des ieunes Augures touchant
les Augures.*

Les ieunes Augures ont reduit toutes
choses augulaires en douze supersti-
tions & obseruations, lesquelles sont
prises selon nostre consideration. La
premiere est dite prosperité ou bon-
heur. Or bon-heur ou prosperité est
quand quelqu'un sort de la-maison, en
intention de faire quelque chose. Et
certes quand celuy sort de la maison,
s'il rencontre tout soudain deuant luy
vn hõme, ou beste, ou oyseau, ou telles

sēblables choses, cheminans & volans, & si premierement elles se mettent à ton costé gauche, c'est presage que les choses qu'il aura deliberé seront bonnes. La seconde superstition est nommée malencontre, comme quand quelqu'un sort de maison pensant faire quelque chose, & en allant il rencontre quelque beste, ou vn homme ou oyseau ou telle chose auguralles, si elles se roposent deuant luy du costé gauche, c'est signe que quelque defortune tombera sur luy. La tierce est dictée *Fatum* ou destinée: car si quelqu'un ayant deliberé de faire quelque chose, & en se promenant ou estant assis il voyoit quelque chose augurale, comme seroit vn homme ou beste, ou oyseau, qui viēt de la partie gauche pour aller vers le costé droit, & soudain qu'elle y est paruenüe s'esuanouit, c'est signe que la chose aura bonne issue. La quatre est nommée fortune: car si quelqu'un cherchant lieu, rencontre deuant soy vne chose qui chemine ou volle, &

qu'elle se mette du costé droit, en
vollant c'est signe de bõne issuë de l'af-
faire. La cinquiesme est appellée in-
fortune : car si quelqu'un cherchant
quelque chose augurale, la trouue
qu'elle se repose, ou le regarde au co-
sté droit, c'est pronostique de mal-heur.
La 10. est dictée profit ou vtilité, qui est
lors que tu vois vn oyseau augural, vne
beste ou hõme apres toy qui te suiue,
& qui puis apres passe deuant toy, & de-
uant qu'elle soit prochaine à toy, ou bie
toy à icelle, elle se repose en quelque
lieu, en regardant ton costé droit, c'est
signe de profit & vtilité. La 7. est nõ-
mée dõmage & perte, laquelle est quand
tu vois quelque chose augural se re-
poser derriere toy, ou estre debout sans
se bouger, du costé droit, qui est signe
d'êpeschement des choses à faire. La
8. est finesse ou cautelle, qui est quand
tu verras derriere toy la chose augura-
le, si elle s'arreste auant que tu sois pres
d'elle, lors qu'elle se repose en te regar-
dant. Et cõbien qu'elle se repose au co-
sté gauche ou droit, pourueu tât seule-

ment qu'elle ne passe outre toy, ou qu'elle ne te deuançe point, c'est presage de bonnes choses aduenir par toy. La neufiesme est infelicité ou malheur c'est quand tu vois vne chose augurale outrepasser & s'arrester en quelque lieu du costé gauche, laquelle denote malheur, pour la cause que l'on a delibéré de faire. La dixiesme est perfection: qui est lors que la chose Augurale vient de ton costé fenestre pour aller vers le droit sans s'arrester, & soudain se perd, & est tres bon signe de parfaire ce qu'on a entrepris. L'vni-
ziemesme est imperfection que l'on cognoist quand la chose augurale laisse le costé droit pour aller au fenestre, & passe derriere nous, & s'arreste ou repose qui est mauuais presage. La douziemesme est conclusion, qui est quant tu vois la chose augurale, qui va du costé fenestre au droit en passant par derriere le dos, qui est signe que la chose se fera. Et ce sont les douze superstitions, lesquelles les augures & deuins ont dit estre vrayes, des choses

augurales, pourueu que l'on prenne garde au temps & intention de celuy qui veut faire quelque chose.

*Les superstitions des Romains touchant les Augures
deuinemens.*

Plutarque en ses Problemes afferme que les Augures Romains auoient plusieurs autres superstitions. La premiere estoit l'inuocation des Dieux: & certes les prestres ne regardoient les augures, sinon apres auoir prié & humblement inuocque les Dieux. La seconde estoit de la personne qui inuocque: car comme dit Pline au huietiesme chapitre. Les augures ont esté cause de faire vn college tres-solemnel à Rome qui est plain de sacrificateurs & Augurs. La tierce sortoit de la condition & qualité du personnage, car les hommes ayant vne vlcere ou apostume ou qui auoient esté mordus, ou si leur esprit estoit aucunement troublé, ils n'estoient aucunement receuz au nombre des Prestres & Augurs: car veu qu'on croyoit qu'ils faisoient choses

diuines, ils iugeoient que l'esprit de Dieu leur profitoit & aydoit, quand les Sacrificateurs estoient d'esprit sain & pur. La 4. estoit prinse du costé des oyseaux seruans aux Augures, & à ceste cause, ils ne prenoient pour deuiner vn oyseau malade ou blessé, car il ne faut point garder les choses inutiles & corrompues pour celebrer les choses diuines. La 5. superstition estoit prinse & obseruée selon l'intention de ceux qui requeroient quelque chose: car les Prestres n'auguroient ou deuinoient si non quand les lampes estoient allumées ou les fenestres estoient ouuertes, parce que la lanterne sert & est autant appartenante au Prestre, comme l'ame aux Dieux, car la lumiere est celuy esprit qui est dans nostre corps. Plutarque rend vne autre raison, & dit que c'est parce que les vents soufflent, les oyseaux ne s'arrestent point, & certes nous cognoissons si le vent souffle quand la lanterne ou cierge sont allumez. Mettellus grand Pontife, tresage & ciuil, deffendit que l'on

n'augurast apres le mois d'Aoust; parce que c'est sagement fait augurer avec des oyseaux parfaits & grand deuant que l'Esté soit escheu, & certes en Automne les oyseaux sont ou maladiſs ou les petits imparfaits, & les autres pour cause de la saison s'en volēt autre part.

Du nombre des choses augurales, lesquelles se trouuent deuant nous, selon l'opinion de ceux qui ont le mieueſcrit des augures & deuinations.

Quatre choses requises & necessaires aux augures & deuinations (comme nous auons dit) selon l'usage des Gentils, à ſçauoir les choses qui viennent d'auenture deuant nous, lesquelles nous nommons augurales, celui qui veut augurer ou deuiner, deuât lequel telles choses se trouuent d'auenture, l'intention de celui qui augure ou veut deuiner, & le temps auquel elles viennent. Et pource que les Gentils ont eſcrit & parlé ſuperſtitieusement des choses augurales venons d'auenture, nous dirons des memes choses, plus moderement selon l'opinion

de ceux qui ont esté moins superstitieux, à celle fin que nous ne laissions rien de ce qu'ont dit les anciens. Or les choses susdites sont diuisées en douze chapitres selon le nombre des douze signes du Zodiaque. Le premier est de l'entrée que fait la beste soit priuée ou sauuage en la maison, & certes quand vne beste n'a point de coustume d'entrer en la maison & l'augureur n'y pense point, & elle y entre, les Philosophes ont dit & affermé ce estre augurale chose. Le second est la beste, laquelle en cheminant d'aduanture se trouue deuant nous. Le troisieme est quand vne robe ou autres habillemens se brulent sans qu'on sçache d'où vient le feu & de ce nous prenons coniecture du reste de la foudre & brûlement de la maison, ou d'autre chose. Le quart est vne ratte ou souris qui rongent quelque chose, laquelle nous est agreable comme vn liure ou robbe ou l'or, ou principalement en ce quoy nous esperons: aussi en ce chapitre est compris vn loup qui nous rait, vn

bœuf ou cheual & aussi vn chien qui nous mange quelque chose laquelle nous aymons desrobe vne geline ou vne oye, & telles choses semblables. Le cinquiesme est le fruct qui se fait en la maison, & certes on croiroit que ce sont esprits ou loups garoux qui font cela. Le sixiesme est quand quelqu'un en cheminant voyoit tomber & cheoir de l'air vn oyseau, comme s'il estoit empiegé, & de vray l'on a prins garde plusieurs fois, qu'un Roy ou Prince estant sur les champs vn Milan est tombé, lequel estant empiegé, facilement est pris. Aussi aucunes fois des oyseux sont venus dans plusieurs maisons sans y penser, & soudainement ont esté pris. Et à ceste cause toutes bestes qui volent sont comprises sous ce chapitre, si nous les prenons avec la main sans y penser. Le Crapaut aussi y est compris s'il chante, ou la corneille, si elle crie, & toute autre beste volante, si elle crie soudainement.

Le septiesme, c'est vn chat qui n'a

point accoustumé de venir en la chambre, & entre par la chassiere de la porte, si subitement qu'on cuide que ce soit vn diable ou vn phantosome, & sous cette beste sont comprins tous animaux, lesquels nous font peur quand ils entrent en vn trou soudainement. Le huitiesme est vne chandelle, vne torche ou semblable chose, laquelle s'esteint sans qu'on en voye rien, & pense t'on que les esprits l'ayent éteinte. La neuuesme est du Dieu Vulcan, car les Gentils croyent que Vulcan parloit lors que le feu bruioit & flamboit. Le dixieme, quand le feu fait vn grand bruiet sans qu'on y pense, & en grand abondance; & aussi quand il iette des estincelles. Le vnzieme est le feu quand il saute outre mesure, & croit-on que les esprits ou diables en sôt cause. Le ii. est vne tristesse ou melancolie qui vient soudainement sans cause ny raison: aussi nous comprenõs icy les phantosmes, lesquels nous apparoissent nous rendent tristes & aussi toutes choses qui nous fait tri-

ites, quand elle appert d'aduenture. Les douze obsusdits suffiront pour exemple, & s'il en feroient quelques autres, il les faut mettre au chapitre, auquel se trouueroit plus conforme & concordant. Et apres ce il nous conuient parler de la cause qui meut les choses qui donnent augure pour augurer.

De la cause qui meut & parfait que les choses augurales se rencontrant deuant nous, & font que de nostre nature nous en prenons bon ou mauvais heur selon Theophraste & Themistius.

Les Anciens ont eu plusieurs & diuerses opinions, voulans sçauoir la cause & source de ce qui est cause que les choses desquelles nous prenons presage se trouuent d'aduenture deuant nous Theophraste duquel tient & ensuit l'opinion, ce sçauant Docteur Themistes dit & nomme belle cause mouuante non errant, intelligee, & de vray Themistes & Theophraste ont cuidoie que les choses lesquelles d'aduen-

ture & sans y penser rencontrent deuant nous viennent & sont enuoyées par la prouidence, si nous les prenons & interpretons en bonne part & à la diuine intelligence. A ceste cause Themistius dit, qu'entant que les hommes sont meuz & guidez par la diuine intelligence ils predisent les choses à venir combien qu'ils n'entendent rien des choses qu'ils disent. L'intelligence dont est diuine, & n'est point dicté errante ou ame du monde, laquelle Platon en son liure de Timée, dict estre venue & proceder des seconds Dieux: mais Auicenne dict que l'intelligence de la Lune: car elle meut & crée toutes ces choses qui sont sous la Lune, principalement toutes les choses sont preferées pour le profit & vtilité des hommes. Les autres ont dit que c'est Dieu qui est mouteur de celle cause, qui fait trouuer deuant nous les choses augurales, de laquelle opinion semble auoir esté Valere, quand il dit: Ces choses ne viennent point par cas fortuit: mais par preuoyance

yance diuine, les Pythagoriciens ont tellement creu ces choses venir de Dieu, qu'ils ont dit que les Augures sont les parolles & voix de Dieu: car comme dit Theophraste, veu que Dieu a soing & se prend garde en nous, il est raisonnable qu'il nous predise quelque chose, afin que le bien se haste, ou le mal ne puisse entrer. Et par ceste raison Theophraste dit avec ses Pythagoriques, que toutes les choses qui apportent denoncent heur sont les voix & & parolles, par lesquelles Dieu predit aux hommes le bien ou mal à venir. Pour ceste cause Themistius a dict) comme raconte Auerrois au douzieme de la Metaphisique) qu'il y a plusieurs hommes, lesquels Dieuesmeut à predire les choses futures, combien qu'ils n'entendent ce qu'ils disent.

*Opinion des Platoniques de la cause
monuante les choses augurales
ou par lesquelles nous
denions.*

Maucurius Trismegistus dict que le diable est noteur des choses augu-

Cc

rales. Porphyrius a interpreté ce, & dit que c'est vn Calodemon, c'est à dire bon esprit, car on dit que chacun a pour sa garde deux esprits, desquels Cacodemon nous exhorte aux mauuaises, & Calodemon aux bonnes, desquels esprits l'vn est bon, l'autre mauuais. Or donc veu qu'augure ou encontre est quelque chose vtile, par laquelle nous vitons le mal aduenir, ou prenons le bien, il est à croire qu'il est enuoyé & esmeu par le bon esprit, & ont esté de ceste opinion Iamblicus. & Plotinus, comme il appert par les liures lesquels ils ont fait des Diabes.

*Opinion des Varroniens touchant
la cause mouuante des
choses augurales.*

Aucuns sçauans disent qu'ils ont appris de Varro, homme Romain, que les choses augurales sont enuoyées de la lune, qui se promène par les douze signes du Zodiaque. A ceste cause ils disent que la lune est la seule cause mouuante de choses augurales: parce qu'elle nous est seule plus prochaine que nulle

des estoilles, car comme disent les Astronomes, elle est seule, à vertu & puissance en toutes les choses qui se font soudainement pour cause de sa legereté, dont il advient qu'elles gouvernent les choses coulantes & fluides, & est seule ayant puissance sur toutes choses augurales, & qui soudain se font.

Opinion des Astronomes d'Egypte concernant la cause mouuante des choses Augurales.

Les Egyptiens ont dit que ce n'est point la lune qui soit cause mouuante des choses Augurales, mais c'est vne Estoille errante de cinq Planettes, laquelle tient & possède l'heure que la chose Augurale appert en la neuuiesme figure du Ciel; ou en la dixieme, ou l'horoscope, ou la septieme, ou quatrieme ou troisieme maison, & afferment que les choses augurales & aussi nostre esprit s'en-cline par cela à deuenir ou prognostiquer. Et certes la Planette qui se trouue en la neuuiesme maison du Ciel à l'heure que nous prenons l'augure, & s'il n'y a aucune planette

rentes ou reuenuz de la maison, que l'on prognostique, c'est bon ou mauuais signe. Et si c'est la septiesme maison, c'est signe bon ou mauuais pour la femme, & si c'est la cinquiesme aux fils, & semblablement des autres.

*Opinion moins superstitieuse de la
cause mouuante des choses
Angurales.*

Il faut donc dire (comme dit Porphyre) que si l'on peut feindre quelque cause des choses qui se font friuolement, la cause mouuante, comme disent aucuns Pythagotiques, est Calodemon que nous nommons le bon Esprit, car il exhorte les hommes à bien, ce que les Platoniques accordent & disent que le mouuement & cours que fait la Lune par le mouuement du Ciel est la cause instrumentaire, & ainsi le croient les Varroniens. Or combien que ceste opinion soit superstitieuse, toutes fois elle n'est point tant discordante que les autres. Et certes les Astronomes disent que la Lune a puissance sur toutes choses qui

se fons soudainement, & à l'impour-
ueu comme font les choses augura-
les, & celles desquelles nous pre-
nons prognostique. Or comme nous
auens dit en nostre livre des Diabes,
Gale demon ou le bon esprit, sert à ex-
horter l'homme à faire bien, & agir
par l'instrument & organe naturel, veu
qu'il est plus puissant que l'homme, &
plus imbecile que la vertu & force ce-
leste, & comme dit Aristote, veu que
l'ouvrier agent estant plus fort, vse de
petits instruments, il est conuenable
& decent que le Diable meue se-
lon le cours de la Lune seulement
(comme par vn instrument & or-
gane) toutes choses augurales &
qu'il soit vray que le Diable s'ay-
da des estoilles, Hahenragel nous
en est témoin en racontant que
le Fils de quelque Roy nasquit le
iour auquel quatre Planettes estoient
conjoinctes au signe qui estoit l'ho-
roscepe quand il fut engendré, &
en ce mesme iour iceluy enfant par-
la, & predict la perte du Roy son pe-

ro. Il n'est point vray semblable qu'un enfant nouvellement nay, eust parlé sinon par la puissance du Diable, qui s'aydoit de cette constellation: quand on vouloit prognostiquer ou predire quelque chose à venir, & par adventure ce Diable estoit Mercurial: car Mercure estoit seigneur du huitième degré de libra, qui estoit l'Horoscope. Or Venus, Jupiter, Mercure, & Mars, estoient tous ensemble conjointés en ce huitième degré, degré, toutesfois nul d'iceux n'auoit aucunes de ses limites en ce degré, sinon que Mercure, doncques ce Diable ou esprit estoit Mercurial. Et si la chose est telle, l'esprit qui nous garde, en usant seulement du seul mouvement de la Lune par les douze signes, il pourra nourrir & embellir toutes choses augurales à nostre bonne rencontre. Les aspects & figures de toutes les autres estoilles, nous aydent ne nuisent, veu qu'en ces choses elles




TABLE PREMIERE.

*La beste qui entre en la maison
signifie.*

La Lune estant en

Aries,	Procés, & qu'on sera fauslement accusé.
Taurus,	Il vient vn hoste.
Gemini,	Maladies à venir.
Cancer,	Sourdre débats.
Leo.	Gouvernement en gran- de chose à venir.
Virgo,	Inductions à faire quel- ques choses & finesse.
Libra,	Sourde esperance.
Scorpio,	Tristesses à venir.
Sagittarius,	Pelerinages & voyages.
Capricornus	Plaisir & ioye à venir.
Aquarius,	Tristesses & procès,
Pisces,	Bonne cause à venir.

D d

TABLE DEUXIESME.

*Et quand on la rencontre en son chemin
signifie.*

Quand la Lune est en	
Aries,	Le Patriarche, ou Pape mourra.
Taurus,	Bonnes nouvelles.
Gemini,	Guerre sourde.
Cancer,	Chose publiée.
Leo,	Changement d'habits.
Virgo,	Tristesses à venir.
Libra,	Changement à venir.
Scorpio,	Nôtre ennemy mourra.
Sagittarius,	Nouvelles en secret.
Capricornus,	On nous apportera d'os.
Aquarius,	Nostre seruiteur fuira.
Pisces,	Grandes pluyes à venir.

TABLE TROISIÉSME.

*Quand quelque lieu brusle, ou que la foudre tombe sur la maison, ou quand
les habits bruslent signifient.*

La lune estant en	
Aries,	Ny bien ny mal.

Taurus,	Plaisir à venir,
Gemini,	Bonne cause à venir.
Cancer,	L'œuvrẽ se parache.
Leo,	Tristesses & procès,
Virgo,	Vne malice tres-grande & mauuaise à venir.
Libra,	Nou ueaux habillemẽs.
Scorpio,	Plaisir & ioye.
Sagittarius,	Malice fourde.
Capricornus,	Resiouyffance.
Aquarius,	Ioye & plaisir.
Pisces,	Resiouiffance & plaisir

TABLE QUATRIESME.

*Quand un chien ronge vne chose que nous
aymons, ou si vn Loup deuore vne beste
nostre ou si vne souris ronge nostre
or ou quelque chose qui soit plai-
sante & agreable signifient.*

La lune estant en

Aries,	Peregrination.
Taurus,	On sera malade.
Gemini,	On acheptera vn serf.
Cancer,	Pleurs & lamentations
Leo,	Douleur en estat.

Virgo,	Ioye & plaisir.
Libra,	Trouuer ce qu'on desire.
Scorpio;	Nostre argēt diminuēra
Sagittarius,	Malice sourde.
Capricornus,	Separément d'amy.
Aquarius,	Peregrination.
Pisces,	Plaisir & ioye.

TABLE CINQUIESME.

Le bruit ou son qui se fait en la maison signifie.

Quand la Lune est en

Aries,	Ioye & plaisir.
Taurus,	Mal à venir sous nostre charge ou puissance.
Gemini,	Le chien aura la peste.
Cancer,	On trouuera argent.
Leo,	Il viendra vn bon hoste
Virgo,	Bonnes nouuelles.
Libra,	Bonne recepte & bonnes nouuelles.
Scorpio,	Maladie.
Sagittarius,	Labeur & trauaux.
Capricornus,	Malheur & tristesse à venir sur les gens.

Aquarius,	Argent des bestes.
Pisces,	Bon-heur sous nostre domination.

TABLE SIXIESME.

Quand vn Corbeau ou Corneille glatissent ou crient, les Crapaux chantent, ou quelque Oyseau Augural quel qu'il soit, ou bien si vn Oyseau tombe au chemin : cela signifie.

Quand la lune est en

Aries,	On aura frayeur & crainte des larrons.
Taurus,	On se hastera pour faire regir le Royaume.
Gemini,	On perdra son sang.
Cancer,	Maladie à venir.
Leo,	Se mouuoir d'un lieu.
Virgo,	Perdre argent.
Libra,	Nostre amy malade.
Scorpio,	Pleurs & lamentations en la maison.
Sagittarius,	La mort de nos bestes.
Capricornus,	Douleur en estat.
Aquarius,	Procés advenir.

Pisces,

Tristelles à venir.

TABLE SEPTIESME.

Quand un chat ou autre beste entre par
le persuis de la porte, il signifie.

La lune estant en

Aries,	Erayeur des hommes.
Taurus,	Accroissement d'argent.
Gemini,	On trouuera argent.
Cancer,	Mal à venir.
Leo,	Faux témoignage.
Virgo,	Maladie.
Libra,	On verra son pere.
Scorpio,	Ioye & plaisir.
Sagittarius,	Ny bon ny mauuais.
Capricornus,	Le droit s'abbregera.
Aquarius,	Bon-heur en nostre do- maine.
Pisces,	Nous aurons recepte en laquelle gaignerons.

TABLE HVICTIESME.

Quand la chandelle ou torche, ou feu s'e-
stainet tout soudain, il signifie.

La lune estant en

Aries,	On ira de lieu en autre.
--------	--------------------------

Taurus,	La mort de nos bestes.
Gemini,	Procés advenir.
Cancer,	Faux témoignage.
leo,	Crainte des larrons.
Virgo,	Trouuer ce qu'on desire.
Libra,	Tristesses à la maison.
Scorpio,	Ouyr bonnes nouvelles.
Sagi tatus,	Se mouuoir d'un lieu.
Capricornus	On aura frayeur & crainte des larrons.
Aquarius,	On se hastera pour faire.

*Table douziesme.**Le bruiet ou son qui fait feu signifie.**La lune estant en*

Aries,	On trouuera argent.
Taurus,	Maladies à venir.
Gemini,	Nostre amy malade.
Cancer,	On perdra son sang.
Leo,	Nous aurons procès.
Virgo,	Le chien aura la peste.
Libra,	Malheur à venir.
Scorpio,	L'advenue d'un hoste.

Sagittarius,	Frayeur des hommes.
Capricornus	La mort de sa femme.
Aquarius,	La femme fera vne fille.
Pisces,	Bon-heur en nostre domaine.

TABLE DIXIESME.

Le bruit & son du feu signifie.

La lune estant en

Aries,	Perte d'appetit.
Taurus,	On verra son pere.
Gemini,	On sera en repos.
Cancer,	Ioye & repos à venir.
leo,	Ioye par lettres missiues.
Virgo,	Faire grand chemin.
Libra,	Ioye & dons.
Scorpion,	Labeur & trauaux,
Sagittatus,	Ouyr grandes choses.
Capricornus	Denonciation à venir.
Aquarius,	Tristesses à la maison.
pisces,	Ouyr bonnes nouvelles.

TABLE VNZIESME.

Le feu sautant ou estincelant , signifie.

La lune estant en

Aries,	Perte & procès.
--------	-----------------

Taurus,	Faire Pelerinages.
Gemini,	Venir en autorité.
Cancer,	Ioye & plaisir.
Leo.	Dons & presens à venir.
Virgo,	Maladie ou perte.
Libra.	Mauiuaises nouvelles, ou reuelations.
Scorpio,	Douleurs & trauaux.
Sagittarius,	Reuelations.
Capricornus	La fin ou perte.
Aquarius,	Plaisir & ioye.
Pisces,	Ny bien ny mal.

Table douziésme.

*Quand on deuient triste soudainement,
ou quelque fantasme appert deuant
nous, cela denote.*

La lune estant en

Aries,	Ny bien ny mal.
Taurus,	Advenir argent.
Gemini,	On fera accusé.
Cancer,	Crainte des larrons.
Leo,	On entédra des friuoles.
Virgo,	Bonnes nouuelles.
Libra.	Accroissement d'argent.
Scorpio,	Longue peregrination.

n'ont aucune puissance. Il suffira de
ce qu'avons dit de la cause mouvante.
Et afin que l'on entende l'opinion pre-
sente, nous declarerons les tables,
desquelles les anciens se sont aydez
selon le mouvement & cours de la
lune.

P. I. N.



TABLE



TABLE PREMIERE.

*La beste qui entre en la maison
signifie.*

La Lune estant en

Aries,	Procés, & qu'on sera faussement accusé.
Taurus,	Il vient vn hoste.
Gemini,	Maladies à venir.
Cancer,	Sourdre débats.
Leo.	Gouvernement en grant de chose à venir.
Virgo,	Inductions à faire quel- ques choses & finesse.
Libra,	Sourde esperance.
Scorpio,	Tristesses à venir.
Sagittarius,	Pelerinages & voyages.
Capricornus	Plaisir & ioye à venir.
Aquarius,	Tristesses & procès,
Pisces,	Bonne cause à venir.

D d

TABLE DEUXIESME.

*Et quand on la rencontre en son chemin
signifie.*

Quand la Lune est en	
Aries,	Le Patriarche, ou Pape mourra.
Taurus,	Bonnes nouvelles.
Gemini,	Guerre sourde.
Cancer,	Chose publiée.
Leo,	Changement d'habits.
Virgo,	Tristesses à venir.
Libra,	Changement à venir.
Scorpio,	Nôtre ennemy mourra
Sagittarius,	Nouvelles en secret.
Capricornus,	On nous apportera d'os.
Aquarius,	Nostre seruiteur fuira.
Pisces,	Grandes pluyes à venir

TABLE TROISIESME.

*Quand quelque lieu brusle, ou que la foudre
tombe sur la maison, ou quand
les habits bruslent signifient.*

La lune estant en	
Aries,	Ny bien ny mal.

Taurus,	Plaisir à venir,
Gemini,	Bonne cause à venir.
Cancer,	L'œuvrre se parache.
Leo,	Tristesses & procès,
Virgo,	Vne malice tres-grande & mauuaise à venir.
Libra,	Nou ueaux habillemēs.
Scorpio,	Plaisir & ioye.
Sagittarius,	Malice fourde.
Capricornus,	Resiouyſſance.
Aquarius,	Ioye & plaisir.
Pisces,	Resiouïſſance & plaisir

TABLE QUATRIESME.

*Quand vn chien ronge vne chose que nous
aymons, ou si vn Loup deuore vne beste
nostre ou si vne souris ronge nostre
or ou quelque chose qui soit plai-
sante & agreable signifient.*

La lune estant en

Aries,	Peregrination.
Taurus,	On sera malade.
Gemini,	On acheptera vn serf.
Cancer,	Pleurs & lamentations
Leo,	Douleur en estat.

Virgo,	Ioye & plaisir.
Libra,	Trouuer ce qu'o desir.
Scorpio;	Nostre argēt diminuera
Sagittarius,	Malice sourde.
Capricornus,	Separément d'amy.
Aquarius,	Peregrination.
Pisces,	Plaisir & ioye.

TABLE CINQVIESME.

*Le bruit ou son qui se fait en la maison
signifie.*

Quand la Lune est en

Aries,	Ioye & plaisir.
Taurus,	Mal à venir sous nostre charge ou puissance.
Gemini,	Le chien aura la peste.
Cancer,	On trouuera argent.
Leo,	Il viendra vn bon hoste
Virgo,	Bonnes nouuelles.
Libra,	Bonne recepte & bon- nes nouuelles.
Scorpio,	Maladie.
Sagittarius,	Labeur & trauaux.
Capricornus,	Malheur & tristesse à venir sur les gens.

Aquarius,	Argent des bestes.
Pisces,	Bon-heur sous nostre domination.

TABLE SIXIESME.

*Quand vn Corbeau ou Corneille glatiffine
ou crient, les Crapaux chantent, ou
quelque Oyseau Augural quel qu'il
soit, ou bien si vn Oyseau tombe au
chemin : cela signifie.*

Quand la lune est en

Aries,	On aura frayeur & crainte des larrons.
Taurus,	On se hastera pour faire regir le Royaume.
Gemini,	On perdra son sang.
Cancer,	Maladie à venir.
Leo,	Se mouuoir d'un lieu.
Virgo,	Perdre argent.
Libra,	Nostre amy malade.
Scorpio,	Pleurs & lamentations en la maison.
Sagittarius,	La mort de nos bestes.
Capricornus,	Douleur en estat.
Aquarius,	Procés advenir.

D.d. iij.

Pisces,

Tristesses à venir.

TABLE SEPTIESME.

Quand un chat ou autre beste entre par
le pertuis de la porte, il signifie.

La lune estant en

Aries,	Erayeur des hommes.
Taurus,	Accroissement d'argent.
Gemini,	On trouuera argent.
Cancer,	Mal à venir.
Leo,	Faux témoignage.
Virgo,	Maladie.
Libra,	On verra son pere.
Scorpio,	Ioye & plaisir.
Sagittarius,	Ny bon ny mauuais.
Capricornus,	Le droit s'abbregera,
Aquarius,	Bon-heur en nostre do-
	maine.
Pisces,	Nous aurons recepte en
	laquelle gagnerons.

TABLE HVICTIESME.

Quand la chandelle ou torche, ou feu s'e-
stainet tout soudain, il signifie.

La lune estant en

Aries,	On ira de lieu en autre.
--------	--------------------------

Taurus,	La mort de nos bestes.
Gemini,	Procés advenir.
Cancer,	Faux témoignage.
Leo,	Crainte des larrons.
Virgo,	Trouuer ce qu'on desire.
Libra,	Tristesses à la maison.
Scorpio,	Ouyr bonnes nouvelles.
Sagittarius,	Se mouuoir d'un lieu.
Capricornus	On aura frayeur & crainte des larrons.
Aquarius,	On se hastera pour faire.

Table douziesme.

Le bruiet ou son qui fait feu signifie.

La lune estant en.

Aries,	On trouuera argent.
Taurus,	Maladies à venir.
Gemini,	Nostre amy malade.
Cancer,	On perdra son sang.
Leo,	Nous aurons procès.
Virgo,	Le chien aura la peste.
Libra,	Malheur à venir.
Scorpio,	L'advenue d'un hoste.

Taurus,	Faire Pelerinages.
Gemini,	Venir en autorité.
Cancer,	Ioye & plaisir.
Leo.	Dons & presens à venir.
Virgo,	Maladie ou perte.
Libra.	Mauuaises nouvelles, ou reuelations.
Scorpio,	Douleurs & trauaux.
Sagittarius,	Reuelations.
Capricornus	La fin ou perte.
Aquarius,	Plaisir & ioye.
Pisces,	Ny bien ny mal.

Table douziésme.

*Quand on deuient triste soudainement
ou quelque fantasme appert deuant
nous, cela denote.*

La lune estant en

Aries,	Ny bien ny mal.
Taurus,	Advenir argent.
Gemini,	On fera accusé.
Cancer,	Crainte des larrons.
leo,	On entédra des friuoles.
Virgo,	Bonnes nouvelles.
Libra,	Accroissement d'argent.
Scorpio,	Longue peregrination.

Sagittarius,	Douleurs & tristesse
Capricornus	Mort à venir.
Aquarius,	Crainte des hommes.
Pisces,	Chose assez bonne.

Nous nous contenterons des exemples susdictes combien qu'on en y eust peu adiouster plusieurs autres : car le diuin ou augur qui a bon esprit pourra s'ayder de ceux cy en plusieurs autres choses. L'interpretation donc desdictes tables est telle. Si quand la lune est en Aries, vne beste entre dans la maison, c'est signe de débats & calomnies & semblablement des autres signes & significations d'iceux. Et faut toujours chercher le lieu de la lune, lors que la chose augurale se rencontre deuant nous, & faut iuger selon sa nature.

Table selon les Astronomes Egyptiens touchant leurs tressautemens.

Il y aucuns qui ont diuisé les tressautemens des parties du corps en douze lesquels tressautemens se font en nos membres, qui sont subiects, aux signes:

comme disent les Egyptiens Astronomes, à sçauoir Perolitis, & aussi Neopsus: car Aries gouuerne le chef, Taurus le col, Gemini les bras & espaules, Cancer la poitrine, Leo, l'estomach & les flancs, Virgo le ventre, Libra les reins & l'eschine, Scorpius les genitoires, Sagittarius les cuisses, Capricornus les genoux, Aquarius les iambes depuis le gencüil en bas, & Pisces les pieds. Quand donc le chef tressaute, ou quelque partie d'iceluy, faut entendre ce, appartenir totalement à la teste, & le faut bailler à Aries, & ainsi faire des autres membres semblablement. Or quand la lune est en Aries, si le chef ou quelque partie d'iceluy tressaute ou fremit, c'est signe qu'on sera fauement accusé, & denote aussi plaideries. Et si la lune est en Taurus, c'est signe de la venue d'un hoste ou estranger. Et si elle est en Gemini grandes maladies aduendront en celle region, & faut dire & iuger des autres en telle sorte, selon leur ordre. Il faut noter qu'il peut aduenir que lors que



TABLE PREMIERE.

*Des treffaitemens & esternuemens
De la Teste.*

La lune estant en

Aries,	Fausſes accusations.
Taurus,	L'advenement d'un ho- ſte, ou eſtranger.
Gemini,	Maladies en regne.
Cancer,	Noiſes en la Cité.
Leo,	On aura quelque gou- uernement.
Virgo,	Induction & fineſſe.
Libra,	Eſperance à venir.
Scorpio,	Trifteſſes ſourde.
Sagittarius,	Voyages & pelerinages.
Capricornus,	Plaiſir & ioye à venir.
Aquarius,	Trifteſſes ou procès.
Piſces,	Bonne cauſe à venir.

TABLE DEUXIESME.

Le col & le chinon d'iceluy.

La lune estant en

Aries,	Reuelation.
Taurus,	Reuelationis.
Gemini,	Labeur & trauaux,
Cancer,	Ouyr grandes choses.
Leo.	Ioye & repos à venir.
Virgo,	Ioye par lettresmissiues
Libra,	Plaisir & ioye à venir.
Scorpio,	Tristesses ou procès.
Sagittarius,	Labeurs & trauaux,
Capricornus	Argent du bestial.
Aquarius,	Profit enuers nous.
Pisces,	Longue peregrination.

TABLE TROISIESME.

Les espaules & les bras.

La Lune estant en

Aries,	Faire grand chemin.
Taurus,	Ioye & dons.
Gemini	Sourdre débats.
Cancer,	Gouvernement

Leo,	Vn cien amy viendra
Virgo,	Vne machination & malice grande viendra
Libra,	Auoir nouueaux habits
Scorpio,	Plaisir & ioye.
Sagittarius,	Deuenir malade.
Capricornus	Resiouissance de hoste.
Aquarius,	Plaisir & .oye.
Pisces,	Resiouissance.

TABLE QUATRIESME.

La poitrine.

La lune estant en

Aries,	Pelerinages.
Taurus,	Prins par parolles.
Gemini,	On aura nouuelles.
Cancer,	D'aduenement estranger
Leo,	Querelles & debats.
	Plaisir & ioye.
Virgo,	On trouuer ce qu'on
Libra,	desire.
Scorpio,	Nostre argēt diminuëra
Sigittarius,	Malice fortifira.
Capricornus:	Nostre enemy se separe

Taurus,	On fera regir le Roy- aume.
Gemini,	On perdra du sang.
Cancer,	On sera malade.
Leo,	On ira de lieu en autre.
Virgo,	On perdra argent.
Libra,	Nostre ami sera malade.
Scorpio,	En la maison douleurs & querelles.
Sagittarius,	Nos bestes mourront.
Capricornus	Douleur sera en estre.
Aquarius,	Nous aurons procès.
Pisces,	Nous aurons tristesses.

TABLE SEPTIESME.

Des reims & ventres.

La lune estant en

Aries,	On perdra.
Taurus,	On acheptera vn serf.
Gemini,	Mauuais s nouvelles.
Cancer,	La guerre prendra fin.
Leo,	Faux temoignage.
Virgo,	On sera malade.
Libra,	Crainte des larrons.

Ec

TABLE NEVFIESME.

Des cuisses.

La lune estant en

Aries, Nostre ennemy mourra.

Taurus, L'advenemēt d'un hoste.

Gemini, Nostre argent croistra.

Cancer, En sera malade.

Leo, On viēdra en autorité.

Virgo, L'honneur royal dimi-

Libra, nuera.

Scorpio, On aura nouueises.

Noises & debats.

Sagittarius, On aura crainte des
hommes.

Capricornus, La femme mourra.

Aquarius, La femme fera vne fille.

Pisces, Bon heur en nous.

TABLE DIXIESME.

Des genoux.

Quand la lune est en

Aries, Vomissement.

Taurus,	On verra son pere,
Gemini,	Ioye & repos à venir.
Cancer,	Ioye par lettresmissiues.
leo,	Longue peregrination,
Virgo,	Ioye par dons.
libra,	Labeur & trauaux.
Scorpio,	Grandes nouvelles,
Sagittarius,	Reuelations.
Capricornus,	Tristesse en la maison.
Aquarius,	Bonnes nouvelles.
Pisces,	On fera en repos.

TABLE VNZIESME.

Des Iambes.

La lune estant en

Aries,	Pertes & procès.
Taurus,	Voyages.
Gemini,	Paruenir en autorité,
Cancer,	Ioye & plaisir.
leo,	Dons & presens.
Virgo,	Maladie ou perte.
libra,	Mauuaises nouvelles.
Scorpio,	Labeur & tristesse.
Sagitaris,	Reuelation.

Sagittarius,	Reuelationis.
Capricornus,	Mourir ou perte.
Aquarius,	Ioye & plaisir.
Pisces,	Ny bonny mauuais.

TABLE DOVSIESME.

des pieds.

La Lune estant en

Arès,	Ny bon ny mauuais.
Taurus,	Venir argent.
Gemini,	On sera accusé.
Cancer,	On entendra choses friv uoles.
Virgo,	Bonnes nouuelles.
Libra,	Accroissement d'arget.
Scorpio,	Longue peregrination.
Sagittarius,	Fascherie & douleur.
Capricornus,	On mourra.
Aquarius,	Frayeur & crainte.
Pisces,	Choses bonne

FIN





